

**JUDAISMUS  
CONVICTUS SEU  
DEMONSTRATIO  
EVIDENTISSIMA  
LEGEM...**

---

Casimirus Puteanus





H



1757  
JUDAISMUS CONVICTUS

seu  
DEMONSTRATIO EVIDENTISSIMA

Legem Veterem cessasse,  
Pròmissum MESSIAM advenisse,

Eumq; esse

JESUM CHRISTUM

invictis argumētis è Vaticiniis antiqui Testamēti

DEDUCTA,

brevi, ac dilucida Methodo

EXPLANATA,

Atq; occasione Manifestationis coram Officio  
ILLUSTRISSIMI, EXCELLENTISSIMI,  
Ac REVERENDISSIMI DOMINI

D. NICOLAI

à Dębowa Góra

DEBOWSKI

EPISCOPI CAMENECENSIS

Annò elapsò 1756: à Judais. etc.

Publicæ Luci

DAT. A.

Authore Fratre Casimiro Putcane S. Th. Le Gore

Conventus Varšaviensis Provincia Polonie

Ordinis Prædicatorum Alumno

Annò ab Adventu Veri MESSIÆ


JESU CHRISTI

1757.

VARSAVIÆ.

Typis S. R. M. & Reipublicæ in Collegio  
Scholarum Piarum.







ILLUSTRISSIMO EXCELLENTISSIMO

Ac REVERENDISSIMO DOMINO

D. N I C O L A O

*à Debowa Gora*

D E B O W S K I

Episcopo Camenecensi

Mecænati Gratosissimo.



*Arvum istud. contra Ju-  
deos opus Magno TUO  
Nomini nuncupare cogi-  
tavi, quòd probè sciam,  
summam erga omnes af-  
fabilitatem, pari cum fidei propagandæ  
zelo TUO certare in animo. JL.*

(2)

LU-



**LUST**RISSIME, EXCELLEN-  
**TISSIME**, & REVERENDISSI-  
 ME DOMINE PRÆSUL &  
**MECÆNAS** FAVENTISSIME.

**N**on diffido meum huncce libellum Gra-  
 tiam TUIS in oculis reperturum, qui  
 amplam Mentem TUAM inter gra-  
 vissima licet Reipublicæ negotia jugi  
 Sacrarum litterarum lectione pascere,  
 & relevare assoles, earumq; indefesso  
 studio tam locupletem Sacræ Antiqui-  
 tatis notitiam comparasti, ut quæcunq;  
 hac in materia lucubrationes evul-  
 ganda sunt, ad TE, ceu perspectum,  
 limatiq; ingenij Judicem merito devol-  
 vi debeant. Et planè DEO ipso di-  
 sponente factum est, quod fidei Christi-  
 anæ causa contra perfidiam Judaicam,  
 non alibi, quam TUUM ad Judici-  
 um devoluta sit, cum etenim DEUS  
 O. M. & zelo defendendæ fidei, &  
 veræ Theologiæ comprehensione TU-  
 UM

UM imbuerit animum, ad TE suam  
 hanc ad convincendos hebraeos causam  
 referri destinavit. TUUM ea pro-  
 pter hic PRÆSUL SAPIENTIS-  
 SIME equitatis Tribunal appello ;  
 conspice Poloniam tanta Judæorum  
 colluvie quaquaversus refertam, ut  
 nos numero si non superare, utiq; æ-  
 quare videantur. Compendiosâ me-  
 ditatione perpende, quot in dies ex  
 ijs animæ veluti conglomerato agmine  
 in averna descendant? & nemo est, qui  
 Fraternalis Charitatis visceribus motus,  
 manum pereuntibus porrigat, cum in-  
 terea alij profanis historiis mentem  
 satiare, primæ sibi gloriæ ducant ;  
 alij siccis, inutilibus, vanisque  
 questionibus sua, aliorumq; ingenia  
 onerent, alij demum unicus Geometriæ,  
 ac Mathematicæ experimentis supra  
 modum delectentur. Non, ut hujus-  
 modi artibus odium aliquod conciliem,  
 aut

aut *eas* meo calculo reprobem, hæc dico, cum & ad humanæ mentis eruditionem, & ad alendam inter homines societatem non parum conferant. Sed ijs disciplinis ita indulgendum esse censeo, ne *Magistram omnium Theologiam* reliquissè videamur. *Illæ delectabiles* quidem sunt, hæc omnino necessaria. Hinc *S. Augustinus* lib: de util: cred: cap: II. Intelligere (inquit:) superflua nihil nocet, sed fortasse discere nocuit, quum tempus necessariorum occuparent.. Ante omnia, clamat Evangelium: quærendum est Regnum Dei, investiganda earum veritatum cognitio, quæ Nos, & alios ad verum DEI cultum, & amorem ducant, sicq; aptissimos ad regnandum cum DEO efficiant. Hic scopus, hic finis studiis Nostris ab ipso DEO, & natura præfixus est. Non eos quippè, qui de maris aestu, de planetarum cursu, de  
Coper-


*Copernicano, aut alio Siftemate pluri-  
ma ad naufeam usq; ventilant, fepi-  
usq; reflicant, fed qui ad Iuftitiam  
erudiunt multos, ftellarum fulgore emi-  
caturus Scriptura promittit. Ignofce  
PRÆSUL ILLUSTRISŒIME,  
quod GlorioŒo TUO Nomine ad ne-  
ceŒariæ, veræq; Œapientie Œudium ple-  
rosq; coætaneos provocem, & adhorter;  
etenim inter perfidiam Judeorum, &  
pervicaciam hereticorum collotenus  
verŒamur; quorum uni Præceptore, &  
Duce indigent, alij Catholicarum ve-  
ritatum DeŒenŒorem Œrenuum ultro  
exigunt. Primis Œatisfactum iri arbi-  
tror, dum PaŒtorali TUA Œollicitudine,  
quâ emines, promovente per Diace-  
Œes, & Parochias in manus tum Cle-  
ri, cum etiam peritorum latine lingue  
Œecularium opuŒculum hoc pervenerit;  
Œacili quippè negotio exiguum Opus ma-  
nibus omnium teri, & portari, brevi  
tempo-*

*temporis spatio perlegi , eoq̃ mens cu-  
juslibet imbui , dataq̃ occasione huic,  
vel illi Judeo dilucidè exponi poterit;  
sicq̃ DEO interius operante futurum  
fore in Domino confido , ut una , &  
altera anima erroris sui conscia gre-  
gi, & ovili Christi aggregetur , An-  
gelis in Cælo gaudium obveniat , Ca-  
tholicus verò in soliditate suæ Fidei  
magis magisq̃ firmetur. Hoc in scri-  
bendi genere eximiam sibi laudem com-  
pararunt Reverendissimus ac Illustris-  
simus Daniel Huetius Episcopus Abrin-  
censis in sua Demonstratione Evange-  
lica; Raymundus Martini Ordinis  
Prædicatorum in Pugione Fidei , &  
Ignatius Hyacinthus Graveson Ejus-  
dem Ordinis ; Alijq̃ Viri Doctissimi,  
è quorum Archivis ea, quæ nervosius,  
ac solidius hebræos convincere possunt,  
plurimis etiam , quæ Venetiis agens  
in studio Ordinis conscripseram, additis,  
in*

*in brevem methodum , facilemq; bono ordine redegi ; quò cuilibet ingentia Opera ad manum habere minimè valenti consultum foret.*

*Hic præclarissimas animi TUI PRÆSUL ILLUSTRISSIMÆ doctes, & magna in Ecclesiam, ac Rempublicam tuam TUA, quàm ILLUSTRISSIMI EPISCOPI CUIAVIENSIS Germani TUI, totq; DOMUS TUÆ ILLUSTRISSIMÆ HEROU, PATRUM, ac DEFENSORUM PATRIÆ merita enarrarem ; nisi tanta recte gestorum moles , exilem meam supprimeret facundiam , & ego solus ea merita condignis encomiis celebrare impar sim ; quæ totus Polonus Orbis debito tantum veneratur cultu, sufficienti verò laude nequit assequi, extollere, celebrare. TUUS pro Christiana causa contra perfidiam Judaicam indefessus zelus,*  
*inter*





*inter innumeras Virtutes alias summi  
TIBI semper Elogij futurus est.*

*Nunc tantum DEUM Bonorum o-  
mnium largitorem precor, ut ILLU-  
STRISSIMAM, ac EXCEL-  
LENTISSIMAM DOMINATI-  
ONEM TUAM in plurimos annos  
incolumem Ecclesiae Polonae, litteris,  
& Republicae servet, supernaeq; benedi-  
ctionis fluentis opimis repleat. TU autem  
PRÆSUL ILLUSTRISIME æ-  
qui boniq; consulas istud quaecunq;  
obsequij mei, & propensi animi monu-  
mentum, quod TUOS sub pedes, TU-  
AM sub Pastoralem protectionem hu-  
militer collocô*

*Illustrissimæ, Excellentissimæ,  
ac Reverendissimæ Dominationis  
Tuæ.*

*infimus Servus  
Fr. Casimirus Puteanus  
Ordinis Prædicatorum.  
mpp.*

# FACULTAS ORDINIS.

Frater THOMAS KROLIKOWSKI S. Th. Mgr  
Prior Provincialis Provinciæ Poloniæ S. O.  
Prædicatorum.

*Harum serie, Nostriq; Authoritate Officij Tibi  
Rúdo P. Lri Fri Casimiro Putean Damas, Con-  
cedimusq; licentiam, Datamq;, & Concessam esse  
Decernimus, & Declaramus imprimendi libellum  
cum titulo: Judaismus Conviçtus labore tuo ad  
convertendos Judæos, & conversos confirmandos.  
conscriptum; dummodo eundem prius viderint ac le-  
gerint A. R. P. Mgr Fr. Symphorianus Poniniski, &  
R. A. P. Præséntatus studij Nostri Generalis Varsa-  
vien: Regens Fr. Bruno Bogatko, illumq; publicæ uti-  
litati dignum esse censuerint, ac judicaverint. In  
Nomine Patris, & Filij, & Spiritus S. Amen.  
Quibuscunq; &c: In quorum fidem &c: Dedimus in  
Conventu Nostro Cracov: Die 26. Febr: 1756.*

L.S.

Conservus in Dño Fr. Thomas Kro-  
likowski Mgr Provincialis.

mpp.

Rga. Pga. 467.

Fr. Thomas Uzdowski Lr Prior  
Elbingen: & Socius, mpp.


## CENSURA THEOLOGORUM.

**E**X commissione A. R. P. S. Th: Magistri Thomæ Krolikowski Provincialis Provinciae Nostræ Poloniae perlegi libellum à R. P. Lre Casimiro Puteano compilatum, cui titulus: *Judaismus Convictus, in quo, cum nihil fidei Catholicae adversum, verum bene ordinatam, & efficacem convincendi Judaismi Methodum invenierim; dictum libellum, uti animarum lucro servitutum luce publica dignum fore judico. Datum in Conventu Varsavien: Die 1. Decembris. 1756.*

Fr. Symphorianus Poninſki S. T. Doctor Vicarius Conventus Vars: S. Hyacinthi O. Præd:  
mpp.

**L**ibellum, cui titulus: *Judaismus Convictus à R. P. L. Casimiro Puteano conscriptum, præhabita licentiâ A. R. P. Magistri Provincialis Thomæ Krolikowski legendum, trutinandumq; suscepi, in quo nihil prorsus reperi, quod Fidei Dogmatibus dissonum sit, sed potius, quod Judæos de sua perfidia mirificè convincere, eosq; ad agnitionem Veri Messiae JESU Christi adducere potest; adeoq; præfatum libellum ob suam utilitatem typis mandandum esse censeo. Datum in Conventu Varsav: Die 1. Decembris. 1756.*

Fr. Bruno Bogatko S. T. Præsentatus Regens  
studij Generalis Varsaviensis Ord: Præd:  
ad S. Hyacinthum. mpp.



LICENTIA LOCI ORDINARII.

Imprimatur

CAROLUS FRIDERICUS KRENI  
U. J. D. Canonicus Cathedralis Plo-  
centis, & Varsaviensis, ac Judex Sur-  
rogatus.

*mpp.*



## BENEVOLE LECTOR.

**H**umanitèr Te rogo, quo meis acquiescas consiliis, nempe: si optatum ex lectione libelli hujus fructum capere desideras non unum, aut aliud caput; non unum, aut alium titulum perfunctoriè legas: sed à capite libelli incipiendo consequenter unam post aliam tractationem patientèr, & serio perpendere digneris, posteriorum enim intelligentia à priorum noticia pendet, & quasi catenatim se se sequuntur. Duos etiam capitales, qui typo irrepserunt errores hic detectos advertas: imus habetur pag: 17. vers: 22. ubi pro verbis illis: *sed quomodo poterat David, aut Abraham dicere alicui: Tu es Sacerdos &c:* pro verbis illis (inquam:) lege: *Sed quomodo Dominus, seu Deus dicere poterat Davidi, aut Abrahamo: Tu es Sacerdos &c:* 2dus habetur pag: 24. vers: 21. ubi post hæc verba: *Terra, quam tu detestaris:* pro verbis: *non eadem verba repetit.* Lege: *nam eadem verba repetit.* Cæteros errores minores correctos invenies in fine Operis. Vale.

PROLO-



# P R O L O G U S

In quo nomen & character Messiae exponitur; undeque vera ejus notitia desumenda sit, & quâ Methodo investiganda? ostenditur.

**M**essias vox hebraica, idem prorsus sonat quod græca vox Christus, at Christus latine redditur: Unctus. Cum autem Reges nonnisi & Sacerdotes ungi moris sit, ac fuerit, quos etiam simul Prophetas esse nihil prohibet; uti Davidem Regem simul & Prophetam; Samuelem Sacerdotem simul, & Prophetam; hinc nomine Messiae Judæi cum intelligi & significari volunt; qui simul Rex, Sacerdos, & Propheta, inter omnes Electus, magno in terris muneri obeundo à Deo destinatus sit tanquam liberator, Salvator, & summa totius mundi expectatio. Cui proinde Judæi

A

omnem

omnem promptamque cum obedientiam, tum fidem ut  
vero Dei nuncio & Electro pollicentur.

Perpetuam inter Judaeos de hoc venturo Messia  
traditionem viguisse manifesta omnium tam antiquo-  
rum, quam modernorum hebraeorum confessione cer-  
tissimum est. Unde hanc, quaso, adeo communem  
unoque omnium ore vulgatam de venturo Messia  
Traditionem didicere Judaei? nisi ab illis generis  
sui Viris, qui Divino afflati spiritu crebra, & illu-  
stria de Messia adventu fuderunt oracula? Neminem  
autem Divino imbutum, aut inspiratum Flamine, to-  
ta eorum retro antiquitas memorat, aut reminisci-  
tur, prater Patres, & Prophetas aliosque Sa-  
cerdos Autores, quorum singula alicuius momenti tum  
gesta cum dicta, & fusae vaticinia in Canonicos Ve-  
teris Testamenti libros ad amussim congesta, & fi-  
deliter relata sunt a viris itidem Dei Spiritu dire-  
ctis & suffultis. Non aliunde igitur, quam ex  
ipsis Canonicis hebraeorum voluminibus veram, cer-  
tamque notitiam, & quandam quasi effigiem, ac ma-  
ginem venturi Messiae haurire, & derivare ulli au-  
licet, aut suppetit. In hoc totam Judaeorum gentem  
mibi assentiri facile crediderim.

Quocirca Judeum quemlibet etiam atque etiam  
rogo, velit mecum abjecta omni sinistra mentis pra-  
occupatione suos, suorumque Canonicos libros a ca-  
pite ad calcem usque lastrare, ac perscrutari, ut  
veram venturi Messiae notitiam, atque ideam tant  
ego, quam ipse consequi valeamus. Si etenim pe-  
integrum vetus Testamentum obvias omnes & per-  
spicuas de Messiae predicationes lastraverimus, ne-

ego *Judeo*, nec *Judaus* mihi obtrudere, fucumque facere poterit, alia superesse vaticinia, quæ *Messiam venturum* aliter depingant, vel prænuncient.

Ut autem æquo jure procedamus in signandis, & explicandis de *Messia Scriptura Sacra* locis, textum textui conferemus, locumque unum, altero simili metiemur, & illustrabimus; insuper veterum ac doctorum *Rabbinorum*, hebraicorumque monumentorum super ea re judicium consulemus; quo facilius etiam antiquam æquequi possimus *Traditionem*, quibus nempe *Scriptura* locis venturum *Messiam* prædici & indicari, apud antiquos *Hebraeos* in consensu erat.

Divinâ prælucente gratiâ. *Primo Canonico* libro, nempe à *Genesi* rem ordiemur per ordinem ceteros omnes lustrari. Opusculum nostrum in duas *Partes* dividemus. In prima *Parte*. *Totius Veteris Testamenti vaticinia*, quæ de *Messia prolata* sunt, investigabimus, ac perpendemus. In secunda *Parte* autem *ascendemus*, in quo omnia hæc vaticinia completa sunt, quique proinde verus *Messias* esse debet.





# PARS PRIMA OPERIS.

Per Titulos & Nomina tùm Librorum,  
cùm Prophetarum, quàm etiam per  
numeros.

## DISPOSITA.

*In qua Vaticinia totius Veteris Te-  
stamenti de venturo Messia per or-  
dinem referuntur, singula eorum  
aliis consimilibus illustrantur,  
veterumque Rabbiorum  
Traditione roborantur.*

Num: I. **P**riusquam Scripturæ Sacræ  
Textus in medium profera-  
mus Lectorem admonitum es-  
se velim, Sacros Veteris Te-  
stamenti Autores quandoque in propria per-  
sona loqui, sæpius etiam in aliena; quod ex  
eo dignosci facile potest, dum sensus verborum  
in Personam dicentis competere nequit: exem-  
pli gratia: Psalmo 2do David ait: Dominus dixit  
ad

*ad me, Filius meus es tu, ego hodie genui te, postula à me, & dabo tibi gentes hereditatem tuam, & possessionem tuam terminos terra, cum ea verba in Personam dicentis Davidis nullo modo quaderent, signum est, Davidem hic in Persona aliena sermonem facere, nempe in Persona Messie.*

Contingit etiam sæpius Sacros Authores, dum vel de se, vel de aliquo alio in certa causa fantur, interea interlocutionem de Messia miscere, uti in Psalmo 71. David Deum pro se, & Filio suo obsecrat. *Deus iudicium tuum Regi da, & iustitiam tuam Filio Regis, & statim vaticinium de Messia miscet* dicendo: *Descendet sicut pluvia in vellus, & sicut stillicidia stillantia super terram &c.* Ratio hujus interlocutionis est, quia repente Dei Spiritu mens dicentis interius agitur & impellitur; ut suo sermoni repentinos Dei institutus & prædictiones misceat, & pandat. Et hoc est signum veri Prophetæ, qui non humana Methodo & communi ordine rem prosequitur, quia ut ait Scriptura. *irruit in eum Spiritus Sanctus*, plurima hujusmodi exempla in Prophetarum libris extant.

Hoc prænotato ad Scripturam Sacram accedamus, Promissionem Venturi Messie recto ordine indagaturi, jure merito ab Abrahamo credentium Patre intentum auspicabimur.

## GENESIS.

*Hic Messias promittitur ex semine Abrahami,*

❧❧❧( 3 )❧❧❧  
*brahami, Ifaiaci, & Jacobi oriun-*  
*dus, futurusq; benedictio, & ex-*  
*pectatio gentium.*

*Num: II.* **Q**Uamvis statim post lapsū in peccatū, Adamo & Evæ Salvator & libera or, promissus fuerit, qui nempe ex muliere oriundus antiqui serpentis authoris peccati *caput contereret*. Gen: cap: 3. atq; hæc de venturo *Messia* seu liberatore Traditio animis veterum Patrum altè inhæserit; Abrahamus tamen primus fuit è cujus lumbis cum liberatorem seu *Messiam* proditurum Deus aperte declaravit. Gen: cap: 22. *benedicentur in semine tuo omnes gentes*. Iſaaco Filio Abrahami eandem promissionem Deus renovavit. Gen: cap: 26. *benedicentur in semine tuo omnes gentes terræ*, quod ibidem confirmavit, Jacobo Filio Iſaiaci dicens Gen: cap: 28. *benedicentur in te, & in semine tuo omnes tribus terræ*, qui textus cum non possint intelligi de progenie universali Abrahami, Iſaiaci, & Jacobi, nempe: de gente Judaica, utpote à qua gentes nullam benedictionem expertæ, sed in antiqua lege continuis insidiis, modo autem quotidianis maledictionibus afficiuntur: igitur aliquis unus de semine & progenie Abrahami, Iſaac, & Jacobi oriturus est, in quo Dei benedictionem consecuturæ sunt omnes gentes terræ, id est: totus mundus. - Quis quæſiò hujusmodi esse poterit nisi solus *Messias*? consentiunt in eo antiqui Judæi, ut apparet *ex libro Chasidim R. Samuëlis,*

ubi

ubi promissio hæc implenda dicitur, cum Messia temporibus boni erunt Abrahami posterii. Eandem pollicitationem iisdem verbis repetiit Deus apud Davidem Ps: 71. *benedicentur in ipso omnes tribus terre*, quem Psalmum ad Messiam pertinere constans est Judæorum consensus, prout videbimus dum ad eum Psalmum explanandum pervenimus. Hæc etiam erat, atque adhuc est, certissima Judæorum spes, fore nempe, ut sui generis ac sanguinis *Messias* sit, non aliis sanquam mox adductis ex Genesi subnixa testimoniis. Roborat hanc veritatem relati Patriarchæ Jacobi aliud vaticinium Gen: cap: 49. ubi benedicens Judæ Filio suo ait; *Non auferetur sceptrum de Juda, & Dux de femore ejus, donec veniat, qui mittendus est, & ipse erit expectatio gentium*, Nota bene: *Expectatio gentium*, hoc vaticinium vetustiores Judæi, Chaldæi, Paraphrastes, & Thalmudistæ, R. Selemoh, & R. David Kimchi, sine hæsitatione ad *Messiam* refferunt: sicut & aliud vaticinium simile, nempe: Aggæi cap: 2. *Veniet desideratus cunctis gentibus*, in quo, rogo nunc Judæos, benedicendæ sunt omnes gentes nisi in illo eodem, qui erit *expectatio gentium*, & *desideratus cunctis gentibus*? qui cum *Messias* sit juxta mox citatos antiquos hebræos, igitur nisi cæcus non videat factam esse Abrahamo, Isaac, & Jacobo appromissionem de venturo Messia ex eorum semine orituro in relatis textibus, nempe in quibus dicebatur: *benedicentur in semine tuo omnes gentes*. Ex semine igitur

❧❧❧) (❧❧❧

tur Abrahami, Isaaci, & Jacobi proditurus est  
Messias, & ipse non Judæorum tantum, sed vel  
maximè Gentium benedictio erit.

## DEUTERONOMIUM.

*In hoc libro Messias promittitur futu-  
rus ita Magnus Propheta, sicut  
Moyses qui fuit Legislator.*

Num: III. **P**ost Genesim non legitur obvia ali-  
qua de Messia prædictio usq; in Deu-  
teronomio, ubi cap: 18. Moyses vaticinatur: *Pro-  
phetam de gente tua, & de fratribus tuis sicut me  
suscipiet tibi Dominus Deus tuus ipsum audies. Nb.  
sicut me* Moysen, quod vaticinium licet quidam  
hebræorum de Josué, vel aliis interpretentur,  
cùm tamen ex ultimo cap: Deut: constet, *&  
non surrexit ultra Propheta in Israel sicut Moyses,  
nempe similis ei, uti Legislatori, & mirandorum  
patratori, sicut etiam fatetur doctissimus R. Mai-  
monides in lib: de fundam: legis: idcirco ne-  
cesse est hic prædictum esse Messiam qui solus si-  
milis Propheta, & Legislator, ac mirandorum  
patrator futurus est, sicut fuit Moyses.*

## JOB. 1mus, & 2dus REGUM.

*Messias dicitur Deus assumpturus car-  
nem, & Rex ex Stirpe Davidis,  
ejusque regnum fore sempiternum.*

IV. **I**N libro Job, qui fuit Mosis coætaneus, hæc de Messia habentur. Scio quod Redemptor meus vivit, & in novissimo die de terra surrecturus sum & in carne mea videbo Deum Salvatorem meum, quem visurus sum ego ipse, & oculi mei conspiciuntur sunt, & non alius, ex his Messiam carnem assumpturum, & mortuos suscitaturum esse aperte docetur in Thargum, & in interpretatione Syriaca, & Arabica. Sic etiam intellexit R. Haccadosch in revelante arcana, ita etiam sumitur in Beresith Ketana, ex quo patet in prædicto textu hæc verba in carne non referenda esse ad videbo seu videntem Jobum, sed ad verba Deum meum; ut sensus sit Deum in carne nostra appariturum, & in ea carne cum existentem visum iri oculis corporeis a Jobo.

In libris successorum Mosis nempe: Josué, Judicum, Ruth, & Regum non invenitur expressum de Messia vaticinium præter illud 1mi Regum cap: 2. Dominus judicabit fines terra, & dabit imperium Regi suo, & sublimabit cornu Christi sui, & 2di Regum cap: 7. ubi Deus promittit quædam Davidi, quædam filio ejus Salomoni, quædam vero Messie, Messie promittit, quod nec Davidi, nec Salomoni competere potest, nempe: Stabiliam thronum regni ejus in sempiternum, ego ero ei in Patrem, & ipse erit mihi in Filium, his similia Messie promissa in decursu operis plenius videbimus.

**LIBER**

## LIBER PSALMORUM.

V. **P**ost libros Regum nihil memorabile de *Messia* legitur usquē ad Psalterium Davidis.

### PSALMUS II.

*Principes dicuntur consurrecturi adversus Messiam, seu Christum Domini, qui prædicitur Dei Filius à Deo genitus, & possessurus terminos terræ.*

**D**ominus dixit ad me : Filius meus es tu ego hodie genui te, postula à me, & dabo tibi gentes hæreditatem tuam, & possessionem tuam terminos terræ, versu 2. & principes convenerunt in unum adversus Dominum, & adversus Christum ejus, quæ ultima verba apprimè cohærent cum verbis Psalmi 21. ubi *Messias* de se ait: *Circumdederunt me canes multi, consilium malignantium obsedit me.* Ecce quomodo principes populi adversus *Messiam* insurrecturi sunt, & consilium inituri, utiquè ad perdendum eum; nam contra eum. Verba vero. *Filius meus es tu ego hodie genui te.* Eadem videntur cum illis 2. Reg: 7. *Ego ero ei in Patrem & ipse erit mihi in Filium.* Ei Domino, seu Filio Dei convenienter assignatur hæreditas maxima. *Dabo tibi gentes hæreditatem tuam, & possessionem tuam terminos terræ,* quam nec David, nec Salomon unquam habuit, quocirca veteres

Rabbini

Rabbini ex antiqua traditione Psalmum hunc de *Messia* intellexerunt sic. R. Jonathan in Bereſith Rabba. R. Aben Ezra. R. David Kimchi. Saadias Gaon in Daniele. R. Simeon in Jalcut & in Midraſch Thehillim, idem tradit R. Selemoh ipſa veritate coactus: *Majores noſtri ad Regem Meſſiam psalmum hunc totum referebant, oportet tamen eum referre ad Davidem propter hæreticos, (ſic nominat Chriſtianos:) Verba vero illa, in quibus Deus Meſſiæ dicit: ego hodie genui te, concordant mirificè cum illis Pf: 109. ex utero ante Luciferum genui te, & cum ijs Iſaiæ cap: 53. Generationem ejus quis enarrabit, & cum illis Micheæ 5. cap: egreſſus ejus ab initio à diebus æternitatis, in quibus omnibus locis videbimus Meſſiam fuiſſe prædictum: quocirca concludendum eſt Meſſiam Dei Filium ex Deo ab æterno genitum eſſe. Verba vero hæc: Dabo tibi gentes hæreditatem tuam, & poſſeſſionem tuam terminos terra, optimè cohærent cum ijs Psalmi 71. Dominabitur à mari uſquè ad mare, & à flumine uſquè ad terminos orbis terrarum, quem Psalmum idcirco ſtatim placeat examinare.*

## PSALMUS LXXI.

*Eadem promittuntur Meſſiæ quæ in  
Pſalmo 2do.*

VI. **V**ERBA ejus ſunt. Permanebit cum ſole, &  
ante Lunam in generatione & generatio-  
nem. Descendet ſicut pluvia in vellus, & ſicut  
ſtilli.



*stillicidia stillantia super terram. Orietur vñ diebus ejus justitia, & abundantia pacis. Dominabitur à mari usque ad mare, & à flumine usque ad terminos orbis terrarum. Reges Tharsis, & Insula munera offerent, reges Arabum. & Saba dona adducent, adorabunt eum omnes reges terræ. Ante solem permanet nomen ejus. Tam potentem, totique orbi dominantem adusque terminos terræ Principem, nulla prorsus historia memorat, sed neque memorare potest: quocirca soli Messia qui possessionem suam terminos terræ, habiturus Psalmo 2. dicebatur, convenire possunt promissa Psalmo hoc 71. Et sanè, de Deo etenim ipso in se accepto hic Davidem locutum fuisse minime dici potest, cum de eo, qui tantus Rex futurus est præmittatur: Orietur in diebus ejus justitia & abundantia pacis, ergo ejus dies prædicuntur futuri, Deus autem ab æterno semper est. Prædicatur etiam in futurò, dominabitur à mari usque ad mare. Deus autem semper mari, & terræ dominatur, & dominatus est: idcirco cum psalmum de Messia dictum esse omnes iidem Veteres Rabbini confitentur quos ad expositionem Psalmi 2di citavimus, verba hæc: permanebit cum sole, & ante lunam, ante solem permanet nomen ejus denotant Messiam ante solem, & Lunam fuisse, certe non alibi, quam apud Deum Patrem: quocirca ei Pater dicit Ps: 109. ex utero ante Luciferum genui te, & hoc indicant verba illa descendet sicut pluvia super terrā. Unde? nisi de Cælo à Patre descendet: igitur ex hoc Psalmo*

Psalmo eadem prorsus de Messia prædicta habemus, quæ in Psalmo 2. nempe: quod Filius Dei ex Deo genitus, & toti terrarum orbi dominaturus sit.

Quoniam hic Psalmus 71. cum Psalmo 2. magnam connexionem habet cum interrupto ordine hic retulimus, sed ad ordinem redeamus. Post Psalmum 2. inter alios nihil peculiare de Messia invenitur usque ad Psalmum istum.

## PSALMUS XV.

VII. **P**rovidebam Dominum in conspectu meo semper, quoniam à dextris est mihi, ne commovear, caro mea requiescet in spe, quoniam non derelinques animam meam in inferno, nec dabis Sanctum tuum videre corruptionem. Notas mihi fecisti vias vitæ, adimplebis me latitia cum vultu tuo delectationes in dextera tua usque in finem, hæc Davidem non in propria, sed in Messia persona dixisse ex eo constare debet, quod ejus, de quo hic sermo habetur, caro seu corpus requiescet in spe: & additur in quali spe? nec dabis Sanctum tuum videre corruptionem, id est: caro, seu corpus quod requiescit in spe incorruptionis, non corrumpetur; Davidis autem corpus more cæterorum corruptum fuit. Deinde quemnam David dicere poterat Sanctum tuum, seu Sanctum Dei? nisi qui à Daniele Sanctus Sanctorum appellatur; & cuinam Delectationes ad dexteram Dei appromittere poterat? quam cui Deus dixit Ps. 109. Seda à dextris meis, quæ circa etiam Judæi

dæi in Midrasch Thehillim *Messiam* hic præsignatum fatentur, quibus assentitur Author *Nephesc: abhachma* seu *anima sapientis*, Nb. *Messia* corpus non corruptum iri, adeoque antequam ejus corpus corumpatur, *Messiam* resurrecturum.

## PSALMUS XXI.

*In hoc Psalmo Messias pauper, & dolens describitur, manus, & pedes ejus perforande, & simul additur psalmus 68. ubi dicitur felle potandus.*

VIII. *C*ircumdederunt me canes multi, consilium malignantium obsedit me, sicut Ps: 2. principes convenerunt in unum adversus Dominum & adversus Christum ejus, quem Psalmum vidimus de *Messia* dictum: quo circa hic eadem de eodem dicuntur. Ulterius *Foderunt manus meas, & pedes meos, dinumeraverunt omnia ossa mea, ipsæ verò consideraverunt, & inspexerunt me, dividerunt sibi vestimenta mea, & super vestem meam miserunt sortem*, hæc Davidem non locutum esse in Persona totius Israelis, (ut quidam astuti hebræi asserunt) patet ex verbis, quæ sequuntur ab eodem transosso dicta. *Narrabo nomen tuum fratribus meis, in medio Ecclesia laudabo te universum semen Jacob glorificate eum*, igitur unus aliquis in medio Ecclesiæ, & Israël, narrat nomen Dei fratribus; nempe: Israël, igitur non totus Israël,

et, sed unus aliquis de se loquens inducitur: sed non David in propria persona, quia ei nunquam *fossæ sunt manus, aut pedes*: igitur in aliena persona, sed non in persona quæ non sit magni alicujus momenti, cum Deus per ora Prophetarum de minoris momenti persona locutus esse, minimè dicendus sit: sed nulli magni momenti Personæ per totam retro historiam hæc contingere, ergo de *Messia* seu in Persona Messie David loquitur. Quocirca hunc psalmum ad *Messiam* pertinere docetur: in Midrasch Thehilim, & in libro Thalmudico Sanhedrin, ubi capite ultimo id tanquam certum sumitur; & sanè, nonne hic is idem ait: *Foderunt manus meas, & pedes meos*, de quo Isaias dicit cap: 53. *Ipsè vulneratus est propter iniquitates nostras, attritus est propter scelera nostra, & nonne hæc. Foderunt manus meas & pedes meos ipsi vero consideraverunt & inspexerunt me, ei aperte competunt, de quo dicitur Zachariæ cap: 12. & aspicient ad me quem confixerunt, & cap: 13. quid sunt plaga ista in medio manuum tuarum.* Sed quid mirum hæc *Messie* eventura esse, cum Danielis 9. apertissimè dicatur: *post hebdomadas sexaginta duas occidetur Christus, seu Messias, si occidetur cur non vulnerabitur, & plurima patietur?* his mirificè concordant ea psalmi 68. *& dederunt in escam meam fel, & in siti mea potaverunt me aceto super dolorem vulnerum meorum addiderunt ego sum pauper & dolens, & Psalmo 69. ego vero egenus, & pauper sum.* Plura his similia de Messia prædicta videbimus.

ANNO.

# ANNO TATIO ima.

IX. **H**ic Judæus mecum Scripturam lustrans mirari, stupere, & vix non animum respondere incipit; eò quod *Messiam*; quem in anterioribus Scripturæ locis tantum Regem, toti Orbi, usquè ad terminos terræ dominaturum conspexit, hocce in psalmo, aliisque concitatis, & collatis textibus pauperem, affligendum, vulnerandum, atquè etiam occidendum fore evidentè videat. Verum utiquè æquitatis jura servavimus ipsam pressè Scripturam scrutamur, sensum sensui conferimus, sensum sensu explanamus, idem enim Spiritus Dei omnes dictans, idem suum intentum sæpius repetit, & quandoquè clariùs explicat. Insuper hebraicorum monumentorum, & Rabbiorum judicium consulimus, qui utiq; à majoribus suis, isti ab aliis, usquè tandem à Patribus ipsis & Prophetis sensum verum vaticiniorum didicisse existimandi omninò sunt. Sed meus hebræus quadantenus titubare incipit, videturquè posthabitâ majorum suorum traditione inauditum, & vaferrimum astutorum & simul pervicacium quorundam Judæorum commentum amplecti velle; duos nimirum *Messias* futuros fore, unum divitem, alterum pauperem, & affligendum, atq; occidendum. Sed nugatoria illa inventio: mi Judæe frustra, & fraudulentè ne quidem mentem tuam occupet, qui serio Scripturam ipsam mecum perscrutari aggressus es. Ubinam duos distin-

*Etos Messias* Scriptura venturos, vel minimo signo innuit? si unus ille Dives Messias Dei electus, & omnium Salvator, omniumque summa expectatio futurus est? atquid illum pauperem alium, & occidendum Deus ordinavit? Sed interea patientiâ utere, evidentissimè etenim in secuturis Scripturæ locis, (fatentibus ipsis senioribus fratribus tuis Judæis) comperies, unum, & eundem *Messiam* & divitem totius Orbis Dominatorem, & tamen pauperem vulnerandum, & occidendum fore, ubi de vaticiniis Isaïæ, Danielis, & Zachariæ, acturi sumus. Arrepro semel justo & bono ordine rem nostram prosequamur.

## PSALMUS XLIV.

**X.** *Speciosus formâ præ filiis hominum quæ Chaldaus Paraphrastes interpretatur: Pulchritudo tua Rex Messia superat filios hominum* & R. Aben Ezra de toto Psalmo ait: *iste psalmus dicitur de Davide, vel Messia*, de Davide dici nequit, quia is speciosus, de quo uno & solo continuatè psalmus loquitur, dicitur Deus: *Sedes tua Deus in saculum*, uti ex antiqua traditione sentiunt Aquila Judæus, & Chaldaus Thargumista, & alter hebræus apud Origenem lib: 1. contra Celsum: quocirca dum ulterius in hoc psalmo dicitur: *Propterea unxit te Deus, Deus tuus oleo latitia*, prima vox *Deus* in vocativo casu accipienda est, nempe: *Te o Deus Messia. Deus Pater unxit*, id est: *in Messiam consecravit*

oleo latitiae, id est: virtute Spiritus Sancti, sicut in Persona Messia ait Isaias cap: 61. Spiritus Domini super me, eo quod unxerit Dominus me, & sane de solo Messia hunc psalmum dictum ex reliquis ejus verbis constat: cui enim hæc competere possunt. Pro Patribus tuis nati sunt tibi Filij, constitues eos principes super omnem terram: nisi eadem, qui dominabitur usque ad terminos terræ. Igitur ex hoc etiam psalmo constat Messiam fore Deum, sed non Deum in seipso acceptum, quia speciosus forma præ filiis hominum, ergo Dei Filium in forma humana, cui Deus Pater dixit 2. Reg. Ego ero ei in Patrem, & psalmo 109. Ex utero ante Luciferum genui Te, Nb. etiam psalmo 44. Messiam prædictum esse Deum.

## PSALMUS LXXXVIII.

*In hoc psalmo pariter Messias promittitur fore Deus, & Regnum David in ipso sempiternum.*

**XI.** **P**ost Psalmum 44. nihil particulare de Messia invenitur usque ad Psalmum 88. cujus verba sunt. Ponam in mari manum ejus. Sicut de Messia dictum fuit Ps: 71. dominabitur à mari usque ad mare. Illa verò: Ipse invocabit me, Pater meus es tu, ego primogenitum ponam illum apprimè coherent cum illis pariter de Messia dictis. Psal: 2. Filius meus es tu, ego hodie genui Te. Sequentia etiam: ponam illum excelsum præ Regibus terre.

*terræ.* Nec Davidi, nec Salomoni competere queunt, utpote qui Regibus Assyriorum minime majores fuerant: quod magis patet ex hac voce *Excelsum* pro qua in textu hebræo legitur *Aelion*, quo nomine Deus in Sacris literis notari solet, quem etiam hic denotari fatetur Aquila hebræus commentans hunc psalmum: hinc etiam est, quod Sanchoniathon vetustus Scriptor Græcus in libris Moyfi versatus narret *Elion* fuisse Patrem Cæli & terræ, & quod Pænulus apud Plautum Deos Deasque *Actionim* & *Aelionot* appellarit, non alia certè de causa, nisi quia ex hebræorum libris didicerunt *Aelion* nomen Dei fore. Cum autem in Beresith utraque Rábba & Ketana, & in Veelle Semoth Rabba, & in Midrasch Cantici Canticorum, & à R. Selomoh & R. Aben Ezra ex antiqua traditione doceatur hujus Psalmi intellectum ad Messiam spectare, hinc consequens est *Messiam* fore Deum, Dei nempe Filium; cum dicatur: *Primogenitum ponam illum Excelsum seu Aelion*, & hac ratione, quia *Messias*, Deus futurus est, ex Familia autem Davidis secundum assumptam naturam humanam oriturus, ideo Davidis regnum in Messia sempiternum, utpotè in æterno Dei Filio futurum prædicitur hocce psalmo versu 36. *Semel juravi in Sancto meo, seu Messia meo. Si David mentiar, semen ejus in æternum manebit, & thronus ejus sicut sol in conspectu meo, & sicut luna perfecta in æternum*, conformiter ad ista 2. Reg: *Stabiliam thronum regni ejus in sempiternum*, quod verò



*Messias* de domo & semine David oriturus promittatur, ex pluribus Scripturæ locis constat, uti Psal: 131. *Juravit Dominus David veritatem de fructu ventris tui ponam super sedem tuam.* Isaia: II. *Egredietur virga de radice Jesse.* Jesse fuit Pater Davidis, hæc loca de *Messia* dicta esse demonstrabimus sicut & illum Jeremia: 23. *ecce dies veniunt, & suscitabo David germen justum, & regnabit Rex,* & alia in decursu operis, in quibus *Messias* dicitur de familia Davidis oriturus.

## PSALMUS CIX.

*Messias prædicitur ex Deo ab eterno genitus, Sacerdos, in æternum duraturo Sacerdotio, diverso ab Aaronico, & Levitico, & hostes prostraturus.*

XII. **A**Liqui pervicacium Judæorum hunc psalmum dicunt compositum non à Davide, sed à Cantore Davidis applaudente Davidi. Vel à Procuratore Abrahami in ejus obtentæ victoriæ laudem dedicatum. Sed quomodo poterat, David, aut Abraham dicere alicui: *Tu es Sacerdos in æternum,* & vel maxime ista: *Ex utero ante Luciferum genui Te?* Suis igitur chymericis tergiversationibus facessent mendaces illi Judæi, atque potius antiquæ traditioni adhærentibus suis fratribus consentiant, qui prædictum psalmum

mum non tantum à Davide dictum, sed etiam  
 ad *Messiam* referendum esse sentiunt, Thargumi-  
 sta, R. Moses Hadasan in genesim. R. Saadiah  
 Gaon in Daniele. R. Isaac ben Aramah, &  
 in Midrasch Thehillim & in ipsis Pandectis Ju-  
 daicis in Sucach 5. cap: in Gemara. Et sanè  
 hic psalmus eodem Spiritu Dei dictatus apparet,  
 quò psalmus secundus *de Messia* dictus, cum ei  
 ad amissim correspondeat; imo aliis Scripturæ  
 Sacræ locis apprimè concordat, quæ *de Messia*  
 quoquè dicta esse constat. David in præfato  
 psalmo 109. ait: *Dixit Dominus Domino meo sede*  
*à dextris meis*, quis Davidis Dominus esse pote-  
 rat nisi *Messias* prævisus? Rex enim existens Da-  
 vid, Dominum terrenum minimè agnoscebat.  
 Domino Davidis nempe: *Messia*; Dominus pri-  
 mus nempe: Deus Pater ait: *Sede à dextris meis*,  
 quod non competit nisi Filio Dei. Quòcirca  
 Pater Divinus statim subdit: *ex utero ante Luci-*  
*ferum genui te*; nempe: Filium ejusdem mecum  
 naturæ, sicut dixerat eidem *Messia* Ps. 2. *Filius*  
*meus es tu, ego hodie genui Te*; hodie indefinitus  
 terminus, nil aliud quàm æternitatem designat,  
 hinc Isaias 53. exclamat: *generationem ejus quis e-*  
*narrabit*, & Michæas cap: 5. *egressus ejus ab initio*  
*à dæbus æternitatis*. Ps. 88. *Ipsè invocabit me Pater*  
*meus es tu, Primogenitum ponam illum Excelsum*  
*Action præ regibus terra*, hinc *Messias* absolute  
 Deus dicitur apud Isaiam, & Baruch: *Vocabit*  
*ur Admirabilis Deus fortis, Pater futuri sæculi*. Ec-  
 ce Deus noster post hæc in terris visus est, quis  
 igitur

igitur nisi cæcus, & obduratissimus non videat *Messiam* Dei Filium ejusdem cum Patre naturæ, ex Deo Patre ab æterno genitum fore.

Regiam Dignitatem *Messia* declarant illa verba: *Virgam virtutis tuæ emittet Dominus ex Sion*, quæ cohærent cum ijs Pf: 44. *Virga directionis, virga Regni tui*, undè verò regnum, & potestatem ejus emittet Dominus? *ex Sion*, quæ cohærent cum ijs Isaia 2. *quia de Sion exhibit Lex*. Ex Sion igitur *Messia* Lex, & potestas. Uterius Deus Pater Domino secundo, nempe: *Messia* Dominus Domino meo promittit. *Tu es Sacerdos in æternum secundum ordinem Melchisedech*, hic vox *choen* non pro rege, sed pro Sacerdote accipitur, quia ipse Aben Ezra & in Thalmudico libro Nedarim docent Judæi non legendum esse *Melchi zedeq* id est: *regem meum justum*, sed *Melchisedech* illum Sacerdotem, nempe: *tu es Sacerdos secundum ordinem Melchisedechi* Sacerdotis: Igitur *Messias* Sacerdos erit, sed non secundum ordinem Aaronicum, seu Leviticum, quod Sacerdotium legi veteri essentialiter annexum erat, sed secundum ordinem *Melchisedechi*, qui panem, & vinum offerre solebat Gen: 14. igitur Sacerdotium aliud ab Aaronico instituet *Messias*, consequenter & aliam legem quia *de Sion* unde *emittetur virtus Messia* *exhibit Lex*. *Messia* autem Sacerdotium vigebit *in æternum*. Reliqua verba triumphos *Messia* pollicentur: *Dominare in medio inimicorum tuorum &c. Dominus à dextris tuis confregit in die iræ suæ reges, conquassabit capita in*  
terra

*terra multorum.* Hæc inferius commodius examinabimus, ubi de Messia bellatore spirituali agemus. Davidi recto ordine sacris in literis succedunt Prophetæ cum in Proverbiis, Ecclesiastico, & Ecclesiaste, & canticis nihil obvium de Messia reperiatur.

*Propheta Majores quatuor, minores autem duodecim numerantur, quos singulos perpendemus. Primum locum obtinet.*

## ISAIAS PROPHETA MAJOR.

*Capite secundo Messiam prædicit instituturum novam legem.*


XIII. **C**apite secundo suæ Prophetiæ: Et erit in novissimis diebus preparatus mons Domus Domini in vertice montium, & fluent ad eum omnes gentes, & ibunt populi multi & dicent: venite ascendamus ad montem Domini, & domum Dei Jacob, & docebit nos vias suas, & ambulabimus in semitis ejus, quia de Sion exhibit Lex, & verbum Domini de Jerusalem, & judicabit gentes, & arguet populos multos. Messiam hic prædici cum R. Kimchi uno ore fatentur hebræi, & præcipue R. Aben Ezra in Michæam. Isaias ait in monte Sion a Messia docendas esse gentes vias Domini, seu legem Domini, quæ de Sion exitura est, utique non lex Domini vetus, quia hæc de Sinai, non de Sion exivit: unde statim subdit: per legem Domini ex Sion exituram tempore Messiae, judicandas esse gentes, & arguendos populos

*los multos.* Verus autem lex ad solos Judæos judicandos instituta fuerat, & solis Judæis data. Igitur Lex Dei per Messiam danda, alia & nova erit, quæ etiam ad gentes judicandas pertinebit, & eas obligabit, seu arguet.

*Caput secundum Isaie connectitur cum capite primo, ubi de pace adducenda per Messiam agitur.*

XIV. **C**apite secundo versu 4. ait Isaïas: & conflabunt gladios suos in vomeres, & lanceas suas in falces, non levabit gens contra gentem gladium, nec exercebuntur ultra ad prælium. Per quæ verba denotantur, præterita, & gesta hucusquæ bella tempore adventus Messie finienda, atquæ ætam, & universalem pacem futuram, nam iidem supra citati hebræi, hic, & in sequentibus textibus Messiam designari fatentur cum R. Kimchi, & Aben Ezra, quam universalem pacem etiam significavit Isaïas hæc allegoriâ cap: II. *habitabit lupus cum agno, & pardus cum bœda accubabit* nempe: excitatæ ferocium bellatorum inimicitie restinguentur. Et quia universalis pax in adventu Messie futura est; Eum vocat cap: 9. *Principem pacis.* Vocabitur Nomen ejus Princeps pacis. Sicut & Ps 71. de eo d' æum fuit. *Orie ur in diebus ejus justitia, & abundantia pacis.* Abundans & universalis pax. Cum igitur Messias Princeps sit pacis, & pacem afferet; verba sequentia capitis secundi non præse, & nudè, sed in

in sensu mystico accipienda sunt, nempe: Et  
 in curvabitur sublimitas hominum, & humiliabitur  
 altitudo virorum, & elevabitur Dominus solus in  
 die illa, & idola penitus conterentur, & introibunt  
 in speluncas petrarum, & in voragine terra à fa-  
 cie formidinis Domini, & à gloria Majestatis ejus  
 cum surrexerit percutere terram, quomodo autem  
 percussurus sit terram? cap: 11mo explicat, &  
 percutiet terram virga oris sui, & Spiritu labiorum  
 suorum interficiet impium, & erit justitia cingulum  
 lumborum ejus, & fides cinctorium renum ejus. Ita  
 ut sentus sit: in adventu Messie sublimitatem,  
 & superbiam hominum in Dei adorationem, &  
 cultum inclinandam esse; idola penitus auferen-  
 da, ita ut videantur in speluncis petrarum & vo-  
 raginibus terra recondita manere, quia virga  
 oris sui & spiritu, labiorum, nempe: virtute Di-  
 vina Messias terram percutiet, seu mundabit ab  
 idololatria & eodem spiritu, seu virtute inter-  
 faciet, seu annihilabit, & cessare faciet im-  
 pios idololatrias & impietatem idololatriæ, ita ut am-  
 plius non reperiantur in terra, quia veram ju-  
 stitiam, & veram fidem ac religionem adducet.  
 quocirca additur: & erit justitia cingulum lumbor-  
 um ejus, & fides cinctorium renum ejus. His eti-  
 nim non nisi spiritualibus armis pacifico Messie  
 Principi pacis bellare, & pugnare compeit, &  
 ideo cap: 16. Isaie de eo dicitur: emitte agnum  
 Domine Dominatorem terra. Dominatorem maris  
 & terræ vidimus esse Messiam, qui Agnus figura  
 nihilominus delinctor, quis Pacificus, & mans-  
 luctus



svetus non bellorum, & armorum strepitu, sed fide, lege sua, & justitia ubique dominabitur. Hinc est quod Judæos imperitos, qui verba illa: *virga oris sui percutiet terram*, & ista: *habitabit lupus cum agno* &c. Nude accipiebant, refellit doctissimus hebræus Maimonides in Jad. Chaz, & R. David Kimchi parte 4. lib: de Reg: cap: 12. ubi hæc in sensu mystico nobiscum explicant.

Reliqua capitis undecimi verba sunt, quibus *Messias* ex domo & familia Davidis proditurus dicitur: *Et egredietur virga de radice Jesse, & flos de radice ejus ascendet: in die illa radix Jesse qui stat in signum populorum, ipsum gentes deprecabuntur, & erit sepulchrum ejus gloriosum*, ex quibus communis Judæorum opinio ortum duxit *Messiam* de domo David futurum esse. Nam Jesse erat Pater Davidis, dicuntur *Messiam* omnes gentes deprecaturæ, sicut Ps: 71. *Omnes gentes servient ei*, in signum verò post mortem ejus quod fuerit verus *Messias*, *erit sepulchrum ejus gloriosum*. Caput hoc ipsum totum, & secundum concitatum ad *Messiam* pertinere asseverant Jonathan, & Thalmudistæ, & in Midrasch Thehillim, & in Beresith Ketana & R. Salomon Jarchi, & R. Maimonides, & alij.

## CAPUT 7<sup>mum</sup> ISAIÆ.

*In quo Messias ex intacta virgine nasciturus promittitur.*

XV. **L** Egimus cap:7. Isaia, quod cū, à Razin Rege Syriae, & Phacee Rege Israël obfessa esset civitas Jerusalem, & impius Achaz Rex Iuda signum liberationis nollet à Deo per Isaiam petere, Isaias se averterit ab eo, & ad Domum David sermonem suum converterit ex Circumstantia liberandæ urbis Spiritu Dei promittens, domum David non interituram, sed in *Messia* perennaturam, atquè signum insolitum hujus domui David assignare volens, virginem intactam parituram Filium promisit; cuius nomen esset *Emmanuel*, id est *Deus nobiscum*, utpote quia à Deo missus *Messias* Dei Filius nobiscum esset, sic enim ait Isaias: *Audite ergo domus David propter hoc dabit Dominus ipse vobis signum: ecce virgo concipiet, & pariet filium, & vocabitur nomen ejus Emmanuel butyrum & mel comedet, ut sciat reprobare malum & eligere bonum.* Et subdit, de alio jam puero loquens: *quia antequam sciat puer reprobare malum, & eligere bonum, derelinquetur terra, quam tu detestaris.* Non eadē verba repetit capite sequenti, ubi loquitur de puero filio non virginis, sed prophetissæ Uxoris suæ: *Antequam sciat puer vocare Patrem, & Matrem auferetur fortitudo Damasci.* Igitur non debent confundi duo illi pueri, unus enim appromittitur Domui David tanquam *Messias*, alter verò appromittitur in signum everfionis regnorum Syriae Damasci, & Samaritæ: primus dicitur ex virgine nasciturus, nempe: *Messias*; secundus dicitur ex maritata Prophetissa gignendus esse. Primo nempe:



nempe: *Messia* datur nomen *Emmanuel* Deus nobiscum. Secundo datur nomen non *Emmanuel*, sed *accelera spolia detrabere*. Igitur apertissime constat distinctos hic attingi pueros. Et primus quidem nempe: *Messias Emmanuel* vocatur quod est proprium nomen *Messia*. Nam apud Maloretas in *Sepher Aeman* cap: 2. idem significat *Emmanuel*, ac *Jescuabba*, seu *Salvator*, in magna etiam expositione numerorum hæc verba: *Vocabitur Nomen ejus Emmanuel*, de *Messia* dicta esse asseverant Judæi, & sanè quis *Emmanuel* esse valet seu *Deus nobiscum*, nisi *Messias*, quem vidimus *Dei Filium* fore, adeoque verè *Deum nobiscum*.

Dicunt quidem duo ex Apostatis recidivi Judæis *Aquila*, & *Theodotion* vocem: *ecce virgo*, in textu hebræo juvenculam significare, quæ etiam corrupta esse potest, & hoc comprobari putant cap: 19. proverb: *4tum penitus ignoro, viam viri in virgine*, quæ hic supponitur corrupta, sed præterquam quod in versione 70. interpretum, & in vulgata legatur. *Viam viri in adolescentia* non vero in *alma* seu *virgine*. Jidem 70. interpretes hebraicæ lingvæ peritissimi, & *R. Onkelos* & *R. Jonathan*, versio etiam *Syriaca*, & *Arabica* textum hunc *ecce virgo* interpretantur de *virgine* quæ *virginitatem* adhibita custodia servat, & in textu ipso hebræo pro: *ecce virgo* habetur *ecce alma concipiet*: voce autem *alma* semper in Scripturis significatur *Virgo* adhibita custodia *virginitatem* servans, veluti *Gen* cap:

cap: 24. ubi Rebecca puella pulchra nimis virgoque incognita viro dicitur, in textu hebræo legitur *Alma*; & Exodi capite 2. Mariæ Sorori Moysis, quæ itidem virgo adhuc intacta fuerat, idipsum nomen *Alma* tribuitur. Messiam igitur hoc loci ex Virgine intacta nasciturum prædici constat. Et sanè cum Pater æternus Messiam ex suo Utero ante Luciferum genuisse se dicat, convenientissimum est, ut ille Messias alium Patrem terrenum non agnoscat, sed ex intacta Virgine Dei operâ nascatur.

## CAPUT nonum ISAIÆ.

*In quo Messias prædicitur fore Deus,  
& Regnum Davidis in ipso sem-  
piternum.*

XVI. **D**E Parvulo filio illo Virginis ait Isaias cap: 9. Parvulus enim natus est nobis, & Filius datus est nobis, & factus est Principatus super humerum ejus, & vocabitur nomen ejus admirabilis, Consiliarius, Deus fortis, Pater futuri sæculi, Princeps pacis, multiplicabitur ejus imperium, & pacis non erit finis, super solium David, & super regnum ejus sedebit, ut confirmet illud, & corroboret in judicio, & justitia, à modo & usque in sempiternum. Verba illa: parvulus natus est nobis coherent cum iis: ecce virgo concipiet & pariet Filium, & qui dicebatur cap: 7. Emmanuel Deus nobiscum, hic dicitur Deus fortis, & de quo Ps: 88. dicebatur: Thronus ejus sicut sol & sicut luna

*luna perfecta in aeternum*, & 2. Reg: *Stabilitam thronum regni ejus in sempiternum*, hic dicitur: *Super solium David, & super regnum ejus sedebit, ut confirmet illud usque in sempiternum*, qui cum *Messias* sit (ut ostendimus) de domo *David* oriundus, prout *Jeremiae* 23. *Suscitabo David germen justum, & regnabit Rex*, hinc in illo *Messia* de Domo *David* oriundo confirmabitur regnum *Davidis* in *sempiternum*, quomodo in *sempiternum*? quia nempe *Messias* Dei Filius est coaeternus Patri, ex utero ante *Luciferum* genitus, & idcirco hoc 9. capite *Isaias* eum vocat *Admirabilem* quod nomen soli Deo competit, ut constat ex capite 13. *Judicum*. *Cur quæris nomen meum quod est mirabile*. Hinc etiam clarius *Messiam* Deum fore declarat dando illi nomen *Deus fortis*, quod nomen sibi competere ipse *Deus* testatur *Gen: cap: 49. ego sum Dominus, Deus fortis*. Igitur jam dubium ultra esse non potest *Messiam* Deum nempe Dei Filiū fore, & ideo ex Virgine sine humano Patre nasciturum. Unde hæc omnia nomina *Admirabilis, Consiliarius, Deus Fortis, Princeps pacis. Pater futuri sæculi* ad *Messiam* pertinere docent *Chaldaeus Paraphrastes*, & *Maimonides* in epistola ad *Affric*. Item hunc locum de *Messia* dictum esse disertis verbis reperitur apud *Phargumistam*, & in *Beresith Rabba* & in *Seder Debarim Rabba*, & in *Echa Rabbathi* five expositione magna *Threnorum*.

CAPUT 35<sup>um</sup> ISAIAE.

*In quo Messias prædicitur Deus fore,  
& magna Miracula patraturus.*

XVII. **D**Eus ipse veniet, & salvabit vos, tunc  
aperientur oculi cecorum, & aures Sur-  
dorum patebunt, tunc saliet, sicut cervus claudus,  
& aperta erit lingua mutorum & redempti à Do-  
mino convertentur, & venient cum laude, & lati-  
tia sempiterna super caput eorum. Hæc Judæi u-  
niversim adscribunt *Messia*, nam ex his verbis  
commenti sunt in suam gratiam à *Messia* eden-  
da miracula, cum reditum ipsis in Judæam pa-  
rabit. Et ex postremo commate R. Moyses Aa-  
darsam in Beresith Rabba probat Messiam libe-  
raturum damnatos è pœnis inferni. Cum igitur  
Judæi ipsi consentiant hic Messiam prædici;  
Nos inde ipsam veritatem colligimus: *Messiam*  
utpote Deum è cælis venturum Salvatorem, &  
miracula magna patraturum, cæcos illuminando,  
surdorum aures aperiendo, claudis gressum  
dando, & à se redemptos sempiterna lætitia im-  
pleturum. Concordant his, quæ Ezechiel in  
Persona Messiae ait cap: 34. *Quod confractum fu-*  
*erat alligabo, & quod infirmum fuerat consolidabo,*

CAPUT 42. cum aliis concitatis.

*Promittit Messiam Salvatorem, & le-  
ge nova illuminaturum gentes.*

XVIII.

XVIII. **E**cce Servus meus complacuit sibi in illo anima mea, dedi Spiritum meum super eum, iudicium gentibus proferet de quo nempe dixerat cap: 2. de Sion exhibet lex & iudicabit gentes, & de quo Isaia 9. Flos de radice Jesse requiescet super eum Spiritus Domini, huic ulterius cap: 42. Deus ait: ego Dominus vocavi te in iustitia, & dedi te in fœdus populi in lucem gentium, in quale fœdus, & qualem lucem? statim explicat; Legem ejus insula expectabunt, ergo lege sua illuminabit gentes, & illa erit fœdus populorum, non antiquum fœdus, aut antiqua Lex, quæ solis Judæis data fuit, sed hæc lex, & fœdus hoc Messia novum erit, quia illud insula expectabunt, unde 49. capite dicitur, ecce dedi te in lucem gentium, non Judæorum tantum, ut sis salus mea usque ad extremum terræ. Clarius id insinuatur cap: 51. Attendite ad me populus meus, & tribus mea me audite, quia Lex à me exiet, & iudicium meum in lucem populorum requiescet: prope est iustus meus egressus est Salvator meus. Ecce clarissime appromissam tempore Messia novam legem gentibus, & populis dandam. Nomine autem iusti & Salvatoris nemo intelligi potest nisi Messias. Nam hunc locum capitis 62. Donec egrediatur ut splendor Iustus ejus, & Salvator ejus ut lampas accendatur. Moses Hadarsan. & Judæi in Beresith Rabba ad Messiam referri docent. Cæteros etiam citatos textus Messia adjudicant Jonathan ben Uziel. R. David Kimchi & R. Maimonides & in Midrasch Thehillim, & ratio ipsa svadet

syadet , cū omnes illi textus unum & idem  
prædicent.

CAPUT 52. cum CAPITE 53.

*Hic benè animadvertendum est contra  
astutos illos Judeos, qui duos excogita-  
runt Messias unum Magnificum &  
Divitem , alterum pauperem, inglori-  
um , & despectum, & occidendum.  
Nam ex combinatione utriusque capi-  
tis 52. & 53. ostendemus unum, & eun-  
dem esse Messiam illum Magnificum,  
& pauperem, inglorium, & occi-  
dendum.*

XIX. **I**Mprimis Isaias Messiam Principem pacis,  
& Salvatorem, & lucem gentium asserit  
prædicaturum pacem, & salutem , *quam pueri  
super montes pedes annunciantis, & prædicantis pa-  
cem, annunciantis bonum , prædicantis salutem , di-  
centis Sion: regnabit Rex tuus , quæ de Messia  
dicta esse etiam consentiunt Judæi in Midralch,  
Schir, Haschirim , concordant , etenim cum  
illis apprimè , quæ capite immediatè præterito  
attulimus , ubi Messias dicitur : In lucem populo-  
rum salus mea Salvator, & alibi princeps pacis, de  
eodem ulterius hoc cap: 52. ait: Videbunt omnes  
fines terræ salutare Dei nostri. Deinde Messiam*

**V**ocans servum suum (ut sæpius Deus solet) & exempli gratiâ cap: 42. *Ecce servus meus complacuit sibi in illo anima mea.* Quem locum de Messia dictum fatentur Judæi citati in immediate præterito capite. Deus inquam etiam hocce capite 52. vocans eundem Messiam servum suum, in versu 13. de ipso ait: *Ecce servus meus intelliget, exaltabitur, & elevabitur, & sublimis erit valde: nempè* qui tot vaticiniis excelsus præ regibus terræ toti orbi dominaturus dicebatur, quocirca hunc locum capitis 52. ad Messiam pertinere ultra fatentur Judæi in Thargum Jonathanis Uzzielidæ, & in expositionibus R. Selomoh Jarchi & R. Isaaci Abrabanielis, & R. Mosis Alschhechi qui se à Magistris suis id accepisse ajunt; item in Bereschit Rabba & Midrasch Thehillim & in Tanchuma. Sed nunc adjuncta huic loco perpendamus, quid de elevato, & exaltato, & sublimi valde Messia dicat Propheta seu Deus per Prophetam immediatissime nullo interposito ait: *Sicut obstupuerunt super te multi, sic inglorius erit inter viros aspectus ejus.* Ecce Judæi sicut Messiam excelsum, exaltatum, sublimem valde Regem admirati estis, ita ejusdem aspectus inter viros inglorius, seu despectus erit, & forma ejus inter filios hominum. Subditur de eodem continuo: *Iste asperget gentes multas, super ipsum continebunt reges os suum.* Super ipsum inglorium licet, continebunt reges os suum, quem Ps: 71. adorabunt omnes reges terræ, hinc post hæc verba incipiens statim caput 53. Isaias exclamat: *Quis credidit auditui nostro?*

fra? quasi dicere vellet: quis nobis credet, dum  
 cum Messiam qui tantus Magnus rex ali-  
 bi dicitur, nos inglorium aspectum ejus, & for-  
 mam dixerimus. Verum nihilominus nullo in-  
 terposito idem reperit: Non est species ei, neque  
 decor, & vidimus eum, & non erat aspectus, &  
 desideravimus eum: despectum & novissimum viro-  
 rum, virum dotorum, & scientem infirmitatem, &  
 quasi absconditus vultus ejus, & despectus, unde nec  
 reputavimus eum. Ecce ergo Judæi de uno &  
 eodem magno, exaltato, & sublimi valde Rege  
 Messia dictum esse eundem inglorium despectum  
 aspectum, & formam ejus, ut nec species, nec  
 decor ei sit. Sic etenim ipsa verba in capite 52.  
 habentur continuatim. Ecce intelliget, servus me-  
 us exaltabitur, & elevabitur, & sublimis erit val-  
 de, sicut obstupuerunt super te multi, sic inglorius  
 erit inter viros aspectus ejus, & forma ejus inter fi-  
 lios hominum. Iste asperget gentes multas, super  
 ipsam continebunt reges os suum, quia quibus non est  
 narratum de eo, viderunt, & qui non audierunt  
 contemplati sunt. Et statim nullo interposito inci-  
 pit suum caput 53. Itaias. Quis credidit auditui  
 nostro? & brachium Domini cui revelatum est, &  
 ascendet sicut virgultum coram eo, & sicut radix  
 de terra sitienti, non est species ei, neque decor, &  
 vidimus eum, & non erat aspectus, & desideravi-  
 mus eum: despectum & novissimum virorum &c.  
 Quis hic nisi omnino cæcus, & obduratissimus  
 non videat eundem exaltatum, & sublimem val-  
 de, inglorium aspectum, & formam ejus, & su-  
 per



per eundem inglorium reges os suum continere, & eundem super quem reges os suum continebunt, seu quem reges adorabunt, & eidem non futuram speciem, nequè decorem, & inglorium aspectum ejus, & despectum, & novissimum virorum habendum esse, etiam virum dolorum fore. Sed in hoc sibi suffragantem Isaïas habet Prophetam Zachariam qui cap: 9. pariter eundem magnum Regem Messiam pauperem, seu despectum fore ait: *Ecce Rex tuus veniet tibi justus, & Salvator ipse pauper, & ascendens super asinam, & super pullum filium asinae. Rex, & pauper.*

Concesserunt (ut vidimus) citati Judæi textum illum: *Servus meus exaltatus, elevatus erit, & sublimis valde de Messia dictum esse; concedere itaque necessario debent Messiam inglorium, despectum & pauperem, virum dolorum futurum fore, cum ostenderimus de eadem persona continuatè dicta esse utraqùe & gloriola, & ingloria, ac despecta.*

Sed continuationem de glorioso simul, & inglorio, ac despecto Messia apud Isaïam eodem cap: 53. legamus. *Non est ei species, nequè decor, & vidimus eum, & non erat aspectus; & desideravimus eum, despectum, & novissimum virorum, virum dolorum & scientem infirmitatem, & quasi absconditus vultus ejus, & despectus; unde nec reputavimus eum. Verè langvores nostros ipse tulit, & dolores nostros ipse portavit, ipse vulneratus est propter iniquitates nostras, attritus est propter scelera nostra*

nostra & livore ejus sanati sumus & posuit in eo Dominus iniquitates omnium nostrum. Oblatus est quia ipse voluit, & non aperuit os suum, sicut ovis ad occisionem ducetur. generationem ejus quis enarrabit? propter scelus populi mei percussit eum, & dabit impios pro sepultura, & divitem pro morte sua, eo quod iniquitatem non fecerit, neque dolus fuerit in ore ejus justificabit ipse justus servus meus multos, & iniquitates eorum ipse portabit & cum sceleratis reputatus est & pro transgressoribus rogavit. Hæc de Messia dicta esse ingenuè fatentur Jonathan, & alij in Jemara cap: ultimo libri Sanhedrin, in Siphre libro veteri qui Thalmude antiquior habetur, & in Beresith Rabba. Sic etiam R. Selomoh. R. Moses Hadasan & alij, Et sanè quisnam est, cujus generationem difficillimum sit enarrare nisi Messias? quis iniquitates omnium nostrum portare potest, ita ut ab iis sanemur, ejus livore, & ejus morte justificemur, nisi unus Messias? qui tot in locis Salvator; & salus nostra dicitur. Jam igitur difficultatem nullam amplius Judæi patientur, ut ad eundem Messiam referant illa psalmi 21. Foderunt manus meas, & pedes meos dinumeraverunt omnia ossa mea, ipsi vero consideraverunt & inspexerunt me, diviserunt sibi vestimenta mea, & super vestem meam miserunt sortem, & ista Ps: 68. Et dederunt in escam meam fel, & in siti mea potaverunt me aceto ego sum pauper, & dolens, super dolorem vulnerum meorum addiderunt.

ANNO.

## ANNOTATIO 2da.

CUM ex Prophetis Isaia & Zacharia ingenué, & veraciter perpenſis, invictè conſtet, unum & eundem Meſſiam, & Magnificum Regem, & nihilominus pauperem, deſpectum, vulnerandum, atquè etiam occidendum fore; non alia via reſtat hæc ad primum intuitum quaſi contraria, vera explicatione combinandi, quam quod *Meſſias* non Rex terrenus, ſed Rex Regum. Dei nempe Filius (ut ex tot, & tantis Scripturæ locis vidimus;) in natura humana, & forma aſſumpta pauper, & inglorius appariturus ſit. Et quod ejus Regnum non terrenum ſed ſpirituale ſit, non in apparatu Regibus terrenis ſimili; ſed in congregatâ ſub una ſua lege ex omnibus totius mundi gentibus Eccleſiâ conſiſtat. Et ſic ſecundum Divinam ſuam naturam, & ſecundum omnes ſuæ legi ſubjectos populos verè dici poſſit totius mundi Rex, & Dominator: ſecundum verò ingloriam, & pauperem formam, qua in natura humana aſſumpta apparebit, pauper, inglorius, vulnerandus, & etiam occidendus ſit. Non me hac in explicatione paradoxum quoddam in medium attuliſſe; verum ipſam veritatem, ex ſecuturis etiam Scripturæ Sacræ locis magis compertum, & meridiana luce clariùs fiet. Quocirca arrepto ordine procedamus quo poſt Iſaiam ſequitur.

# J E R E M I A S.

*Capite 3. asserit novam doctrinam seu legem dandam sublata Arca Veteris testamenti seu lege vetere.*

XX. **D**Abo vobis Pastores juxta cor meum, & pascant vos scientia & doctrina non dicent ultra: Arca testamenti Domini, neque ascendet super cor, neque recordabuntur illius, nec visitabitur, nec fiet ultra. In tempore illo vocabunt Jerusalem solium Domini, & congregabuntur ad eam omnes gentes in nomine Domini in Jerusalem. Si non recordabuntur amplius Arcae Domini, neque Arca Domini super cor amplius ascendet, ergo & Lex antiqua obliterabitur & evanescet; quia Jerusalem vocabitur solium Domini & congregabuntur ad eam omnes gentes pascendae utique scientia & doctrina alterius Legis ab antiqua, novae scilicet quae Isaiae 2. De Sion exhibit, & de Jerusalem, & fluent ad eum omnes gentes (ut vidimus num: 13.) Nam si Arca testamenti non ascendet super cor, nec testamentum ipsum antiquum memorabitur, aut servabitur, adeoque doctrina, quam tunc pascentur, non testamenti antiqui sed novi, erit. Sed & Jerusalem nomen immutabit suum, & vocabitur solium Domini; quia (ut Isaías ait cap: 65. Deus faciet omnia nova:) ne meminertis priorum, & antiqua ne intuamini, ecce ego facio nova, non re memoranda igitur erit antiqua Hierusalem; novam enim fundaturus est Hierusalem,

lem, Ecclesiam nempe Messiae, quam nomine Hierusalem significabit; sicut Isaia 65. dicitur *quia ego Creo calos novos, & terram novam, & non erunt in memoria priora, & non ascendent super eam quia ecce ego Creo Jerusalem, exultationem, & populum ejus, gaudium, ecce aliam novam Jerusalem creabit, utiq; Ecclesiam Messiae, quae verè dici poterit Exultatio, & populum alium, qui vocetur gaudium fideles nempe Messiae. Hinc est, quod nomine Israëlitis, Electi, seu fideles vocabuntur, uti ad Israëlitas Deus loquitur per Isaiam cap: 65. & dimittetis nomen vestrum in juramentum electis meis. Igitur nomine Israëlitis significabuntur electi, & fideles Dei, & Messiae. Nam hoc cap: 65. Deus inter Israëllem, & gentes distingvit, gentes convertendas ad Dominum vocando *Servos*: Israëllem verò vocando *dereliquentes Dominum*: & ait: *vos qui dereliquistis Dominum, qui obliti estis sanctum montem meum*: ergo antea eum cognoverunt. Ergo Israëlita *Vos confundemini, & servi mei latibuntur, ecce servi mei laudabunt præ exultatione cordis*: hi erunt illa exultatio Jerusalem novae. *Vos autem clamabitis præ dolore cordis, & dimittetis nomen vestrum in juramentum Electis meis.* Ergo Deus aperte innuit nomine Israëlitis quondam electi nominandas esse gentes convertendas ad Dominum, & gentes conversas seu fideles Dei, & Messiae vocandas esse novus Israel. Hinc Deus apud Oseam iisdem gentibus antea idololatriæ deditis, postea verò tempore Messiae ad Deum conversis ait cap:*

Et dicam non populo meo, populus meus es tu, novus nempe electus Israel. Hinc in Scripturis sæpiſſimè fideles, & electi Meſſiæ, nomine Iſraelis, Juda, Domus David; & Eccleſia Meſſiæ, nomine Jeruſalem, olim electæ, designantur.

## De vocatione Gentium & Judæorum ad legem & Eccleſiam Meſſiæ.

XXI. Vidimus immediatè citato, & explicato cap: 3. Jeremiæ, arcam teſtamenti antiqui oblivioni tradendam, atque idcirco ipſum etiam teſtamentum antiquum obliterandum, & novam doctrinam, & legem de Jeruſalem exituram eſſe, ad quam congregabuntur gentes omnes. Quod de verbo ad verbū antea conſpeximus Cap: 2. Iſaiæ. Num: 15. Vidimus pariter hanc novam legem, & novam doctrinam gentes illuminaturum eſſe Meſſiam num: 18. Nunc videamus Judæos, & gentes ab omnibus terræ partibus vocandos eſſe in unam illam Meſſiæ legem, & Eccleſiam, quæ ſecundum Iſaiam, & Jeremiam de Jeruſalem egreſſura dicitur; & quia illa lex de Jeruſalem egreſſura eſt, ad illam in Jeruſalem invitari dicuntur tam Judæi, quam omnes gentes ex omnibus terræ partibus Dedi te nempe Meſſiam, in ſædus populi, ut ſuſcitaras terram & poſſideres hæreditates diſſipatas, ecce iſti de longe venient, & ecce illi ab aquilone, & mari, & iſti de terra Auſtrali; leva in circuitu tuo oculos, & vide, omnes iſti congregati ſunt venerunt tibi cōſonant apprimè  
his

his pf: 2, *dabo tibi possessionem tuam terminos terræ,*  
 & etiam in Midrasch Thehillim Messia adscri-  
 buntur. Similia habentur cap: 66. Isaia, *ego autem*  
*opera eorum, & cogitationes eorum venio ut con-*  
*gregem cum omnibus gentibus, & linguis, & veni-*  
*ent, & videbunt gloriam meam, & ponam in eis*  
*signum, & mittam ex eis, qui salvati fuerint ad*  
*gentes, in mare, in Affricam, & Lydiam tendentes*  
*sagittam in Italiam, & Graciam, ad insulas longe,*  
*ad eos, qui non audierunt de me, & annuntiabunt*  
*gloriam meam gentibus, & adducent, (ad Judæos*  
*nunc loquitur) omnes fratres vestros de cunctis*  
*gentibus ad montem Sanctum meum Jerusalem veniet*  
*omnis caro, ut adoret coram facie mea:* nonne o-  
 ptimè cohærent cum illis cap: 2. Isaia, *erit in*  
*novissimis preparatus mons Dominus Domini, & flu-*  
*ent ad eum omnes gentes, quia de Sion exhibit Lex,*  
*& verbum Domini de Jerusalem, ubi utiq; vidi-*  
*mus Messiam designari, cujus nova lex de Jeru-*  
*salem exhibit.* Sed ecce quomodo ex universis  
 terræ partibus dicuntur tam gentes, quam Isrà-  
 elitæ ad hanc Messia Legem in Jerusalem vocan-  
 di esse. Utiq; Jerusalem omnes gentes, & omnes  
 lingvas, & omnes ex universis terris adducen-  
 dos fratres vestros, nempe Judæos, imò & omnē  
 carnem minimè capere poterit. Hoc enim im-  
 possibile est. Igitur non ad nude sumptam Jeru-  
 salem, sed ad amplectendam legem, & doctri-  
 nam Messia, quæ de Jerusalem exhibit, adducen-  
 di illi omnes dicuntur. Sed quomodo? per eos  
 qui salvati sunt, nempe quos eliget Messias, &  
 mittet

mittet in *Affricam*, & *Lydiam*, in *Italiam*, & *Graciam*, & ad insulas longè ipsi enim annunciant gloriam meam gentibus: & consequenter Judæis inter eas manentibus. Et in hoc sensu omnes illi dicuntur adducendi in *Jerusalem*, nempe in legem & Ecclesiam Messiae, quæ in *Jerusalem* ortum habebit, & inde exibat.

Quocirca in eodem sensu accipienda sunt, quæ habetur *Jeremiæ*. 23. *Et ego cōgregabo reliquias gregis mei de omnibus terris, ad quas eiecero eos illuc, & convertam eos ad rura sua, & crescent, & multiplicabuntur, & suscitabo super eos pastores & pascent eos.* Sicut dixit cap: 3. *Dabo vobis pastores juxta cor meum, & pascent vos scientia, & doctrinā non dicent ultra arca testamenti congregabuntur igitur reliquiæ gregis antiqui nempe Judaici, ut pascantur scientia, & doctrina, nempe: Lege Messiae, relicta arca, seu vetere lege.* Subdit enim statim *Jeremias*, id futurum per Messiam: *ecce dies veniunt dicit Dominus, & suscitabo David germen justum, & regnabit Rex, & sapiens erit, & faciet judicium & justitiam in terra.* Germen David utiq; illud est, quod *Virgami de radice Jesse* ab *Isaia* cap: 11. dictum ostendimus. Quare hæc *Jeremiæ* testimonia de Messia prolata esse sentiunt *Jonathan*, & *Thargumista*, & *Judæi* alij in *Beresith Rabba*, & in *Echa Rabathi*, & in *Tanchuma*, inde enim & communis illa *Judæorum* traditio orta est, Messiam de familia *Davidis* oriundum fore, de quo etiam dictum vidimus num: 18. *Ecce dedi te in lucem*

gen-



*gentium, ut sis salus mea usq; ad extremum terræ.*

Dicit quidem Jeremias citato cap: 23. reliquias gregis Judaici ad rura propria convertenda esse tempore Messiae, sicut Isaïam vidimus asserere, non solum Judæorum reliquias, sed omnes omnino populos, & gentes in Jerusalem adducendas esse simul cum Judæis, quos omnes cum Jerusalem nullo modo capere possit, intelligendum esse diximus, quod simul Judæi, & gentes ad legem, & Ecclesiam Messiae, quæ de Jerusalem exhibit adducendi sunt. Nam Propheta allusit quidem ad dispersionem Judaicæ gentis, quæ suo tempore dispersa erat, in Babylonicam, & Egyptiacam servitutem. sed spirituales ipsi assignavit Jerusalem, & spiritualia rura terræ suæ, ad quæ tempore Messiae convertendi essent; nempe legem, & Ecclesiam Messiae, quæ de Jerusalem, & ruribus illis exhibit, ortumq; ducet. Cum enim non illi soli (ut vidimus) tempore Messiae ad Jerusalem, & rura illa adducendi sint, sed omnes gentes, & lingvæ, imo omnis caro, signum omnino evidens est, hic Jerusalem, & rura Israël in sensu mystico accipi, nempe pro lege, & Ecclesia Messiae, quæ de Jerusalem, & terra illa exhibit, & ad quam omnes gentes, & reliquiae Judæorum aggregandæ sunt. Uti etiam vidimus num: 20. in Scriptura sæpe Jerusalem designare Ecclesiam Messiae & Israël designare fideles ejusdem.

Quod autem ita hic Jerusalem, & rura Israël pro lege, & Ecclesia Messiae accipienda sint, invictis hoc argumento probo. Tunc

Tunc pro Jerusalem ad quam adducendi sunt Judæi, & gentes, debet intelligi Ecclesia Messiae, si impossibile sit tempore Messiae Judæos, & gentes adducendos esse ad litteraliter, & materialiter acceptam Jerusalem & terram Israel. Sed impossibile est; quod probo. Impossibile est Judæos adducendos esse ad Jerusalem, & terram Israel tempore Messiae, si Jerusalem in sempiternum non instaurabitur, & populus Judaicus in sempiternum in suum statum non restituetur. Sed ita est ex Isaia cap: 25. *posuisti Civitatem, nempe Jerusalem in cumulum, & urbem fortem in ruinam, domum alienorum, ut non sit Civitas, & in sempiternum non edificetur.* Jeremiae cap: 19. *Hæc dicit Dominus exercituum: sic conteram populum istum, & civitatem istam, sicut conteritur vas figuli, quod non potest ultra instaurari.* Ergo nunquam Civitas & status Judæorum instaurabitur, ergo nunquam ad Jerusalem, & terram Israel materialiter, & litteraliter acceptam reducendus est populus Judaicus. Ut quid enim? si nec statum ullum, nec Civitatem habiturus est. Confirmat hæc Amos cap: 5. *Domus Israel cecidit, & non adjiciet, ut resurgat, Virgo Israel projecta est in terram, & non est qui suscitet eam.* Nudis igitur vanæ spei chymeris obcæcati se pascant Judæi.

Qui ergo ad cor redire, & non in meridiæ cæcutire volunt, nobiscum sentiant ad Spiritualem Jerusalem, ad Ecclesiam nempe Messiae, & ad legem ejus, quæ de Jerusalem exhibit, congregandas esse omnes gentes, & reliquias gregis Judaici.

ci. Vidistis utiq; ex Isaia tempore Messiae de Sion legem exituram, & ad eam omnes gentes confluxuras, vidistis Messiam in Affricam, & Lydiam, & insulas longe missurum suos electos qui gentibus, & Judæis Legem novam, & gloriam Dei annuncient, juxta illud Isaiae 42. *Legem ejus insula expectabunt, & ipse Messias per legem suam illuminaturus est omnes populos, Isaiae 51. Quia lex à me exiet & judicium meum in lucem populorum requiescet, prope est justus meus egressus est Salvator meus.* Ipse usq; ad extremum terræ omnes gentes lege, sua illuminabit, ecce dedi te in lucem gentium, ut sis salus mea usq; ad extremum terræ. Cum igitur ad legem ejus omnes illæ gentes, & populi congregabuntur, & illa lege Messiae illuminabuntur, illi omnes ex universis terræ partibus ad unam Messiae legem coadunati populi efficient Ecclesiam Messiae, & ista ejus erit per universum orbem Ecclesia, & ejus per universam terram regnum. Quod ipse solus reget, quos omnes ipse unus Pastor Messias pascet, juxta illud Ezechielis 37. *Rex unus erit omnibus imperans, & non erunt ultra dua gentes, nec dividuntur amplius in duo regna, & servus meus David.* Messias nempe de Domo David oriundus. *Rex super eos, & Pastor unus erit omnium eorum.*

## REGNUM MESSIÆ.

XXII **H**ic jam invictè probandum venit Messiae Regnum non posse aliud esse, quam Eccle-

Ecclesiam ejus ex populis universæ terræ in e-  
jus legem aggregatis; Vidimus sat, superq; Mes-  
siam lucem futuram gentium, insularumq; popu-  
lorumq; omnium; vidimus eum non aliter illos  
illuminare posse, nisi doctrinâ, & sua lege, ad  
quam quoq; sat superq, vidimus, & confluxu-  
ras & aggregandas undiq; esse gentes, adeoq;  
Messiam suæ legi omnes universæ terræ populos  
subjicientem meritô eorû omnium Regem, ipsos  
verò omnes sub una ejus lege congregâtos, me-  
rito ejus Ecclesiam, ejusq; regnum esse. Sed in  
tot, ac tantis Scripturæ locis regnum Messiae non  
tantum ita amplum vidimus, ut ad extremum  
terræ, ad terminos terræ, à mari usque ad mare,  
à flumine usque ad terminos orbis terrarum, se ex-  
tensurum sit, verum etiam ejus regnum futu-  
rum sempiternum. *Stabiliam thronum regni ejus in  
sempiternum. 2.Reg. Thronus ejus sicut luna perfecta  
in aeternum. Ps: 88. Et super regnū ejus sedebit, ut con-  
firmet illud in sempiternum. Isaïæ 9. Et regnum e-  
jus non corrumpetur. Dan: 7.* Quomodo impri-  
mis regnum Messiae poterit esse ita amplum, ut  
omnes Reges, omnia Regna, omnes terræ, subji-  
ciantur, & contineantur sub imperio, & regno  
Messiae? cū Messias, ut evidentissimè vidimus,  
num: 19. erit pauper, despectus, & inglorius?  
igitur istud regnum Messiae amplissimum, ejus est  
Ecclesia ex omnibus terræ populis sub una Mes-  
siae lege congregata. Deinde quomodo Messiae  
regnum sempiternum, esse poterit cum omnia re-  
gna, omnes status, omnes populi, finem habe-  
bunt, & interibunt? igitur Regnum Messiae est

ejus Ecclesia ex populis universæ terræ in unam legem ejus adunatis & postea salvatis; quæ Ecclesia unicè, cum Messia suo in perpetuas æternitates in Cælis perennatura est. Quocirca de Messia dicitur Ezechielis 37. *Et David Servus meus princeps eorum in perpetuum* Messias enim sæpè dicitur David, vel filius Davidis, quia de domo David.

*Notandum* quod eodem 37, Ezech: loco, hebræis promittit Deus terram Israël possidendam, & idem etiam in aliis locis, & ait eos possessuros illam terram in perpetuum, sed eo ipso patet de terra spirituali Israël, Deum loqui, nam terra Israël nudè accepta non erit in perpetuum, ut constat, verum terra Israel, per quam num: 20. diximus fideles Messia, & Ecclesiam Messia denotari; illa sola in perpetuum mansura est; unde ubicunque Israëlitis terra antiqua, in qua Hierusalem erat, promittitur; semper intelligendum est de Israëlè novo, nempe de fidelibus Messia, & de Hierusalem nova, & terra nova Israelis, nempe de Ecclesia Messia, quia ut vidimus num: 20. per *Jerusalem* Deus Ecclesiam sæpè significat, & per *Israel* fideles Messia. Insuper Hierusalem antiquam, & populum Judaicum nunquam in statum suum restaurandū esse declamantes vidimus Prophetas; Isaiam, Hieremiam, & Amos, ut de hoc dubium amplius nullum esse possit.

Quoniam vero hoc loci de Regno Messia præcipuè agimus, quod demonstravimus non esse aliud,

aliud, quam Ecclesiam Messiae ex omnibus totius orbis, ac universae terrae populis congregatam, hinc est quod ad hoc Regnum, nempe Ecclesiam amplissimam Messiae referendi sint omnes, de Regno Messiae praedictiones Ps: 2. Dabo tibi gentes hereditatē tuam, & possessionem tuam terminos terrae. Ps: 71. Dominabitur a mari usque ad mare, & a flumine, usque ad terminos orbis terrarum. Gen: 22. Benedicentur in semine tuo omnes gentes, Ps: 71. Adorabunt eum omnes Reges terrae, omnes gentes servient ei, & his similia alia Scripturae loca. Omnes quippe gentes, & reliquiae Judaeorum in Messiae legem, & doctrinam coadunati efficiunt hoc ejus regnum, seu Ecclesiam per totum orbem sparsam, & ad fines terrae diffusam. Quocirca etiam legi Messiae subiecti, tam reges, quam populi, dicuntur eum adoraturi & ei servituri.

Huc etiam spectant vaticinia illa, quae praedicunt Messiam bellatorem fore de inimicis suis triumphaturum, qualia sunt Ps: 109. Confregit in die irae suae reges, dominare in medio inimicorum tuorum, Ps: 44. Accingere gladio super femur tuum potentissime, sagittae tuae acutae populi sub te cadent. Num: 24. Inquit Balaami: Orietur Stella ex Jacob, & consurget virga de Israel, & percutiet Duces Moab, vastabitque omnes filios Seth. Isaiae II. Percutiet terram virga oris sui, & spiritum labiorum suorum interficiet impium & his similia. Quoniam autem subditur ad ultimum locum, & erit iustitia cingulum, lumborum ejus, & fides

cinctorum *remum* ejus, arma nostri bellatoris probe intelligimus, nempe Justitiam, & fidem; nempe legem, & fidem novam justitiæ; & doctrinam, qua idololatriam expugnabit, omnemque errorem, & reges atque regna, quæ idololatriæ dedita erant devinct in suam legem, in verum Dei cultum. His spiritualibus armis fide, & justitia bellator noster spiritualis, Messias nempe pugnabit, & omnes suæ legi subjiciet. Nam in *lexcentis* Scripturæ locis *Princeps pacis*, pacem prædicans, & pacem allaturns, & agnus dicitur: imò tempore ejus universalem in terris pacem futuram Scriptura (ut vidimus num: 14.) appromittit. Unum observandum nobis restat, non simul & uno tempore ad adventum Messiae omnes statim gentes, & populos in legem ejus concessuros, nam rudes nimium videremur, si id credere vellemus. Sed pedetentim magno tamen numero ad legem ejus, & Ecclesiam populos diversorum Regnorum, modo hos, postea alios aggregandos esse, usque tandem omnes adducantur, & unum ovile, unumque regnum omnium sit, *Rexq;* super eos, & pastor unus omnium eorum Messias.

Hæc omnia confirmare placet evidenti testimonio Jeremiæ cap: 31. ubi sole clarius, Cicero-  
ne facundius, prædicit antiquum fædus, & legem Mosaicam cessaturam, & novum fædus, novamque legem, à Messia instituendam. *Ecce dies veniunt dicit Dominus, & feriam Domui Israël & Domui Juda fædus novum, non secundum pactum quod*

quod pepigi cum patribus eorum, ut educerem eos de terra Aegypti. Sed hoc erit pactum, quod feriam cum domo Israel post dies illos, dicit Dominus: Dabo Legem meam in visceribus eorum, & in corde eorum scribam illam non jam antiquum fœdus, quia dicit, novum, non antiquum firmitus imprimeret in cordibus Israëlitis ( ut quidam Judæi respondent ) quia dabit novum fœdus non jecundum pactum quod pepigit cum Patribus eorum in egressu ex Aegypto; ergo non legem antiquam Moisaicam, quam acceperunt in egressu de Aegypto, ergo novum omnino fœdus, & novam legem dabit, nempe: legem gratiæ, quam scribet in cordibus fidelium, per inhabitantem spiritum suum in cordibus, fidelium qui hic nomine Israel, & Juda denotantur: nam constat non Israeli soli dandam hanc legem, sed etiam gentibus, unde etiam hinc constat Scripturam sæpè nomine Israelis Fideles designare.

Cui autem tempori congruere potest tam grande opus, nempe: abolitio antiquæ legis, & institutio novæ, nisi tempore Messæ? de quo vidimus sexcentis in locis dici; Dedi te in fœdus populi in lucem gentium. Isaïæ 42. Quia à me exiet lex, & judicium meum in lucem populorum requiescet, prope est justus meus egressus est Salvator meus & plurima his similia Prophetarum oracula, quibus prædicitur Messias, ut vidimus novam instituturus legem.

Post Prophetam Jeremiam sequitur ejus Amanuensis, seu scriba nempe Propheta.

D2

BA



# BARUCH.

XXIII. *C*apite secundo sua Prophetia *prædicit* Deum fore Messiam in natura humana cum hominibus *conversaturum*.

Præterquam quod plurimis in Scripturæ locis Messiam viderimus magnum *prædici* & *prædicari* Regem toti mundo *dominaturum*, eo titulo, eaq; ratione, quod in ejus legem, *doctrinam*, & Ecclesiam, *ex omnibus* terræ partibus Judæi, Gentes, & populi concedent & adducuntur. Alio insuper titulo, aliaq; ratione eum tantum, ac *potentissimum* mari, terræq; jura *impositurum* Regem indicant, & declamant Scripturæ Sacræ, nempe: quia Dei Filius Deus *verus* Patri consubstantialis, & coeternus, Messias ille *prædictus*, *futurus* est. Vidimus etenim superius num: 4. 5. 6. 10. 11. 12. 16. 17. Messiam a Deo Patre vocari filium suum ita, ut dicat eum ex suo utero ante Luciferum genitum, ante solem, & lunam fuisse, non alibi nisi in Patre. Pf: 2. *Filius meus es tu*, ego hodie genui te *vocem* hodie interpretes vertunt pro æternitate. Pf: 71. *Permanebit cum sole*, & ante lunam, ante solem permanet nomen ejus, ille de Cælo a Patre descendet sicut *pluvia* in vellus super terram. Pf: 88. Ipse invocabit me Pater meus es tu, ego *primogenitus* ponam illum excelsū pro Regibus terræ. In textu Hebræo habetur Aelion pro voce *excelsus*, quod Aelion est nomen proprium Dei ut num: 11. probavimus, sed quia *primogenitus* dicitur: Dei Fili-

us indicatur. Ps: 109. Deus Pater Messiae ait: *ex uero ante Luciferum genui te.* Et similia alia testimonia de Messiae Divinitate. Quae omnia de Messia dicta esse suo calculo Judaei locis citatis adducti comprobant.

His omnibus succinit clarissimo suo vaticinio Propheta Baruch cap: 2. Dei Filium mox adductis scripturae testimoniis comprobatum Messiam e Caelis descensurum, cum hominibus conversaturum, adeoque nostram humanam naturam assumpturum. *Hic est Deus noster*, inquit *Et non estimabitur alius adversus eum, hic adinvenit omnem viam disciplinae Et tradidit eam Jacob puero suo, Et Israel dilecto suo, post hac in terris visus est, Et cum hominibus conversatus est.* Nonne pulchre haec concordant cum Ps: 71. *Descendet sicut pluvia in vellus, Et sicut stillicidia stillantia super terram, & cum istis Isaiae 35. Deus ipse veniet, Et salvabit vos, quomodo veniet vidimus apud Isaiam cap: 7. Ecce virgo concipiet, Et pariet filium, Et vocabitur nomen ejus Emmanuel, nempe: Deus nobiscum per incarnationem etenim erit vere Deus nobiscum, utpotè nostram naturam assumens. Sequitur post Baruch Ammanuensem Jeremia, recto Scripturae ordine propheta.*

## E Z E C H I E L.

*Predicit Messiam una sua lege, & doctrina pasturum omnes gentes, & illam legem allaturum esse justificationem.*

XXIV. **A**t tentissime notandum est, cujus etiam  
 allibi mentionem fecimus, nempe:  
 Prophetas Spiritu Dei agitados sapientissime suis in  
 narrationibus in aliqua materia propositis immi-  
 scere prædictiones crebras de Messia, & ejus Ec-  
 clesia. Sicut dum loquuntur de captivitatibus  
 Babylonica, & Aegyptiaca, in quas ipsorum tem-  
 pore abducebantur Judæi. Prædicunt quidem  
 suo ordine liberationem Judæorum futuram ex  
 illis captivitatibus, & Judæos revocandos esse  
 ex gentibus illis ad nativum suum solum, ibiq;  
 victuros in fertilitate, & pace: quod etiam post  
 captivitates illas contigit. Sed his iisdem nar-  
 rationibus sibi propositis immiscet continuo Dei  
 Spiritu agitati crebras prædictiones de captivi-  
 tate spirituali animarum in peccatis, & potesta-  
 te Dæmonis, alludendo statim ad liberationem  
 futuram per Messiam atque ad fertilitatem bo-  
 norum operum, & salutis æternæ animarum præ-  
 dicentes spirituales Hierusalem, & terram Isra-  
 el nempe Ecclesiam Messia, & spirituales my-  
 sticumque Israël, nempe: Fideles futuros Messia;  
 & hoc præcipue, dum de David imperaturo in  
 perpetuum Israeli loquuntur; qui jam mortuus  
 erat, per quem proinde Messiam de progenie  
 David oriundum intelligere volebant; & etiam,  
 dum Israël perpetuo terram Israël possessurum,  
 vel felicitatem aliquam, aut regnum in æternum  
 duratura appromittunt, & his similia, quæ nul-  
 latenus Israeli literaliter accepto convenire pos-  
 sunt. Nam Israël ex captivitate Assyriaca nun-  
 quam

quam reductus fuit, sed nec reducendus est, ut Oseas ait: cap: 1. Deum non additurum ultra misereri domus Israel, si vero de Domo Juda loquamur. Tunc enim quædam de antiquo Israelitarum statu, plurima tamen de prædicto *Messia regno* intelligi omnino debent, id est: de *Messia Ecclesia*, cui hæc apprimè convenire constat. Quamvis enim aliquam fertilitatem, & aliqualem pacem Judæi post captivitates illas habuerint, non tamen tam uberem, & vel maxime perpetuam. Unde vix non omnia talia Prophetarum dicta omnino de novo, & mystico, Israele, nempe: de Fidelibus *Messia*, & de terra mystica fertilissima bonorum salutarium, nempe: de Ecclesia *Messia* accipienda omnino sunt, eo quod nequè de futuro Judæorum statu, ut sibi adulantur, & inaniter promittunt Judæi, accipi possint, cum ( ut vidimus ) status eorum nunquam instaurandus sit.

Exemplum horum clarissimum habemus inter plurima Scripturæ Sacræ loca capite 37. Ezechielis, ubi Deus ait: *Ecce ego aperiam tumulos vestros & educam vos de sepulchris vestris & populus meus, & inducam vos in terram Israel.* Nunquid Deus mortuis Judæis, & resuscitatis daturus est terram Israel, & faciet eos gentem unam in montibus Israel? ut subdit, utique nemo dicet sic accipiendam Scripturam. Igitur resuscitabit novum, & mysticum *Israelem*, qui super mysticam terram Jacob, super Ecclesiam *Messia* servantem Dei mandata sicut Jacob servaverat, habitabit in sempi-

*sempiternum*, sicut subditur, terra enim Jacob materialis non manebit in sempiternum, & idcirco huic mystico Israeli Messiam dabit Pastorem. Et servus meus David rex super eos, & pastor unus erit omnium eorum. Aben Ezra etenim, Kimchi, & Thalmud, docent nomine Davidis Messiam semper significari, & quia Israel iste, novus & mysticus est, nempe: Ecclesia Messiae; non antiquum Israelis commemorabit, illi fœdus, sed dabit, & percutiet aliud utique pactum. Et percutiam illis fœdus pacis, pactum sempiternum erit eis. Si pactum pacis, & sempiternum, ergo pactum illud prædicantis pacem qui Messias est. & fundabo eos, & multiplicabo eos. Ecclesiam ex iis collectam, & dabo eis sanctificationem meam in medio eorum in perpetuum. Ecce quomodo lex, seu fœdus Messiae sanctificationem, seu justificationem ex se afferet, quam ex se dare lex vetus nequaquam poterat. Et sanctuarium meum in medio eorum in perpetuum. Sanctuarium antiqui fœderis per Romanos excisum nunquam juxta Prophetas instaurabitur, igitur hic novum Sanctuarium Spirituale, nempe: Ecclesia, & spiritualis Israel atque novus, nempe: Fideles Messiae intelliguntur, in quorum unitis lege Messiae cordibus perpetuum sanctuarium Deus sibi parabit, & conservabit. Post Ezechielem sequitur quartus Majorum Prophetarum.

DA.

XXXIV  
DANIEL

*Facundissime prædicit Regnum Messie  
non temporale futurum sed spirituale,  
& sempiternum nempe Ecclesiam  
ejus.*

XXV. **C**apite 7. sic habet: *Aspicebam in visione noctis, & ecce cum nubibus celi quasi Filius hominis veniebat, & usque ad antiquum dierum pervenit, & in conspectu ejus obtulerunt eum, & dedit ei potestatem, & honorem, & regnum, & omnes populi tribus, & lingua ipsi servient, potestas ejus, potestas æterna, quæ non auferetur, & regnum ejus, quod non corrumpetur.* De Messie regno hæc dicta esse fatentur Judæi in lib. Sanhedrin capite ultimo: in Beresith Rabba, & in Midrasch Thehillim, item Raben Ezra, R. Selomoh Jarchi, Saadiah Gaon, & alij, & sanè, nam ad amulsum cohærent cum iis Isaïæ locis, in quibus Messias ex Aquilone, ex Australi plaga, ex Lydia, Africa, Italia, Græcia, ex omni populo, & linguis regnum, seu Ecclesiam sub unam suam legem congregaturus dicitur, ut vidimus numero 21. concordant etiam cum iis, ubi regnum Messie crebro dicitur fore sempiternum. Sed forsitan protervi quidam hebræi dicent Regnum Messie sempiternum dici, quia ad finem mundi duraturum est. Verum evidenter falluntur, non advertentes modum loquendi Prophetæ, qui æternitatem regni Messie mensurat ex potestate æterna

æterna ejusdem *Messia*, quæ cum æterna æternitate propriè dicta sit, utpotè *Messia* qui est *Deus*; prout evidentissimè vidimus, igitur & regnùm ejus propriè dicta æternitate æternum ab eodem Propheta dicitur, & consequenter etiam ab aliis Prophetis, dum regnum *Messia* sempiternum fore asserunt. Cum verò terrenum nullum regnum ita æternum esse possit, ut nunquam finem habiturum sit; omnia enim cum mundo interibunt, igitur nomine Regni *Messia* semper ejus Ecclesia omnino intelligenda est, utpotè quæ sola cum suo *Messia* in æternum in cælis perennatura est. Idem omnino capite 2. dixerat: *In diebus autem regnorum illorum suscitabit Deus cæli regnum, quod in æternum non dissipabitur, & regnum ejus alteri populo non tradetur, comminuet autem, & consummet universa regna hæc, & ipsum stabit in æternum.* Quis hic non videt post omnia regna hujus mundi in æternum permanens regnum *Messia*, quod nullatenus aliud esse potest, quam ejus Ecclesia cum ipso in Cælis in æternum mansura & triumphatura.

Capite nono determinatum hebdomadarum annualium numerum ponit, post quas *Messias* seu *Christus* occidendus sit per eum peccatum delendū, justitia seu justificatio adducenda, post occisum vero *Messiam*.



*Messiam perpetuam Judaici status desolationem futuram esse.*

XXVI. Sic enim ait capite 9no. Septuaginta hebdomades abbreviate sunt super populum tuum, & super Urbem Sanctam tuam, ut consummetur pravaricatio, & finem accipiat peccatum, & deleatur iniquitas, & adducatur justitia sempiterna, & impleatur visio, & Prophetia, & ungatur Sanctus Sanctorum. Scito ergo & animadvertite, ab exitu sermonis, ut iterum edificetur Jerusalem, usque ad Christum Ducem hebdomades septem, & hebdomades sexaginta duae erunt, & rursus edificabitur platea, & muri in angustia temporum, & post hebdomades sexaginta duas occidetur Christus, & non erit ejus populus qui eum negaturus est. Et civitatem & sanctuarium dissipabit populus cum Duce venturo, & finis ejus vastitas, & post finem belli statuta desolatio. Confirmabit autem pactum multis hebdomada una, & in dimidio hebdomadis deficiet hostia, & Sacrificium, & erit in templo abominatio desolationis, & usque ad consummationem, & finem perseverabit desolatio. Primores Rabbiorum ipsa veritate coacti confessi sunt hoc vaticinium ad Messiam pertinere. R. Barachias in Beresith Rabba, R. Moses ben Nachman, R. Samuël, & alij. Sed quamvis ex protervia id negare vellent ex ipsis verbis constat illud de nullo quam Messia intelligi posse. Quisnam esse potest Sanctus Sanctorum id est omnium sanctissimus, nisi solus Messias? quis peccata hominum delere



delere potest, nisi qui apud Isaia *m vulneratus,*  
 & occisus est propter iniquitates nostras. Et *cuius*  
 livore sanati sumus? & quis *justitiam sempiternam*  
 adducere potest, nisi qui tot in locis *dicitur Justus*  
 Et *Salvator*: eo veniente implebuntur & cōplebuntur  
 visiones, & Prophetiæ, quia ipse est de quo factæ  
 sunt omnes visiones, & Prophetiæ, nempe *Mes-*  
*σίας*, & eo veniente confirmabitur pactum, seu ob-  
 signabitur pactum seu fœdus antiquum quia ipse  
 nempe *Messias* adimplebit, & complebit illud &  
 novum fœdus, seu novam legem instituet, ut  
 in supradictis vidimus.

Verum exactum hujus vaticiniij examen susci-  
 piemus in secunda parte, ubi ex illo ostende-  
 mus quis verus *Messias* sit? qui post hebdoma-  
 des septuaginta occisus sit? ut ait Daniel. Quo-  
 circa nunc ad perlustrandos Prophetas minores  
 accedamus. Primus recto Scripturæ ordine occurrit.

## O S E A S.

*Pariter desolationem totius status Ju-*  
*daici Et Sacrificiorum vaticinatur.*

XXVII. **C**apite 3tio ait Oseas: Dies multos se-  
 debunt filij Israel sine Rege, Et sine  
 Principe, Et sine sacrificio, Et sine altari, Et sine  
 Ephod, Et sine Theraphim, post hac revertentur  
 filij Israel, Et quarent Dominum Deum suum, Et  
 David Regem suum, Et pavebunt ad Dominum, Et  
 ad bonum ejus in novissimo dierum. Daniel dixit:  
 deficiet hostia, Et sacrificium, Et usque ad consum-  
 mationem

*mationem perseverabit desolatio.* Unde dum Oseas dicit: *dies multos sedebunt sine sacrificio, sine altari*, illi multi dies debent intelligi usque ad consummationem sæculi, & hoc ex ipso Osea constat, quoniam subdit, quod non citius *querent Dominum Deum suum & David Regem suum* nempe: Messiam qui nomine Davidis intelligitur *nisi in novissimo dierum* quod sine dubio de ultimis mundi diebus intelligi semper solet. Nam licet modo aliqui eorum ad Messiam legem convertantur, tunc verò universaliter omnes in Ecclesiam Messiam concedent. Interea verò verificatur, quod sine Rege, sine Principe, sine sacrificio, sine altari, certè non sine culpa gravissimi alicujus peccati extorres inter gentes manere debeant, usque tandem in novissimo dierum universaliter in unam Ecclesiam Messiam nobiscum aggregabuntur. Cap: 13. Oseæ dicitur: *ero mors tua o mors, morsus tuus ero inferne*: non aliter quam quia infernum spoliabit potestate, quâ genus humanum detinuit peccato perditum. Unde cap: 14. ait: *Sanabo contritiones eorum*: nempe: ut Thargumista docet: remissio peccatorum fiet per Messiam, sicut Daniel ait: *ut deleatur iniquitas.* Osea succedit.

## J O E L.

XXVIII. **C**apite 2. ait: *Filij Sion exultate, & letamini in Domino Deo vestro, quia dedit vobis Doctorem justitiæ.* Eum nempe quo juxta Danielem adducetur justitia sempiterna.  
Eodem

Eodem 2. cap: Joelis, *Et erit post hac, effundam spiritum meum super omnem carnem. Et prophetabunt filij vestri, Et filia vestra* hæc tempore Messiae eventura esse docet R. Saadiah Gaon, & R. Mar-  
chur. Addit Joel: *In monte Sion, Et in Jerusalem erit salvatio*, nempe: dum per mortem Messiae delebitur iniquitas, ut ait Daniel. Spiritus Sanctus autem effunderetur non super solos Prophe-  
tas, uti in antiquo testamento, sed universaliter super fideles Messiae. Sequitur.

## A M O S.

XXIX. **H**ic Propheta imitatur Ezechielem lo-  
quendo nempe: de spirituali taberna-  
culo & spirituali Israël, & spirituali fertilitate  
terræ Mysticæ.

Capite 9. *In die illa suscitabo Tabernaculum Da-  
vid, quod cecidit. Et reedificabo illud sicut in diebus  
antiquis, ut possideant reliquias Idumææ Et omnes  
nationes eo quod invocatum sit nomen meum super  
eos.* Certe non reedificabit Deus Tabernacu-  
lum, seu templum literaliter acceptum, cum ut  
vidimus ex Prophetis in æternum non ædifi-  
canda sint Sanctuarium, & civitas: igitur spiri-  
tuale habitaculum tempore Messiae in cordibus  
fidelium, qui nomine Israël's sæpè significantur,  
sibi Deus ædificabit, dicitur Israël possessurus  
Idumæam, & nationes, eo quod ex Israele pri-  
mum lex Messiae exhibet, ad quam Judumæi, &  
omnes gentes congregabuntur, ut vidimus. Nam  
materialis Israël nunquam in statum suum ut  
pariter

pariter vidimus instaurabitur, & idcirco fertilitas illa omnis quæ Israeli promittitur spiritualis & bonorum salutarium est, conformiter ad famem quam idem Amos futuram dicit cap: 8. *Ecce dies veniunt dicit Dominus, & mittam famem in terram, non famem panis, neque sitim aquæ, sed audiendi verbum Dei.* Igitur Judæi ex similibus Prophetarum locutionibus minimè sibi blandiantur antiquam terram Israel se denuò possessuros, nam præterquam quod Prophetæ de terra spirituali, & spirituali Israele, & fertilitate spirituali loquantur, ex ipso Amoso constat Israellem literaliter sumptum nunquam terram suam, & pristinum statum adepturum esse, cap: 5. *Domus Israël cecidit, & non adjiciet, ut resurgat Virgo Israël projecta est in terram, & non est qui suscitet eam.*

## A B D I A S.

XXX. **I**N eodem pariter sensu loquitur de mystica possessione dum ait: *Et in monte Sion erit saluatio, & erit Sanctus & possidebit domus Jacob eos, qui se possederant* nempe: In monte Sion ipse Salvator erit, & salutifera ejus lex de Sion, & Jerusalem exhibet, ad quam confluent omnes gentes, & sic per legem Messiae, quæ primum ex Israel exhibet dicitur Israël pasturus eos, nempe: populos & gentes, quæ se possederant; Isaias enim ait: *erit præparatus mons Domus Domini, & fluent ad eum omnes gentes, quia de Sion exhibet Lex.*

MI-

# M I C H Æ A S.

*Patriam Messie determinat, & ejus generationem ab eterno.*

XXXI. **C**apite 5. Et tu Bethleem Ephrata parvulus es in millibus Juda, ex te enim mihi egredietur, qui sit Dominator in Israel, & egressus ejus ab initio à diebus æternitatis. Hunc locum Michæ ad Messiam pertinere docent Paraphraſtes Chaldaeus, Jonathan, Thalmud in lib: Sanhedrin ult: cap: & in lib: de Paſchate cap: 10. & in Midraſch Thehillim, & R. Selomoh, & R. David Kimchi; & ſanè quis ſit ille Dominator niſi quem terræ, & mari dominaturum tot oracula prædixerunt? & cujus egreſſus eſſe poteſt ab initio à diebus æternitatis, niſi qui ante Luciferum genitus, ante ſolem & Lunam fuiſſe, imò Deus, & primogenitus Dei dicitur, quem Meſſiam eſſe vidimus. Igitur ex Michæa evidentiffimum eſt Meſſiam illum in Bethleem Juda naſciturum eſſe.

# H A B A C U C.

*Messiam infallibiliter venturum promittit, eumquè Salvatorem hominum fore.*

XXXII. **C**apite 2do ſic ait: Adhuc viſus procul, & apparebit in finem, & non mentietur ſi moram ſecerit expecta illum, quia veniens veniet,

niet, & non tardabit, hic Messiam promitti docetur in Sanhedrin cap: ult: & à R. Selomoh. In oratione sua Habacuc ait: Messiam in salutem hominum egressum esse, quia Prophetæ in visionibus suis res futuras quasi factas, aut præsentes recitare solent. Egressus, inquit, es in salutem populi tui, in salutem cum Christo tuo, seu Messia tuo. Messias etenim ut vidimus Salvator, & salus hominum dicitur Isaïæ 51, *propè est justus meus, egressus est Salvator meus*, & cap: 49. *Ecce dedi te in lucem gentium, ut sis salus mea usque ad extremum terra.* Duplex itaque modus est, quo Messias salvaturus dicitur homines; primo per hoc, quod homines illuminabit lege & doctrina sua in viam salutis, 2do autem & principalius morte, & sanguine suo Isaïæ 53. *Vulneratus est propter iniquitates nostras livore ejus sanati sumus, posuit in eo Dominus iniquitates omnium nostrum.* Oblatus est quia ipse voluit justificabit ipse justus servus meus multos. Ecce quomodo Messiae sanguine, morte, & passione sanabimur, justificabimur, & salvabimur, quod Daniel confirmaverat dicens: Messiam occisum iri atque idcirco per eum delenda peccata, auferendam iniquitatem, & adducendam justitiam sempiternam. Hoc grande salutis humanæ opus, causa, & ratio erat cur tam crebris vaticiniis Prophetæ Messiam Salvatorem prænuñciarint. Illum nostrum Salvatorem Habacuc vocat *Jesum* quod idem est, ac *Salvator* ego autem in Domino gaudebo, & exultabo in

E

Deo

*Deo Jesu meo.* Deum simul eum fore indicans, hoc testimonium Messiae adjudicat R. Jonathan.

## N A H U M.

**C**Apite imo: confirmat, quæ Isaias de Messia prædicante pacem, & auferente idololatriam cap: 52. dixerat: *Quam pulchri pedes super montes annunciantis pacem*, & cap: 9. *In die illa idola penitus conterentur.* Sic etiam Nahum cap: imo: *De Domo Dei tui interficiam sculptile, & conflatile ecce super montes pedes evangelizantis, & annunciantis pacem.*

## S O P H O N I A S.

**S**uccinit aliis Prophetis, qui (ut vidimus) prædixerant omnes populos in unam Messiae legem congregandos esse, cap: 3. *Reddam populis labium electum, ut invocent omnes in nomine Domini, & serviant ei humero uno ultra flumina Æthiopia inde supplices mei filij dispersorum meorum deferrent munus mihi.* Sicut Isaiæ 49. *Ecce isti de longe venient.* Num: 21.

## A G G Æ U S.

*Ex hoc Propheta, & Malachia, invictissimo argumento deducitur Messiam stante adhuc Templo 2do Hierosolymitano venisse, adeoque protervos Judæos frustra*

*frustra expectare venturum Messiam, qui eos reducat ad rura propria, ad terram antiquam Israel, & idcirco benè, & rectè diximus loca Sacrae Scripturae, quae videntur Judæis promittere tempore Messie reditum in terram Israel, esse accipienda de mystica terra Israel nempe de Ecclesia, & mysticum intelligendum quandoquè Israelem.*

XXXIII. **A**ggæus Propheta capite 2do: Messiam, quem antecessores Prophetæ à longè quasi venturum prædicebant, ipse jam propinquum suis temporibus annunciat. Vixit tempore Zorobabelis, à quo extructum fuit Templum 2dum; quia verò Templum hoc 2dum non erat illius magnificentia, cujus fuerat Templum primum à Salomone ædificatum, à Nabuchodonozore autem dirutum, populus aliquali memoria adhuc retinens magnificentiam Templi Salomonici, ad conspectum Templi secundi, non jam ita magnifici ingemiscebat, & plorabat: populum hunc Deus volens consolari per Prophetam Aggæum; proximè venturum Messiam denunciavit, & ex ejus præsentia Templum illud secundum majorem assecuturum gloriam, ac habuerat primum Salmonicum. Sic enim ait: *Hæc dicit Dominus exercituum, adhuc unum mo-*



cum est, & ego commovebo calum, & terram, & mare, & aridam, & movebo omnes gentes, & veniet desideratus cunctis gentibus, & implebo Domum istam gloria, magna erit gloria domus istius novissima, plusquam prima. Populi lachrymae testimonium sunt secundum templum ex se, & in se non habuisse gloriam tantam, imò potius minorem longè quàm habuerit Salomonicum. Deinde Josephus lib: i. de bello Judaico cap: 16. scribit quidem, Herodem reparasse, & restaurasse Templum secundum, sed Regiam Herodis auctam duobus ædificiis magnificentiorem fuisse Templo secundo, pullatenus verò memora Templum secundum Salomonico augustius fuisse. Igitur Templum secundum mansit inferioris magnificentiae, ac fuerat Primum, quod Salomon Regum Sapientissimus, & ditissimus omni possibili cura augustissimum reddere conabatur. Nec etiam secundum Templum majorem gloriam ex præsentia aut Alexandri, aut Herodis, aut alicujus alterius habere poterat, quam primum habuerat ex præsentia Solomonis. Igitur cum Propheta Aggæus dicat Templum secundum majorem habiturum gloriam, ac habuit Salomonicum, ex unica & sola præsentia venturi Messiae illam gloriam habere potuit, quod & aperte denotant verba illa continuatè posita: veniet desideratus cunctis gentibus & implebo domum istam gloria. Ergo ista major gloria domus istius novissimæ, plusquam primæ petenda est ex præsentiâ desiderati cunctis gentibus, ecquis est deside-

*desideratus cunctis gentibus ? nisi qui in vaticinio Jacobi expectatio gentium , & cui servient omnes gentes & ad quem fluent omnes gentes , & in quo benedicentur omnes gentes , quæ de Messia tot in locis dicta esse vidimus. Si ergo Messias secundo illi Templo à Zorobabele ædificato , & ab Herode restaurato gloriam sua præsentia afferre debebat ; ergo illo templo adhuc stante venire debebat.*

Hoc confirmat clarius Propheta Malachias, qui eundem populum super pauca magnificentia Templi secundi lachrymantem consolari volens vaticinatus est *Messiam* prope esse , ut in templum istud veniat , & illud glorificet sic cap: 3. *Ecce ego mitto Angelum meum, & preparabit viam ante faciem meam, & statim veniet ad templum suum Dominator, quem vos queritis, & Angelus testamenti quem vos vultis.* Malachias ait: *Messi*, statim, seu non diu expectando ad Templum suum venturum; non possunt autem hæc sumi de templo spiritali, quia Propheta voluit Judæos consolari circa templum secundum quod aspiciendo flebant, sicut ante relata verba præmittitur. Cap: 2. versu 13. *Operiebatis lachrymis altare Domini fletu, & mugitu, ergo ad Templum suo adhuc tempore existens: illud autem erat à Zorobabele ædificatum Templum, nempe secundum. Dominator autem ad id templum venturus, quem Judæi volebant, & expectabant, utique non est alius, nisi ille Dominator agnus apud Isaiam, & Dominator in Israel apud*

apud Michæam, & *dominaturus usque ad fines terre*, ab omnibus Prophætis Prædictus, & à Judæis, ac gentibus expectatus; quem *Messiam* esse evidenter vidimus: Quocirca evidentiâ convicti Maimonides in Elechod Melachim, & R. David Kiinchi, & Saadias Gaon in lib: fidei hoc loci Messiam prædictum esse nobiscum fatentur, & agnoscunt.

Sed templum illud ad quod venire debebat Dominator *Messias*, & cui gloriâ suâ præsentia afferre debebat desideratus cunctis gentibus *Messias*, illud inquam Templum secundum à Zorobabele ædificatum, à Tito Vespasiano, & Romano exercitu ante 1700. annos ita dirutum, & destructum est, ut lapis super lapidem non remanserit, igitur jam advenit *Messias* ante 1700. annos, & fuit in templo illo eiquè sua præsentia gloriâ attulit, si Prophetæ Spiritu Sancto afflati vaticinantes mentiri nequeunt. Hic Judæis protervis omnino aqua hæret, nec tergiversandi via ulla suppetit. Sed placet hoc idem invictè Judæis adhuc remonstrare hoc argumento. Juxta Malachiam omnino ad Templum venturus est *Messias*, hoc nemo negare potest.

Sed si *Messias* non venisset ad Templum tempore Malachiæ existens, ad nullum unquam Templum venire potuit, aut poterit; quod sic probo: Templum nullum in æternum ædificabitur post destructum Templum tempore Malachiæ existens, nam Isaias cap: 25. ait: *posuisti Civitatem* & consequenter Templum in ea existens

stens in cumulum ut non sit ciuitas, & in sempiternum non adificetur, & Daniel cap: 9. & Ciuitatem, & Sanctuarium dissipabit populus cum Duce venturo, & finis eius vastitas, & post finem belli statuta desolatio & usque ad finem, & consummationem perseverabit desolatio. Ergo si Messias non venisset ad templum tempore Malachiae existens; ad nullum unquam templum veniret, quod cum contra Malachiae expressam Prophetiam dici non possit; necesse est Messiam venisse ad templum tempore Malachiae adhuc existens, cum debuerit ad templum venire.

Hic verè convictus est protervus Judaismus. Igitur venit iam Messias, & quidem ante 1700. annos, nempe: stante adhuc Templo secundo aedificato à Zorobabele, & destructo à Tito Vespasiano. Quae igitur caecitas summa Iudaeorum? ut contra suorum Prophe- arum Vaticinia sibi venturum adhuc fingant Messiam, qui eos ad propria rura reducat. Cum jam adveniret, ut vidimus evidenter, necesse omnino est, ea Scripturae Sacrae loca, quae innuere videntur tempore Messiae reducendum esse Israël ad propria rura, & antiquam terram Israël, necesse, inquam est illa Scripturae loca de terra mystica, nempe: de Ecclesia Messiae accipienda esse, ad quam adducendi sunt Iudaei, simul cum gentibus.

## ZACHARIAS.

Unum, & eundem Messiam Regem, &  
paupere-

*pauperem, affligendum, vendendum,  
atque vulnerandum fore prædicit.*

XXXIV. **C**apite 9. hæc ait; *Jubila Filia Jeru-  
salem, ecce Rex tuus veniet tibi justus,  
& Salvator ipse pauper, & ascendens super asinam,  
& super pullum filium Asinæ & loquetur pacem gen-  
tibus, & potestas ejus à mari usque ad mare, &  
à fluminibus usque ad fines terræ. Nonne is idem  
Rex Messias quem pariter ab aliis Prophetis præ-  
dictum vidimus à mari usque ad mare, & usque  
ad fines terræ dominaturum? & tamen is idem  
simul, & Rex magnus terræ, & mari dominatu-  
rus, & pauper & more pauperum super asinam  
vestus incedere dicitur. Igitur paucis verbis  
dicendo: Judæis distinctionem præcludit Zacha-  
rias, quia alium Divitem magnificum de Domo  
David oriundum *Messiam*, alium verò pauperem,  
& affligendum de Domo Joseph fabulantur. Si-  
cut eandem distinctionem eis præcluserat Isaïas  
num: 19. ubi eundem Messiam quem *exaltatum*,  
& *sublimem* valde nominavit, continuatim *inglo-  
rium, despectum, novissimum virorum* appellat. Hinc  
est quod evidentiam convicti Judæi in Beresith  
Rabbâ doceant de eodem *Messia* qui Magnifi-  
cus Filius Davidis creditur dictum esse aqud Za-  
chariam, eum futurum pauperem. Unde &  
Saadias Gaon eundem *Messiam* apud Zachariam  
indicari asserit, cui Daniel capite 7mo potentiam,  
opes, & regnum æternum spondet. Etiam in  
libro Thalmudico Sanhedrin illa verba psalmi 71.*

*Et*

*Et benedicentur in ipso omnes tribus terre, omnes gentes seruiunt ei, ad eundem Messiam referri dicuntur, de quo dixit Isaias: verè langviores nostros ipse tulit, attritus est propter scelera nostra. Imò in eodem libro Sanhedrin docetur: Messiam illum Davidicum potentem à Deo pœnis affectum iri, ergo ipsis fatentibus Judæis sincerioribus contra versipelles alios, & protervos idem ipse est Messias ille Magnus, & pauper affligendus, & etiam occidendus. Sed adquid Judæorum consensum petimus, dum duos præclarissimos Prophetas Isaiam, & Zachariam rem sat superquè clarè definientes habemus.*

*Zacharias cap: 13. Messiam non solum pauperem, sed cum Isaias ita despectum fore dicit apud Judæos, ut illum triginta argenteis vendituri sint. Et appenderunt mercedem meam triginta argenteos, & dixit Dominus: projice illud ad statuarium decorum pretium, quo appretiatum sum ab eis, & tuli triginta argenteos, & projecì eos in Domum Domini ad statuarium. Josephum Patriaccham fratres vendiderunt viginti argenteis, hic autem Dominus se ipsum appretiatum ait: triginta argenteis, quis potest melius personam Domini præferre, quam Messias: de quo etiam David ait: super vestem meam miserunt sortem. Verum capite 12. non solum venditum, sed & confixum iri Messiam prædicit Zacharias. Et aspicient ad me, quem confixerunt. Sicut psalmo 21. Foderunt manus meas, & pedes meos, ipsi verò consideraverunt, & inspexerunt me. Quocirca cap: 3. etiam Zacharia.*

Zacharias eadem psalmi confirmat. Et dicitur ei, quid sunt plagae istae in medio marium tuarum, & dicit: his plagatus sum in domo eorum, qui diligebant me. Quam pulchra Prophetarum in Messiam concordantia. Eum non solum pauperem, despectum, sed etiam gravissime vulnerandum, & configendum, adeoque & occidendum esse. Quocirca & ipsi Judaei ea verba Zachariae, Messiae adjudicant nempe: R. Moses Hadarsan in Beresith Rabba, & R. Aben Ezra. Et quidem iusta ratione, cum ea Zachariae, & Davidis optime cohaereant cum iis, quae vidimus de Messia ab Isaia dici num: 19.

## M A L A C H I A S.

Ultimus Prophetarum.

*Predicit Sacrificia veteris legis abolenda esse novumque Deo per Messiam Sacrificium instituendum.*

XXXV. Quoniam ex Malachia jam adduximus testimonium ad probandum: Messiam jam venisse stante adhuc templo a Zorobabele aedificato, num: 33. ideo hic nonnisi celebre ejusdem Malachiae Vaticinium allaturi sumus, quo significantur Sacrificia veteris legis abroganda esse. Cap: 1. ita Deum alloquentem Judaeos inducit: Non est mihi voluntas in vobis dicit Dominus exercituum, & munus non suscipiam de manu vestra, ab ortu enim solis usque ad occasum magnum

*magnum est nomen meum in gentibus*, in omni loco sacrificatur, & offertur nomini meo oblatio munda, quia magnum est nomen meum in gentibus. Ecce quomodo amplius non est Deo voluntas in populo Iudæico & in cultu eorum, ecce quomodo amplius eorum munera, seu sacrificia non suscipiet, sed repudiabit; ideo autem antiquæ legis sacrificia repudiabit, quia novum sacrificium, novam oblationem mundam instituet. Sacrificia Veteris legis nullo modo licuit alibi peragere, & offerre, quam in uno Templo Hierosolymitano, igitur Deus aliud novum sibi sacrificium, aliud à sacrificio veteris legis instituit, quia tale sacrificium, & talem mundam oblationem, sibi elegit *que in omni loco ei offerretur*, & non tantum Jerosolymis; Sacrificium igitur Hierosolymitanum antiquæ legis cassabit, & consequenter ipsum Aaronicum Sacerdotium; quia vacuum prorsus & inutile est Sacerdotium sine sacrificio, hinc est quod Deus Messia dixerit Psalmo 109. *Tu es Sacerdos in æternum non secundum ordinem Aaron, sed secundum ordinem Melchisedech*, sublato etenim Sacrificio antiquæ legis, Messias quoque antiquum Aaronicum tollet Sacerdotium; novumq; & æternum instituet secundum ordinem Melchisedech. Isaias vero cap: i. idem sic confirmat. *Ne offeratis ultra sacrificium frustra, incensum abominatio est mihi, Neomeniam, & Sabbatum, & festivitates alias non feram.* Si igitur Deus & Sacrificia cum Sacerdotio, & festivitates, aliasque Ceremonias veteris legis



legis tollet, igitur & legem ipsam veterem **ca-**  
**fabit**, quæ **maxima** **fui** parte in sacrificiis, festi-  
 vitaribus, & ceremoniis consistebat.

Hinc est, quod **Isaias**, **Jeremias**, & **Ezechiel** à  
**Messia** novam legem, abrogatâ veteri **conden-**  
 dam esse crebris oraculis testati sint, (ut vidimus)  
 Ezechielis cap: 37. *Et percutiam cum illis fœdus*  
*pacis pactum sempiternum erit.* **Isaiæ** 2. *de Sion exi-*  
*bit Lex.* Non **sicut** antiqua de Sinai.

Clarius autem **Jeremiæ** 31. *Feriam domui Israël.*  
*Et domui Jacob fœdus novum, non secundum pactum*  
*quod pepigi cum Patribus eorum in die, qua appre-*  
*bendi manum eorum, ut educerem eos de terra Æ-*  
*gypti.*

Ecce abrogandum esse antiquum fœdus, seu  
 legem **Mosaicam**, quam **Israhelitis** **Deus** **dedit**,  
 cum eos educeret de terra **Ægypti**, & novum  
 aliud per **Messiam** instituendum fœdus, seu le-  
 gem novam; sed jam cæcus, & obstinati<sup>ssimus</sup>  
 sit, qui ista non videat, & fateatur.

Vanæ prorsus & nugaces sunt **protervorum**  
 tergiversationes **circa** eludenda adducta testimo-  
 nia; quocirca, ut indignis supersecedo.

Tantum ad id quod afferunt ex **Exodi** 30.  
 ad ostendendam æternitatem legis **Mosaicæ** nem-  
 pe: *Erit vobis hoc legitimum sempiternum.* Re-  
 spondeo voces illas **hhhad**, **hhholim**, **lehhholim**,  
 id est **perpetuum**, non **semper** æternitatem, in  
 scriptura significare, sed **diuturnitatem** aliquan-  
 do, sicut **Gen: cap: 13.** **promisit Deus Abraham:**  
*Omniem terram quam conspicias, dabo tibi, Et semini*  
 tuo

tuo

tuo usque in sempiternum, cum tamen hic vox sempiternum non significet æternitatem, sed diurnitatem, quoniam longissimo jam tempore Israëlita eam terram non possideant. Sic etiam de lege Mosaica dictum esse constat, utpote quam vidimus per tot Prophetas prædictam esse abrogandam fore.

Sed Judæi ex suis ipsismet Magistris convincuntur Legem Mosaicam non fore sempiternam sed bis tantum mille annis duraturam esse. In Thalmude Tractatu Aboda Zara, seu de idololatria: sic legitur: *Sectatores Eliæ ita tradiderunt: mundus subsistit ad sex annorum millia, duobus millibus fuit inanitas, seu sine lege, duobus millibus lex, duobus millibus dies Messia.* Idem legitur in Gemara ad tractatum Sanhedrin, igitur non sempiterna futura est Lex Mosaica, quia duo ejus millia annorum jam diu effluxerunt. Et in Midrasch Coelestis legitur: *Legem quam homo discit in hoc sæculo vanitatem esse præ lege Messia.* Ergo Lex Messia futura est post Mosaicam. Ergo Mosaica non est sempiterna. Etiam R. Simeon in Jalcut fatetur Deum per Messiam novam conditurum Legem.

Jam igitur cum Malachia ultimo Prophetarum Primam operis partem concludamus, unde sit.



EPI-

# EPILOGUS. PRIMÆ PARTIS OPERIS.

**P**romissis stetimus, Dei adjuvante gratiâ, libros omnes Canonicos Judaicæ gentis, seu Veteris Testamenti à Capite ad calcem lustravimus, Vaticinia de venturo Messia ad amussim universa perscrutati sumus, singula eorum aliis similibus contulimus, roboravimus, & explanavimus; justam hanc Scripturæ sensum percipiendi normam ubiquè servavimus, insuper hebraicorum monumentorum, doctorumquè Rabinorum super quolibet vaticinio judicium concors, & haustam ab antiquis traditionem attulimus, ita ut æquus rerum censor nihil desiderare possit eorum, quæ ad rectè investigandam ex Sacris Veteris Pacti libris veram venturi Messiae notitiam, & effigiem conferre possunt.

Cum autem non abundè debeat vera notitia, & imago venturi Messiae imò nec possit derivari, quam ex Sacris Veteris Testamenti libris justâ Methodo, & universim perpenſis, secumquè invicem collatis; Nosquè hanc Methodum ad amussim servaverimus (ut per totam hanc primam operis partem liquido constat) hinc meritò sperare, ac confidenter asserere valemus, excerptam à nobis ex totius antiqui fœderis libris venturi Messiae Imaginem, quibuscunque aliis veriore, ac sinceriore, commodioremque fore, quàm proinde commodo legentium in brevi compendio proponimus.

VERA

# VERA IMAGO

## VENTURI MESSIÆ

In hac prima Parte Operis

*Ex Vaticiniis Veteris Testamenti*

### DELINEATA.

**M**essias ex Semine Abrahamæ, Isaaci, & Jacobi oriundus num: 2. de domo, & Familia Davidis num: 11. 14. 16. 20. 24. dicitur. De pura, & intacta virgine nascetur 15. In Bethleem Juda locus est Nativitatis ejus num: 31. Magnus Rex toti orbi dominatur dicitur num: 5. 6. quia Deus verus, Dei nempe Filius futurus est. Num: 5. 6. 10. 11. 12. 16. 17. & idcirco de cælis à Patre descensurus, & humanam naturam assumpturus dicitur: num: 4. 6. 15. 17. & 23. Regnum ejus Spirituale & Mysticum erit nempe: Ecclesia ex omnibus populis universæ terræ in ejus Legem congregatis composita. Annot: 2. num: 21. 22. 24. 25. Legem antiquam abrogabit, & novam instituet, ad quam omnes populos adducet. Num: 13. 18. 20. 22. 24. 35. Sacrificia etiam antiqua, & Aaronicum Sacerdotium cassabit, novum instituendo num: 12. & 35.

*Messias*

*Messias* Spirituale Regnum habiturus nempe Ecclesiam toto orbe diffusam, spiritualis Rex futurus est pacificus, & suo adventu pacem adducens num: 14. 16. & 19. bellator spiritualibus armis idola, & idololatriam prosterbens & de terra auferens num: 22. & titulo *Nabum*.

Regnum *Messia* non terreni apparatus erit, quia *Messias* futurus est pauper in forma humana, & despectus, more pauperum super asinam incedens, vendetur 30. argenteis, vulnerabitur, & confodetur, & occidetur num: 8. 19. 34.

Sua morte, & Sangvine Salvator omnium peccata delens & justitiam sempiternam adducens num: 19. 32. 34. Et lege sua omnes gentes in viam salutis ducens 18. 30. atque idcirco benedictio, & expectatio gentium dictus. Num: 2.

In adventu ejus sceptrum à Judæis aufertur num: 2. Miracula magna patrabit num: 17.

Post mortem ejus Jerusalem, & Sanctuarium diruetur, & perpetua desolatio ejusdem, & status Judaici futura est, num: 26. 27. 33. & 21.

Sepulchrum ejus gloriosum erit 14. ipse resurget à mortuis num: 7.

*Messias* sic delineatus jam advenit stante Templo à Zorobabele ædificato num: 33.

Hæc omnia in *Messiam* vi Vaticiniorum totius Veteris Testamenti convenire debere, & talem omnino *Messiam* futurum esse evidentissime ostendimus, quæ proinde, si in uno aliquo ad amissum completa esse demonstraverimus; Eum utique unice verum omnium Prophetarum vaticiniis

ciniis prædictum *Messiam* esse nemo nisi effrons negare poterit. Si totam retro antiquitatem consulamus, neminem profecto reperimus in quo producta omnia *de Messia*, vaticinia impleta esse videamus, nisi in *Jesu Christo Nazareno*; si igitur omnia & singula prædicta *de Messia* oracula ostenderimus in uno *Jesu Christo Nazareno* ad amussim impleta esse; eum *Jesum Christum Nazarenum* tenebuntur *Judæi* nobiscum tanquam verum *Messiam* venerari, tanquam Deum verum, Dei Filium incarnatum, & totius generis Salvatorem adorare, ejusque legem amplecti, & doctrinam salutare. Deus æterna veritas lumen gratiæ suæ impertiri dignetur, ut hanc veritatem animis omnium manifestam reddamus, ac in 2da operis nostri parte dilucide proponamus.

F I N I S  
*Primæ Partis Operis.*



F

SECUN-



SECUNDA PARS  
OPERIS.

*In qua dilucide, & invictè, demonstratur: omnia in Veteri Testamento contenta de Messia vaticinia, in uno Jesu Christo Nazareno impleta esse; ideoq; Jesum Christum Nazarenum verum esse à Deo promissum, & à Prophetis prædictum Messiam.*

PRÆLOCUTIO.

**C**UM hac in parte operis ostensuri simus, in Jesu Christo impleta esse omnia Veteris Testamenti vaticinia, omninò necesse est, ut Jesu Christi ortum, vitam, & gesta in medium afferamus; cumq; illis prædicta vaticinia conferamus. Ne verò Judæi adducenda à nobis Jesu Christi gesta, vitam, & ortum, conficta esse causentur, ipsis firma ratione demonstrandum est, concinnatam ab Evangelistis de Jesu Christi ortu, vita,

ta, & gestis, historiam omnibus usq; evidentissimis veritatis notis prædictam esse, ut nisi vecors, & insulsus eam falsitatis arguere possit. Hoc in sequenti Capite plurimis argumentis ostendendum suscipimus. Quocirca lit.

## CAPUT PRIMUM.

*In quo ostenditur Evangelistas in Evangelicâ Historia vitæ, & gestorum JESU Christi nihil omnino falsi scripsisse, imò nec scribere potuisse.*

**J**ESUM, qui vocabatur, & vocatur Christus, temporibus Augusti Imperatoris natum, temporibus Tiberij sub Pontio Pilato Procuratore, & Herode Rege passum, verè extitisse, norunt, & noverunt optimè hucusq; Judæi ex tam ampla Christianorū Religione, quæ non aliunde nomen auspicabatur, & auspicatur quam ab illo JESU Christo Nazareno. Præterquam quod Eum extitisse, & passum fuisse temporibus Tiberij & Josephus Judæus Scriptor lib: 18. antiquitatum Cap: 4. testetur, & Evangelistis in hoc narrando succinant, & consentiant scriptores Gentiles Suetonius in vita Claudij, & Cornelius Tacitus qui lib: 15. hist: ait: Auctor nominis ejus (nempe Christianæ Religionis) Christus, qui Tiberio imperante per Procuratorem Pontium Pilatum supplicio affectus est.

Evangelistæ narrant Jesum Christum natum esse



esse in Bethleem. Id verum esse fatetur Celsus  
 Gentilis scriptor infensus Christianorum hostis.  
 Idem constat ex Tabulis censualibus Romanorum,  
 ad quas Fidei nostræ hostes provocant Justinus  
 appologia ima num: 4. & Tertulianus in libris  
 contra Marionem, quod e iam confirmatur ex  
 censu illo quem nascente Jesu Christo indixit Im-  
 perator Augustus. Scribunt Evangelistæ stellam  
 in Ortu Jesu Christi micantem apparuisse, quā  
 Duce Magi ex oriente ad Eum adorandum in  
 Judæam venerunt, Herodem regnantem in Ju-  
 dæa, ut Jesu Christo recens nato necem inferret,  
 maximam infantium stragem edidisse, id ipsum  
 Scriptores Gentiles fatentur confirmando Evan-  
 gelistarum historiam. Julianus siquidem Aposta-  
 ta gentilismo addictissimus & Judaismo, fatetur,  
 nato Jesu Christo sidus novum fulgens Magos  
 ex oriente in Judæam adduxisse. Chalcidius Pla-  
 tonicus & Gentilis Scriptor in Comment: ad  
 Timæum ait: est quoque sanctior, ac venerabilior  
 historia, quæ perhibet ortu stellæ cujusdam denuncia-  
 tum descensum Dei venerabilis, ad humanæ conver-  
 sationis gratiam, quam stellam cum nocturno itinere  
 inspexissent Chaldaeorum sapientes, quasi-visse dicun-  
 tur ortum Dei. Crudelem verò infantium cædem  
 tempore Nativitatis Jesu Christi ab Herode fa-  
 ctam his verbis Macrobius Gentilis Scriptor cap:  
 4. lib: 2. Saturnalium describit: Cum audisset Au-  
 gustus Imperator, inter pueros quos in Syria Hero-  
 des Rex Judæorum intra biennium occidi jussit, fili-  
 um quoque ejus occisum, ait: Melius est Herodis por-  
 cum

*eum esse, quam Filium.* Evangelistæ produnt miracula, quæ Jesus Christus potenti virtute patravit. Id ipsum testantur gentiles: Julianus Apostata apud Cyrillum lib: 6. spernit quidem, sed facta non negat à Christo miracula dicens: *nisi quis existimet inter maxima esse opera claudos & cacos integritate restituere, & damonio correptos adjuvare in vicis Bethsaïdæ, aut Bethania,* Celsus itidem scriptor gentilis teste origine lib: 2. contra eundem ait: *Credidistis eum* (nempe Jesum Christum) *esse Filium Dei, quod claudos, & cacos sanavit.* Porphyrius libro contra Religionem Christianam apud Eusebium lib: 5. de præpar: Evang: Cap: 1. confitetur: *ex quo Jesus coli captus est, neminem sensisse publicam Deorum opem.* Et ipse Mahometes miracula à Christo Jesu edita confitetur in Alcorano, ubi etiam ait: *Jesum Christum esse verum Messiam Prophetarum vaticiniis prædictum, eumq; nuncupat: Verbum Dei, Spiritum Dei, natum ex Maria Virgine absque Virili semine Prophetam eximium.* Phlegon scriptor ethnicus relatam ab Evangelistis in morte Jesu Christi defectionem solis, & terræ concussionem confirmat lib: 13. Olympicorum Chronicorum sic: *quarto anno Olympidis 202. maxima, & excellent inter omnes, quæ antea acciderant defectio solis facta: dies hora sexta ita in tenebrosam noctem versus, ut Stellæ in calo visa sint, terræq; motus in Bithinia Urbe multas ades subverterit.* Ecce quomodo Ethnici, & Gentiles scriptores, imò & infensissimi Christianorum hostes ipsa veritate convi-

Si maximam partem historiæ Evangelicæ nempe: de ortu, de passione, de miraculis, & miris gestis Jesu Christi suo calculo, ut veram, & ab omni falsitatis suspicione alienam esse confirmant. Quod utique minimè fecissent, utpote Christi, & Christianæ Religionis hostes acerrimi, nisi omnino vera hæc omnia fore, & evidentia comperissent. His omnibus & aliis, qui facile adduci possent, unum addo omni exceptione majorem celeberrimum historicum hebræum, Josephum nempe, qui præclarum de veritate historiæ Evangelicæ, & gestorum Jesu Christi testimonium perhibet lib: 18. antiquitatum cap: 4. *Eo tempore fuit Jesus Vir Sapiens, si tamen virum eum appellare fas est, fuit enim mirabilium operum Effector, Magister hominum, qui verum cum voluptate accipiunt, multosq; Judæos, multos item Gentiles ad se pellexit, hic erat Christus, quem cum Pilatus ab hominum nostrorum primis delatum Crucis supplicio addixisset, eum tamen amare non desierunt, qui primum amaverant; apparuit enim eis tertia die redi-vivus, Divinis vatibus & hæc, & mille alia de eo miranda effatis, atq; ab eo denominata Christianorum natio durat usq; ad hunc diem.* Ecce quomodo Josephus Judæus manens in Judaismo, & perseverans usque ad mortem, volens, (ut historicum decet), ipsam veritatem fateri, eadem omnino de vita, & gestis, & Passione Jesu Christi narrat, quæ Evangelistarum historia de Jesu Christo luci tradidit: ecce concordiam Judaicorum, & Gentilium scri-

Scriptorum cum Evangelistarum historia; quis igitur nisi vecors & insulsus Evangelistarum de Jesu Christo historiam falsitatis arguere poterit?

Genuinum hoc esse Josephi Testimonium, & minimè à Christianis assutum evidenter constat. *Imo.* Quia omnes Josephi codices, sive calamo exarati, sive typis impressi, quamvis vetustissimi illud testimonium habent. *2do.* Cum Josephus memoriæ prodiderit, quæ apud Judæos digna memoriâ contigerunt, imò de Jacobo, & Joanne Baptista locutus fuerit, ut verax historicus de Jesu Christo, qui aliis celebrior erat, vera referre debeat. *3tio.* Per hoc testimonium in operibus Josephi non est perturbata series orationis, imò apposito loco mentionem Jesu Christi facit, ubi ait de Pilato. *4to.* Idem Josephus lib: 20. cap: 8. Jacobum Apostolum elogio commendavit, & ut ejus nomen clarius redderet, scripsit eum esse Fratrem Jesu, qui Messias dictus est. *5to.* Consentiant etiam dictionis color, & locutiones familiares Josepho. Abeant ergo, & facessant adversarii hoc testimonium eludere volentes nulla ratione nixi. Quamvis enim Josephus hebræus existens, præclara de Jesu scripserit, id tanquam historicus verax, secundum vulgatam tunc opinionem scribere debebat. Et quid mirum Josephum talia, prout tunc fama ferebat de Jesu scripsisse, cum Titum Vespasianum tamen capitale hostem Judæorum scripsit, vel finxit se credere esse Messiam. Cum igitur ut vidimus, & de Jacobo Apostolo præclara

clara scripfit, cur etiam non de Jesu Christo qui celebrior habebatur? & hoc de Jesu testimonium in omnibus Josephi operibus reperitur? igitur cum inimici nostri gentiles, & Judæi concordent cum præcipuis capitibus historiæ Evangelicæ de vita, gestis mirandis, & Passione Jesu Christi, historiæ Evangelicæ ab omni falsitatis novo immutem esse omnino constare debet.

Evangelistæ vixerunt cum Jesu Christo, & quæ ipsis videntibus Jesus Christus gessit, literis consignarunt, & ad nos per successionem tam Episcoporum in suis Cathedris continuatam, quam aliorum sibi succedentium Christianorum transmisserunt. Sicut opera Josephi hebræi, Platonis, Ciceronis, Varronis aliorumq; continuatâ notitiâ ad posteros, & etiam ad nostra tempora pervenerunt; à qua antiqua sibi succedentium temporum, & hominum traditione sicut opera Josephi, Ciceronis, aliorumq; novimus, eorum, & ab ipsis edita esse; ita eadem non interpolata succedentium Episcoporum, & Christianorum usque ad hæc tempora traditione, opera, & historiæ Evangelistarum novimus, non aliorum quam ipsorum esse, etsi hanc fidem per notitiâ successivam sibi meruerunt opera Josephi, Ciceronis, & aliorum, ut indubitatè credantur ipsorum esse, cùm eam fidem non mereantur etiam opera, & historiæ Evangelistarum per similem successivam notitiâ: ut pariter indubitatè credantur ipsorum esse. Qui Evangelistæ cum vixerint,

vixerint, familiaresq; fuerint cum Jesu Christo, melius utique, & veracius omnibus vitam, & gesta Jesu Christi referre potuerunt; Quod autem veraciter retulerint, jam vidimus; quoniam cum ipsorum historia apprimè concordant Ethnici, & Judæi scriptores, quamvis Christiani nominis hostes accerrimi. Sed fidem, candorem, & sinceritatem Evangelistarum in scribendo vitam, & gesta Jesu Christi sequentia non parum roborant argumenta.

1<sup>mo</sup>. Quis concipiat Evangelistas impostores fuisse? cum eorum modus narrandi sit absque exaggeratione, elegantia, splendore orationis, artificio figurarum, quibus, qui impovere volunt, sua narrata commendare solent, imò Evangelistæ, ita candidè, ita simpliciter ea describunt, quæ sibi in gloriam, sicut ea, quæ sibi in ignominiam cedere possunt; ut crucifixio magistri, & despecta tractatio ejus, suorum etiam defectuum Petri, & aliorum confessio ingenua, quod impostores facere minimè solent. 2<sup>do</sup>. Quò fine imposturâ uti debuissent? nisi ut magistri sui doctrinam sanctissimam omnibus insinuarant? Quid commodi sibi ex narratione gestorum Christi, & commendatione doctrinæ ejus polliceri poterant, nisi carceres, nisi exilia, nisi mortem ipsam? quomodo ergo possibile est, ut imposturam adhibere voluerint ad ea commendanda, pro quibus sciebant se affligendos, & occidendos fore. 3<sup>io</sup>. Quæ de Jesu Christi morte, resurrectione, miraculis, & aliis præclare gestis narra-

narrabant & scribebant; non in aliquo angulo, aut coram paucis testibus facta, sed coram tota Jerosolyma, coram Judæis omnibus, & gentilibus à Christo recenter patrata esse, indicatis personis, temporibus, & locis, quorum recens apud omnes memoria vigeat indigitabant. Si falsa narrassent, utiquè statim à Judæis Christi, & operum ejus inimicis, falsitatis convicti, & tanquam publici impostores declarati fuissent. Quod tamen cū nunquam fecerint Judæi ad fabricandam contra Apostolos calumniam, alioquin promptissimi, eorum hac in re altum silentium argumento est, eos nec miracula Jesu Christi, nec alia ab eo gesta, quæ in historia Evangelica describuntur, negare potuisse; quia de eorum veritate sibi conscij erant. *Demum* Evangelistæ scribebant diversis in locis, temporibus & lingvis, & tamen summâ concordia, ut omnium quatuor Evangelistarum unum Evangelium videatur: impostores autem, & falsitatis fabricatores, si non in eodem loco scribant, secum semper pugnare solent. Igitur Evangelistarum historia de ortu, vita, & gestis Jesu Christi, omnibus veræ, & candidæ historiæ notis prædita est, atq; idcirco securè ejus narratis fidem adhibere quilibet non tantum potest, verum etiam debet, nisi contra rectam rationem evidenter ire, & pugnare velit.

## CAPUT SECUNDUM.

*In quo incipimus ostendere vaticinia veteris*

*teris Testamenti de Messia prolata, in  
Jesu Christo impleta esse, & imo qui-  
dem, quod Messias ex Semine Abrahæ,  
& Davidis ortum ducere debebat, ex  
quo semine ortus ostenditur JESUS  
CHRISTUS, adeoque jam aliqua va-  
ticia implens.*

**V**idimus in imā parte num: 2. Cap: 22. Gen:  
Abrahæ promissum fuisse ex ejus semine o-  
riundum fore *Messiam*, his verbis, *benedicentur  
in semine tuo omnes gentes.* Isaac Filio Abrahæ  
eandem pollicitationem, sicut & Jacobo Fi-  
lio Isaac factam etiam vidimus. Jacob autem in-  
ter alios habuit filium Judam, ex semine Judæ  
deducitur linea Dav dis, cui iterum facta fuit  
promissio, ex ejus semine proditurum fore Mes-  
siam Jeremiæ Cap: 23. *Suscitabo David germen  
justum, & regnabit rex* (uti vidimus num: 21. in  
i. parte.)

Nunc ostendemus Jesum Christum ex semine  
Abrahæ, & Davidis, ex quo Messias oriri debe-  
bat ortum esse. Sic Matthæus Cap: 1. suum au-  
spicatur Evangelium *Liber generationis Jesu Chri-  
sti Filij David, Filij Abraham;* porro si Christus  
revera non fuisset ortus ex stirpe Abrahæ, &  
Davidis Regis, Matthæus à Judæis in quorum  
oculis Evangelium scripsit, redargutus fuisset:  
Judæi namq; integras genealogias tam privatim,  
quàm



quàm publicè in Tabulâriis Sacris, & in publicis Archivis maxima cura, ac religione asservabant, eorum præfectorum, qui ex tribu Levi, vel ex tribu Juda originem habebant; ex tribu quidem Levi, ne Sacerdotium quicumque ab ea tribu alienus invaderet, (ut videre est apud Josephum lib: 1. contra Appionem:) Ex tribu vero Juda ob Messiam ex ea nasciturum. Et quia promissio generalis de promisso Messia ex tribu Juda postea restricta fuit ad domum Davidis, hac de causa Judæi singulari diligentia custodiebant Tabulas genealogicas eorum, qui à Davide Rege suum genus ducebant: (sicut testatur Julius Africanus in Epist. ad Aristidem, apud Euseb. lib: 1. hist: Eccles. cap: 7.) Si ergo Evangelista Matthæus falso asseruisset Jesum Christum ex Abrahamo per Davidem propagatum fuisse, confestim reclamassent Judæi, ipsumque mendacij arguissent; certum autem est Judæos nunquam reclamasse, nec ullam super hac re Matthæo litem movisse, quamvis Christum, & Evangelistas calumniandi cupiditate æstuarent. Silentium itaque Judæorum in re tanti momenti liquido probat eos pro comperto habuisse Christum Dominum prodisse ex prosapia Abraham; & Davidis Regis. Habemus etiam ex eodem capite 1. Matthæi. Joseph Virum Maria, de qua natus est Jesus, qui vocatur Christus, sed Maria Mater Christi orta est ex stirpe Davidis Regis: Ergo & Jesus Christus. Nam S. Lucas cap: 2. ait: Josephum ascendisse à Galilea de.

*de Civitate Nazareth in Judæam, in civitatem David, quæ vocatur Bethleem, eò quod esset de domo, & familia David, ut profiteretur cum Maria desponsata sibi uxore prægnante. Ex quibus verbis colligunt SS. Patres Ambrosius, Hieronymus, & Augustinus, Mariam ideò cum Josepho venisse in Bethleem Davidis gentilem Civitatem, ut juxta edictum Cæsaris nomen daret, quia ex tribu Juda, & de stirpe Davidis una cum castissimo suo sponso erat oriunda. Et merito: nam si Beata Virgo non fuisset orta de stirpe Davidis, necesse haud fuisset, ut Joseph Mariam jam tantam, imò in procinctu partus existentem tanto itinere fatigaret, eamq; secum duceret in civitatem Bethleem, in qua hi solum, qui erant de Domo, & Familia Davidis profiteri debebant; juxta edictum Cæsaris: Igitur Joseph, & Maria Mater Christi, ambo erant ex eadem Domo, & Familia Davidis Regis. Joseph enim dicitur Vir justus, & Maria pariter justa esse debebat, in hoc vel maximè, ut ambo observarent præceptum legis veteris, quæ tunc adhuc vigeat. Præceptum autem legis est Numerorum Cap:36. Omnes viri ducent uxores, de Tribu, & cognatione sua, & cuncta Faminæ de eadem Tribu maritos accipient, igitur Joseph, & Maria subjecti adhuc huic legi debebant hoc præceptum legis adimplere; adeoque Joseph, & Maria erant de eadem tribu. Vidimus ex Lucæ cap: 2. quòd Joseph esset de Domo, & Familia David, ergo & Maria Mater Christi erat de Domo, & Familia David.*

Scimus

Scimus Jesum Christum nullatenus esse Josephi Filium naturalem, sed tantum adoptivum, & Josephum nihil contulisse ad generationem Jesu Christi; sed Jesum Christum opera Spiritus Sancti in Sanctissimo utero Beatissimæ Virginis Mariæ conceptum esse, adeoq; solius Bmæ Virginis Mariæ Filium esse, & ex Ipsa sine virili semine prodiisse: ita enim docet Evangelista Matthæus cap: 1. *Cum esset desponsata Mater Jesu Maria Joseph, antequam convenirent inventa est in utero habens de Spiritu Sancto: Joseph Fili David noli timere accipere Mariam Conjugem tuam; quod enim in ea natum est, de Spiritu Sancto est, pariet autem Filium, & vocabis nomen ejus Jesum, ipse enim salvum faciet populum suum à peccatis eorum. Hoc autem factum est, ut adimpleretur, quod dictum est à Dño per Prophetã dicentem: Ecce Virgo in utero habebit, & pariet Filium, & vocabunt nomen ejus Emmanuel.* Igitur intacta Virgo Maria sine virili semine, & sine scitu Josephi operâ Spiritus Sancti concepit Jesum Christum verum Messiam, nam sat superquæ omni argumentorum genere probavimus in prima parte num: 15. Messiam natum iri ex intacta, & pura Virgine juxta idem testimonium Isaïæ, quod hic adduxit Matthæus, *ecce Virgo concipiet, & pariet Filium, & vocabitur nomen ejus Emmanuel.* Cum igitur nullum legamus unquam fuisse, qui ex intacta Virgine nasceretur, præter Jesum Christum; ipse utiquè debet esse *Messias Emmanuel* ab Isaia prædictus. Non ausi fuissent Evangelistæ tam confidenter,

&

& palam in medio inimicorum Jesu Christi tam prodigiosam, & extraordinariam proclamare ejus generationem, si non veritate comperta scivissent à Judæis nihil huic opponi posse, & hac ratione nullibi legimus Evangelistas in hoc asserto suo à Judæis falsi convictos, aut insinuilatos fuisse. Quocirca ipse Mahometes licet Christianæ Religionis juratus hostis hanc veritatem cæteris negatis minime negavit in Alcorano dicens: *Jesum natum ex Maria Virgine absquè virili semine Prophetam eximium.* Habemus igitur duo vaticinia ad Messiam pertinentia in Jesu Christo impleta esse nempe: quod ex semine Abrahamæ, & Davidis; & quod ex intacta Virgine natus sit.

Sed cum sciamus Jesum Christum ex intacta Virgine Maria, manente etiam in castissimo Josephi Conjugio Virgine, natum esse sine concursu Josephi, sine virili semine, operâ Spiritus Sancti; cur Evangelista generationem ejus texit per lineam Josephi?

*Respondéo.* Cum moris apud Judæos fuerit genealogias texere non per fæminas, sed per viros; hanc consuetudinem Judæorum inter Judæos sequi volens Matthæus Jesu Christi genealogiam texit per proavos Josephi Viri Mariæ virginis, probè sciens eosdem Proavos esse, & Josephi, & Virginis Mariæ de qua natus est Christus, ( uti paulo antè ostendimus; ) cum igitur Maria, & Joseph ex eadem Domo, & Familia Davidis orti essent, eosdem habuerunt Proavos;  
unde

unde genealogia Josephi, est genealogia & Mariæ, & sic vera texta est à Matthæo genealogia Jesu Christi: ut tamen Jesum ostenderet non à Josepho procreatum esse, non dixit. Joseph genuit Jesum, sicut dixerat Jacob genuit Joseph; sed dixit Joseph virum Mariæ, de qua Natus est Jesus. Igitur cum Joseph ( ut vidimus ) sit de Domo, & familia David, & Abrahæ, & Maria Mater Jesu de eadem Familia quoque sit, sequitur Jesum Christum esse ex Domo, & Familia Abrahæ, & Davidis sicut de Messia promissum à Deo per Prophetas vidimus.

Apparentem autem inter Matthæum, & Lucam antilogiam in texenda genealogia Christi, remitto ad Viros doctissimos qui sat, superque eam enuclearunt, ac dilucidarunt, præsertim noster Graveson in Tractatu de annis, & mysteriis Christi.

### CAPUT TERTIUM.

*In quo ostenditur vaticinium Michæ de loco Nativitatis Messie, esse impletum in Jesu Nazareno Nato in Bethleem.*

U**T** bono ordine procedamus, dum de ortu Jesu Christi, & Nativitate ejus ex intacta Virgine locuti sumus, statim de loco Nativitatis ejus sermonem instituamus. Vidimus in parte ima num: 31. & probavimus Messiam nasciturum

**turum** in terra **Bethleem** juxta **Vaticinium Micheæ** cap: 5. *Et tu Bethleem Ephrata parvulus es in millibus Juda, ex te mihi egredietur, qui sit dominator in Israël,* atqui **Christus** natus est in **Bethleem** **Judæ** viculo, qui ab **urbe Hierosolyma** sexto milliario distat, id constat **Matthæi** Cap: 2. *Cum natus esset Jესus in Bethleem Juda in diebus Herodis Regis;* deinde ex **Tabulis censualibus Romanorum**, ad quas olim provocavit **Justinus** in appologia 2. **Tertulianus** in libris adversus **Marcionem**, **Origenes** lib: 1. contra **Celsum** testatur ab ipsis **Christianæ Religionis** hostibus ostensam fuisse **Bethleemi speluncam**, in qua **Jesum** peperit **Maria**. *Quod autem in Bethleem sit genitus Jესus si velit aliquis post Micheæ testimonium, & post Evangelij per Jესu Discipulos conscriptam historiam, fieri alias certior, intelligat, & in Bethleem speluncam ostendat, ubi ille sit natus, quod utique & in locis per celebre est, vel apud eos, qui à fide sunt alieni, fama, & nomine circumfertur eadem & in spelunca Jესum quandam, quem adorent, & demirentur genitum esse, hucusque Origenes loco citato.* Denique ipsimet **Judæi** non negant **Christum** **Bethleemi** natum esse, sed id ultro agnoscit **R. David Gantz** in **germine Davidis** apud **Huetium** prop: 9.

Nec valet si quis dicat **Christum** in **Scriptura Sacra** appellari **Nazarenum**, & **Galilæum**, nam ut optime ait **S. Thomas** 3. parte, quæst: 35. a. 7. ad 2. **Christus** in **Scriptura** **Nazaræus** appellatur, non ad significandum locum in quo natus est,

sed quem parentes ejus incolebant , & in quo ipse erat educatus , ex quo loco venerunt Bethleem ad satisfaciendum edicto Cæsaris , ubi pragnans Virgo Maria genuit Christum , & iterum redierunt in Patriam suam Nazareth. Igitur constat Jesum Christum implevisse tertium vaticinium de Messia prolatum , nempe: quod nasceretur in Bethleem Juda.

## CAPUT QUARTUM.

*De vaticiniis Psalmi 71. & Numerorū  
14. ad adventum Magorum in Jesu  
Christo nato impletis.*

**P**ROBAVIMUS num: 6. in prima Parte Psalmum 71um de Messia dictum esse, in eo habentur hæc: *Reges Arabum , & Saba dona adducent dabitur ei de auro Arabiæ.* Matthæus verò cap: 2. ait: *Ecce magi ab oriente venerunt Jerosolymam dicentes, ubi est, qui natus est Rex Judæorum? vidimus stellam ejus in oriente ; apertis thesauris suis obtulerunt ei munera aurum , thus , & mirram quoniam thesauros secum deterebant , magnæ substantiæ in regionibus suis esse debebant, igitur debebant si non magni nominis , parvæ tamen ditionis Reges, & Domini esse.* Non cum magno apparatu Regio advenerunt scientes Regem à se adorandum pauperem fore. Eum nempe Divinitus, & stella indicante agnoverunt ex illo vaticinio Balaami Num: 14. *Orietur stella ex Jacob.* Quod vaticinium notum fuerat in Arabia,

**Arabia**, ubi Balaam edidit hoc vaticinium, quando videlicet Balaé Princeps Moabitarum, eum adduxit, ut Populo Israëlítico imprecaretur. Igitur ex Psalmo 71, & Evangelio constat Magos illos seu Reges fuisse ex Arabia Felice, quæ comparatè ad Judæam sita est ad orientem. Math: 2. *Magi ex oriente* Psal: 71. *Reges Arabum & Saba* in qua Regione optimum aurum, & Thuris plurimum gignitur (ut scribit Plinius lib: 12. *hist: cap: 14.*) non etiam procul distat à Judæa, nam per camelos intra ostiduum exinde Jerosolymam iter peragi potest, teste Ill: Petro de Marca in *opusc: de adventu Magorum*. Igitur in Christo Jesu duo iterum impleta vidimus vaticinia nempe: Psal: 71. *Reges Arabum, & Saba dona adducent dabitur ei de auro Arabia,* & Vaticinium Balaami *oriatur stella ex Jacob.*

## CAPUT QUINTUM.

*In quo ostenditur Vaticinia promittentia in adventu Messiae universalem pacem futuram adimpleta esse in adventu Jesu Christi.*

**D**Emonstravimus in prima Parte num: 14. *Sequentia Vaticinia de Messia dicta esse nempe: Psal: 71. Orietur in diebus ejus justitia, & abundantia pacis. Isaia: cap: 2. Non levabit gens contra gentem gladium. Isaia: cap: 9. Vocabitur Nomen ejus Princeps pacis.* Ex Luca autem Evangelista habemus cap: 2. dum B. Virgo in pro-



cinctu partus in Bethleem iret, eo tempore exiisse edictum à Casare Augusto, ut describeretur universus orbis. Hæc utique Æcumenica descriptio orbis, fructus fuit universalis pacis, nec enim imperari, aut executioni mandari potuisset, nisi totus orbis in pace fuisset compositus. 2do. Idem Evangelista scribit, Angelos immediate post Nativitatem Christi pacem suis Cantibus per æera celebrasse his verbis. *Gloria in Excelsis Deo, & in terra pax hominibus &c.* Svetonius Historicus Romanus in. vita Augusti cap: 22. hæc habet: *Janum Quirinum semel, atq; iterum à condita urbe memoriam ante suam clausum, in multo breviori temporis spatio terra, mariq; pace parta ter clausit.* Janum Quirinum, Templum erat Jani, quod claudebatur tempore pacis, tempore belli apertum manebat. A Svetonio Augustus ter dicitur, Clausisse Jani Templum, seu pacem conciliasse. Dio Cassius Scriptor itidem antiquus lib: 51. scribit, Augustum post victoriam Adriacam anno urbis conditæ 725. Jani templum clausisse, 2da vice idem fecisse post bellum Cantabricum, 3tio autem idem templum clausisse Augustum, nempe: pacem conciliasse Doctissimi Chronologici, & Critici, Norcius, & Pagius asserunt anno urbis conditæ 748: sicq; eo, & sequentibus annis pax universalis in orbe fuit; eo autem tempore advenit in mundum Jesus Christus Princeps pacis, nam anno urbis conditæ 749. Imperij Augusti anno 40. natus est, (ut consentiunt omnes Chronologi, nullo excepto,) is autem fuit an-

nus

nus mundi conditi 4134. Igitur Iesus Christus suo advenutu universalē pacē attulit, toti mundo, sicut de Messia in Prophetis promissum vidimus.

Supereſt, ut dum de adventu, & Nativitate veri Messiae Iesu Christi loquimur, statim agamus de Jacobi vaticinio in quo prædicitur in adventu Messiae auferendum esse à Juda seu Judæis, sceptrum, seu Regiam potestatem. Quocirca fit.

## CAPUT SEXTUM.

De celebri Vaticinio Jacobi Gen: 29.

*In quo cum prædicatur in adventu Messiae à Judæis auferendum esse sceptrum, ostenditur Iesum Christum verum esse Messiam.*

**J**acobus Patriarcha viribus iam destitutus vocavit ad se omnes duodecem filios suos, ut eis Paternam benedictionem impertiret, inter quos, sic benedixit Filio suo Judæ Gen: Cap: 29. *Juda, te laudabunt Fratres tui, manus tua in cervicibus inimicorum tuorum, adorabunt te Filij Patris tui, Catulus leonis Juda, ad prædam Fili mi ascendisti, requiescens accubuiſti ut leo, & quasi Leona quis suscitabit eum? non auferetur sceptrum de Juda, & Dux de Famore ejus, donec veniat, qui mittendus est, & ipse erit expectatio Gentium.* In textu Hebraico ultimum comma sic legitur: *Non recedet Schevet de Juda, neq; Dux de inter pedes ejus, donec veniat Siloh, & ipsi obedientia populorum.*

Hoc

Hoc vaticinium in prima Part: num: 2. attigimus, sed hic examinandum suscipimus; Quid significet vox *Silob*? Nemo melius, quam primores hebræorum nos docebunt. In Thalmudico codice Sanhedrin Cap: 9. Quæritur, quod nam sit futurum nomen *Melliæ*? & respondetur; *Familiares R. Schela dixisse quod Nomen Messia futurum esset Silob, juxta illud quod dictum sit: donec veniat Silob.* Veteres Paraphrastæ, Chaldæi, Onkelos, Jonathan, & Hierosolymitanus; succinentibus plurimis Rabbînis Messiam nomine *Silob* significari aperte dicunt. Sic Onkelos interpretatur verba Jacobi Patriarchæ: usq; ad illud tempus, quo Messias veniet. Jonathan autem sic: usq; ad illud tempus quo veniet Rex Messias. Idem fatetur Thargum Hierosolymitanum: his consentiunt. R. Ralchi, R. Selomoh Jarchi, & R. David Kimchi. Igitur ex primoribus ipsis Judæorum certi sumus vocem: *Silob* significare Messiam. Quocirca sensus hujus Vaticinij est: *Non recedet schevet de Juda, neq; dux de femore ejus, donec veniat Messias.* Nunc indagare oportet significationem vocis *Schevet*; hoc nomen in genere significat *Virgam*: singulariter tamen in Scriptura accipi solet pro *virga authoritatis*, seu *sceptro*, uti Ps: 44. *Virga directionis, Virga regni tui*; Sed impudentes moderni Judæi, ne Christum agnoscant Messiam esse; illam vocem *Schevet* interpretantur, de *Virga afflictionis*, dicentes: non recessuram à Judæis, afflictionem donec veniat Messias. Sed quam falsissimè id asserant, pluribus momentis ostendo.

Imo.

1mo. Quomodo possunt dicere Patriarcham Jacobum hoc Vaticinio voluisse indicare, non recessuram à Juda, seu Judæis afflictionem, donec veniat Messias. Nunquid tempore Davidis, tempore Salomonis, qui tot annis regnarunt, fuerat in Juda, vel Judæis afflictio? regnum siquidem Salomonis fuit opibus abundans, ditio- ne augmentum, pacis munere fortunatissimum, & status Judaicus florentissimus. Ergo falsum est Patriarcham Jacobum benedicendo Filio suo Juda, & Successoribus ejus in ipso; per vocem *Scheveth* indicare voluisse Spiritu Prophetico Virgam perpetuam afflictionis usq; ad *Messiam*. Ergo per vocem *Scheveth* non afflictionis, sed authoritatis virgam, seu sceptrum indicavit.

2do. In hoc vaticinio Jacobæo de eo *Scheveth*, seu de ea virgâ sermo est, quæ spectat ad Regiam, vel Ducalem dignitatem, Nam sic habetur: *Nò auferetur sceptrũ de Juda, & Dux &c.* Ergo relative ad Ducem accipiendum est *Scheveth*. Duci autem convenit *Scheveth*, seu virga directionis, dignitatis, & dominationis, non afflictionis. Igitur mentiuntur sua explicatione Judæi.

3tio. Illa prædictio de perpetua afflictione non potest ullo modo stare cum eo, quod eodem loci dicit Patriarcha, videlicet: *Manum Jude fore in cervicibus inimicorum suorum.* Ergo Judas non affligetur, sed affliget. Vox etiam *Dux* Hebraicè *Mechkeke* significat Legislatorem, scribam, Dominium exercentem, ( ut periti Rabbini fatentur.)

4to. Psalmista, & alij Sacri Authores non semel vocem *Scheveth* accipiunt pro virga authoritatis, seu sceptro, ut Psal: 2. *reges eos in virga ferrea*, & Pl: 44. *virga directionis, virga regni tui*, & 70. Interpretes electi ex qualibet Tribu peritissimi Lingvæ Hebraicæ vertentes Scripturam ex Hebraico in Græcum, sensui attendentes vocem *Scheveth* reddiderunt, de summa autoritate. Hos secuti sunt primores Judæorum: sic Onkelos vertit. *Non deficiet exercens Dominum*. Jonathan in Paraphrasi: *non cessabunt Reges, & Principes*. Thargum. Hierosolymitanum: *non cessabunt Reges*. Sic etiam legendum docent celebriores Rabbini, R. Raschi. R. Rabba author libri Beresith, & R. Maimonides. R. David. Kimchi. R. Selomoh Urbinas, & alij. Unde facessant protervi alij Hebræi in meridiè cæcutientes: Nobis autem tot momentis, & testimoniis invictè certum jam esse potest, vocem *Scheveth* significare in dicto Vaticinio *virgam authoritatis, & Regni, seu Dominationis*, ut omnino non sit alius sensus vaticinij, quam iste. *Non auferetur sceptrum de Juda, & Dux de inter pedes ejus, donec veniat Messias*.

*De inter pedes ejus*. Debet explicari relativè, ad priora verba: *accubuisti ut Leo, & quasi Leona*, nempe: sicut prædam Leo inter pedes suos, ita retinet, ut nullus audeat eam ei eripere, sic Judas inter pedes, seu in potestate, ita sceptrum, & regnum tamdiu sicut Leo tenebit, donec *Messias* veniat.

Vox

**Vox** verò *Juda*, non **est ita** accipienda, ut **conferatur** Jacob Patriarcha prædixisse sceptrum, seu **authoritatem** imperativam semper perman- suram usq; ad *Messiam* in sola Tribu *Juda*. Nam ex *Scriptura Sacra* constat *Moysem*, & *Josue*, qui rexerunt populum, & summam potestatem exer- cuerunt, non fuisse ex tribu *Juda*: Sed *Moyes* fuit ex tribu *Levi*, & *Josue* ex tribu *Ephraim*. Inter *judices* postea, qui summam potestatem exercuerunt, duo tantum fuere ex tribu *Juda*, videlicet: *Othaniel*, & *Abesân*. Et post captivi- tatem *Babylonicam* supremum **Dominium**, & **Virga** directionis fuit penes Pontifices, qui fu- erant ex tribu *Levi*. Igitur Patriarcha Jacob non ita *Judæ* sceptrum, seu virgam directionis promisit, ut semper in sola ejus tribu maneret, sed quia nobilior semper inter alias fuit Tribus *Juda*, & quia Prophetico spiritu Jacob prævidit ex *Juda* Filio suo denominandam fore totam Gentem *Judaicam*, sicut defacto nominabatur, & nominatur, ideoq; in *Juda* Filio suo toti gen- ti *Judaicæ* prædixit hanc veritatem Propheti- cam, quod nempe: à *Juda*, seu gente *Judaica* à *Juda* denominata, non auferetur sceptrum, seu **suprema** potestas domini; ita, ut semper ex gen- te *Judaica* aliquis sit Dux, vel Imperium exer- cens, qui habeat virgam directionis in populo *Judaico*, donec veniat *Messias* & ipse erit *expe- ctatio gentium*.

Sed *Jesus Christus* Natus est eo tempore, quo sceptrum, seu virga directionis, & Regia, vel  
Duca-

Ducalis dignitas non solum à Tribu Juda, sed etiam à tota gente Judaica ablata est, transitq; ad alienigenam, ergo *Jesus Christus* debuit esse *Messias* à Jacobo prædictus. Nam *Jesus Christus* natus est Herode regnante in Judæa, sicut legitur *Math: 2*. Et cuilibet notum est: Herodes autem fuit alienigena, & nullatenus ex gente Judaica oriundus: *Josephus enim lib: 14. antiq: & lib: 1. de bello Jud: Cap: 25. asserit Herodem Antipatri Filium genere Idumæum fuisse item lib: 15. antiqu: a: c: Herodem, postquam occiso Antigono ultimo ex genere Judæorum Principe à Romanis Rex Judææ confirmatus fuit, Judæorum instituta peregrinis ritibus violasse, Davidis sepulchrum reclusisse, eos omnes interemisse, qui ex stirpe erant Regia oriundi, & omnes l: bros, qui de Judaicorum Regum genealogia conscripti erant, conquiri, & comburi jussisse; ne videlicet: genti Herodianæ, utpotè quæ nec ex Davidis familia, nec ex Judaico Genere prodierat, aditus ad Regnum præcluderetur. Deindè quomodo potuit esse ex genere Judæorum, qui primores Judæorum idcirco conclusit, & Sori suæ Salomæ jussit, ut post suam mortem occiderentur. Ex his itaq; momentis, & publica Judæorum fama constat Herodem alienigenam Idumæum fuisse, sed illo Regnante Christus *Jesus* natus est, ( ut cuilibet constat, ) ergo dum sceptrum, seu potestas regia, aut Ducalis non solum à Judâ, sed à tota gente Judaica ablata est, & ad alienigenam transit, natus est *Jesus Christus**

*Christus Messias* prædictus à Jacobo. Scio quosdam esse Theologos, qui putant illud Jacobi oraculum. *Non auferetur sceptrum de Juda, & Dux de femore ejus, donec veniat Messias.* Non fuisse re aptè completum regnante Herode, sed eo duntaxat tempore, quo omnis Magistratus civilis, & Hierarchicus apud Judæos abolitus est, quod quidem contigit anno nati Christi 70. quando videlicet: capta per Titum Imperatorem Jerosolymâ, & solo æquatâ, Templum quoq; funditus dirutum est. Verùm & si ipse non inficias eam, Judæos non destitisse efficere populum distinctum a reliquis gentibus, eosq; leges, & mores suos servasse, donec à Tito vastati, per totum orbem dispersi sunt: Contendo attamen, sceptrum, seu Regiam, & supremam potestatem à tota Judaica gente fuisse sublatam tempore Herodis, qui alienigena Regnum Judææ Romanorum authoritate invasit, tunc enim Judæi Regem non jam Judæum, sed Idumæum Herodem habuerunt, completumq; est oraculum Jacobæum: *Non auferetur sceptrum de Juda, & Dux de femore ejus, donec veniat Messias*, quo oraculo prænuntiare voluit Jacob: Sublato semel a gente Judaica sceptro, & ad alienigenam translato, venturum Messiam.

Hoc argumentum Judæorum jugulum petit. Inficiari siquidem non possunt, Regiam potestatem, ex tota gente Judaica regnante Herode fuisse ad alienigenam translata, seq; omnes post Cladem Jerosolymitanam fuisse quo quo versum  
dissi-



diffipatos, alienis parere coactos legibus, nihil eorum prorsus habentes, quibus constat Regia, aut Ducalis potestas, puta; jus reos morte plectendi, belli denuntiandi, ac gerendi, monetam cudendi, leges ferendi: Imò inviti licet, nunc experiuntur se tanquā viliſſimos contemptui, & ludibrio haberi, sine Rege, sine Duce, sine sacrificio exules in summa rerum omnium penuria vivere. Igitur tempore Herodis, quando sceptrum, & regia, atq; suprema omnis potestas ablata est à Judaico genere, & transiit ad alienigenam, & dissipatio status Judaici cæpit, tunc juxta oraculum Jacobi nasci debuit *Messias*; sed quis ille *Messias* inter omnes, qui tunc nascebantur, & creverant, esse poterat? nisi *Jesus Christus*? inquem vidimus jam, & alia vaticinia adamussim concurrere, uti: quod juxta *Michæam* in Bethleem natus sit, quod juxta *Isaiam*, ex intacta Virgine prodiit, quod aurum ex Arabia juxta *Psalmistam* ei allatum sit, quod in ejus adventu pax universalis, juxta eundem *Isaiam* interris vigit; quod stella apparente juxta *Balaanum*, magis demonstratus fuerit, Deinde vidimus Josephum ipsum lib: 18. ant: de Jesu Christo testificari, eum plurima miracula patrasse, quibus se *Messiam* fore comprobavit, quocirca Joan: 2. dicitur: *Crediderunt in nomine ejus videntes signa ejus, quæ faciebat*: in quo nam alio tunc temporis similia completa, aut visa sunt? verum in progressu operis cætera omnia vaticinia in Jesum Christum collimare videbimus, adeoq;

cum

eum esse *Messiam* non oraculo tantum Jacobæo prædictum, sed omnibus Vaticiniis figuratum.

Obtrudunt Judæi excogitatum *R. Benjamin* in eorum solatium commentum, qui in itinera-rio suo, se dicit in urbe *Bagdad* in Asia vidisse multa millia Judæorum ab hominibus aliis, mul-tis solitudinibus separatos, ubi habent Regem suum de tribu Juda oriundum.

Sed quam falsum id sit, ex eo patet; quod Judæus ille nunquam eo pervenire potuit, quo & Missionarij nostri, & Angli, Hispani, aliæque gentes Europææ, tum navigatione cum peregrina-tione pervenerunt, & tamen nemo omnino hucusq; fuit, qui vel minimam notam de confi-cto illo Rege, Judæorumq; regno, & principe indicet. Imò & doctissimi, peritissimiq; Chro-nologi totum describentes orbem, omnesq; an-gulos enumerantes nihil horum memorant. Con-fixit igitur *R. Benjamin*, ut eluderet argumenta Christianorum. Deinde quomodo Benjamin as-serere valet Principem illum suum esse de tribu Juda? cum post expugnationem Hierosolymo-rum, & dispersionem huc, illuc, Judæorum per-mixtæ adeo sint Tribus, ac promiscuè confusæ familiæ, ut earum Origines, aut genealogiæ, ne levi quidem suspicione inter nosci possint. Sin-cerius rem fatentur principales Judæorum Doctores, nempe: *R. David Kimchi* magnæ in-ter illos autoritatis explicans, Caput 3. *Oseæ*, ubi dicitur: *Dies multos sedebunt filij Israel sine Re-ge, & sine Principe, & sine sacrificio, & sine al-*  
tari,

tari, & sine ephod, & sine Theraphim super hæc ait D. Kimchi. *Hi sunt dies exiliij, in quo hodie sumus nec Regem, nec Principem ex Israele habemus, sed in potestate gentilium sumus, & in potestate Regam ipsorum, & Principum ipsorum.* Alter doctissimus Judæorum Rabbiniſ Abrabaniel in expositione Capitis 33. *Itaia ait: præterea meminit Itaias, tertij generis malorum, - exiliij nempe, quod penes Israëlitas non sit Regnum, nec Dominium, nec sceptrum Judiciale.* Ecce quomodo sceptrum, & potestas suprema ablata est à Judæis, jam vento Messia; ut dixit in oraculo suo Jacobus. Ecce quomodo idem fatentur primores Judæorum minimè recurrentes ad confictum Beniamini Regnum Asiaticum.

### *Additamentum ad Caput 6tum.*

**S**ed placet Judæos convincere domesticis, quorum in prima parte mentionem fecimus, documentis. In Thalmude trac: Aboda, Za'a, legitur: *Seclatores Elia ita tradiderunt: Mundus subsistit ad sex annorum millia, duobus millibus fuit inanitas, duobus millibus Lex, duobus millibus dies Messia.* Duo millia inanitatis, & duo millia Legis, actu transierant, dum natus est *Jesus Christus*, nam, secundum omnes Chronologos anno 40. Imperij Augusti, id est: Anno mundi 4113. natus est *Jesus Christus*; ergo ipse fuit *Messias*, quoniam & alias notas veri *Messia* habet.

Dicunt

Dicunt Judæi propter peccata dilatum esse *Messiam*, & tempus adventus ejus.

Sed Dei decretum non est mutabile, si semel juxta Eliâ promisit *Messia* post 4000 annos, post illos finitos venire debuit. Peccata impedire ejus adventum non possunt, quia *Messias* propter delenda peccata principaliter missus est.

### *Testimonium Gentilium.*

**V**irgilius qui ante Christum vixit paucis annis, narrat suo tempore percerebuisse famam adventuri magni alicujus Regis, unde Sibyllarum carmina legens, in illis eum Regem prædici testatur, sed Sibyllarum Prophetiam ex adulatione applicat Filio Pollionis suo tempore nato. Sic habet Eccloga quarta. De Sibylla Cumæa.

Ultima Comæi venit jam carminis ætas

Magnus ab integro sæclorum vertitur ordo

Jam redit, & Virgo, redeunt saturnia sæcla

Jam nova progenies cælo demittitur alto.

Cum Virgilius Ethnicus ante Christianos vixerit, & testetur à Cumæa Sybilla prædictum esse descensurum è Cælo, & ex Virgine nasciturum Filium, utiq; Sybilla *Jesum Messiam* prædixit qui fuit è Cælo. Cicero quoq; Ethnicus ante Christum florens meminit carminum Sybillæ, & testatur famam fuisse adventurum esse magnum Regem, de *Divinatione lib. 2. cap. 54. Sybilla versus observamus, quos illa furens fudisse dicitur, quorum interpres falsa quædam nuper hominum*

nūm famā dicturus in senatu putabatur, eum quem regem reuera habebamus appellandum esse quōq; Regem, si salvi esse vellemus. Ergo licet Cicero nō lit admittere explicationem horum versuum. testatur tamen famam viguisse in Sybillinis versibus prædictum esse illis temporibus Regem magnū Salutarem adventurum. Svetonius Ethnicus in vita Augusti cap: 94. ait: ante paucos quam nasceretur mensēs Augustus, prodigium Romæ factum publice authōr est Julius Marathus, quo denuntiabatur Regem populo Romano naturam parturire: Senatum exterritum censuisse, nequis illo anno genitus educaretur.

Sed potissimum Judæos invaserat illa opinio, instare tempus, quo toti orbi dominarentur. Rem narrant scriptores Romani, Tacitus lib: 4. hist: cap: 13. Pluribus persuasio inerat Judæis, antiquis Sacerdotū libris contineri, eo ipso tempore fore, ut valesceret oriens, profectiq; Judæa, rerū potirentur. Hoc vaticinium in libris Hebræorum contentum sic etiam refert Svetonius in Vespasiano: percrebuerat oriente toto vetus, & constans opinio, esse in fatis, ut eo tempore Judæa profecti rerum patientur. Josephus lib: 6. de bello Jud: memorat, illud oraculum in sacris literis repertum apud Michæam, ex te exiet Dux futurus; ergo liceat concludere, pro demonstrato haberi posse Jesum eo tempore natum, quo omnia portendebant Regem Messiam nasciturum: sub Augusto enim Imperatore, dum fama illa prædicta percrebuerat, ut tunc nasceretur Rex ille, magnus futurus, natus

natus fuit *Jesus Christus*. Quam famam, & ex Sybillis, & ex Judæorum tum temporis suæ ex vaticiniis opinionis promulgatione didicerunt gentiles, & Romani: Sed malè suas scripturas intellexerunt Judæi, ex quibus Regem terrenum promulgarunt, cum ex iis Scripturis invictè ostenderimus in prima Parte *Messiam Regem Spiritualem* per legem suam toti Orbi dominaturum fore: & talis Rex fuit *Jesus Christus* tum temporis Natus.

## CAPUT SEPTIMUM.

*In quo ostenditur: Vaticinia illa, quæ Messiam Deum, seu Dei Filium fore promittunt, impleta esse in JESU Christo.*

**E**Videntèr ostendi num: 5. 6. 10. 11. 12. & 16. *Messiam DEUM*, & Dei Filium fore ex sequentibus textibus nempe ubi Psal: 2. Pater æternus *Messia* ait: *Filius meus es tu, ego hodie genui te.* Ubi vox *hodie* pro æternitate summitur, Psal: 109. *ex utero ante Luciferum genui te*, quo Psalmo *Jesus* ipse convicit Phariseos *Messiam* Filium Dei fore, *ut nemo potuerit ei respondere Verbum.* Math: 22. Similia produximus ex Psal: 88. ubi Deus de *Messia* ait: *ipse invocabit me Pater meus es tu; Primogenitum ponam illum excelsum, Aelion præ regibus terræ.* Isaïæ 63. *generationem ejus quis enarrabit.* Micheæ 5. *egressus ejus ab ini-*

tio à diebus æternitatis. Isaïæ 9. *Admirabilis, Deus fortis.*

Eundem *Messiam* Dei Filium de Cælo descensurum & humanam naturam assumpturum ostendimus num: 4. 6. 15. 17. & 23. his testimoniis. Psalm 71. *descendet sicut pluvia super terram.* Isaï: 7. *Ecce Virgo concipiet, & pariet Filium, & vocabitur Nomen ejus Emmanuel; seu Deus nobiscum.* Isaïæ 35. *Deus ipse veniet, & salvabit vos.* Job 19. *Et in carne mea videbo Deum. Salvatorem meum.* Baruchi 2. *Hic est Deus noster, post hac in terris visus est, & cum hominibus conversatus est.* Quos omnes textus ostendimus in 1. p. numeris citatis ab ipsis Judæis ad *Messiam* referri: igitur *Messias* debet esse Deus; Dei nempe *Filius* in humana natura appaens, & inter homines conversans. Uno jam eventu ostendimus *Jesum Christum Dei Filium* esse, eo quod ipse solus ex intacta Virgine natus sit; & idcirco ei conveniat vaticinium Isaïæ. *Ecce Virgo concipiet, & pariet Filium, & vocabitur Nomen Ejus Emmanuel;* quod Nomen significat: *Deus nobiscum*, igitur *Jesus* fuit *Deus*, nempe: Dei *Filius nobiscum* in carne assumpta.

Matthæi 3. A Deo Patre ecce vox de cælis dicens: *Hic est Filius meus dilectus, in quo mihi benè complacui.* Hoc *Jesu Christo* dictum nonne apprimè concordat cum his *Messia*, à Deo dictis, psalm 2. *Filius meus es tu, ego hodie genui te, & cum illis 2 Reg: & ipse erit mihi in Filium.*

*Matthæi 8. Jesu eunti in Regionem Gerasenorum*

rum ex obsessis Dæmonia urgente Deo testimonium dederunt, & clamaverunt dicentes: quid nobis, & tibi Jesu Filij Dei; venisti huc ante tempus torquere nos? Mathæi 14. Qui autem in navicula erant, venerunt, & adoraverunt eum dicentes: Verè Filius Dei es. Mathæi 7. Centurio., & qui cum eo erant, viso terra motu, & his, quæ fiebant timuerunt valde dicentes: Verè Filius Dei erat iste.

Ista publicè inter Judæos fiebant, & Evangelista Mathæus publicè inter Judæos ea testatur, & tamen nemò Judæorum, falsitatis Mathæum arguebat; igitur verum esse debet Jesum communiter habitum fuisse Filium Dei.

Mathæi 16. Respondens Simon Petrus dixit: Tu es Christus Filius Dei vivi, respondens autem Jesus dixit ei: quia non caro, & Sanguis revelavit tibi, sed Pater meus, qui in Cælis est. Confirmat Jesus Petri dicta nempe: se esse Filium Dei, & statim sicut alibi sæpè, Patrem suum nominat Deum, qui est in Cælis, ut correspondeat illis quæ Pater æternus Messia Psalm 88. dicit: ipse invocabit me Pater meus es tu, ego primogenitum ponam illum & his 2. Reg: ego ero ei in Patrem, & ipse erit mihi in Filium.

Agnoverunt Judæi optimè, quòd Jesus Christus se non adoptivum filium Dei diceret, sed Filium Dei naturalem unius & Æqualis naturæ cum Patre: nam Joan: 10. hæc habentur. Pater meus quod dedit mihi majus omnibus est, & nemo potest rapere de manu Patris mei, ego & Pater unum sumus, sustulerunt ergo Lapides Judæi ut Lapidarent eum



*eum tu homo cum sis, facis te ipsum Deum, ergo Judæi agnoverunt quod Iesus Christus se naturalem Dei Filium dixit, nempe: eo modo quo Psal: 109. Deus Messia dixit ex utero ante Luciferum genui te. Iesus autem hanc eorum opinionem non redarguit, sed confirmat quod verè Filius Dei naturalis sit, nam statim ita Judæos alloquitur: quem Pater Sanctificavit & misit in mundum, vos dicitis, quia blasphemas, quia dixi Filius Dei sum? Si non facio opera Patris mei, nolite credere mihi, si autem facio, & si mihi non vultis credere, credite operibus, ut cognoscatis, & credatis quia Pater in me est, & ego in Patre. Ecce quomodo Iesus Christus Confirmat se esse unum cum Patre nempe: Æqualis, & ejusdem naturæ cum Deo Patre, & hoc probat ex operibus miraculosis, quæ non humanæ, sed Divinæ Virtutis effectus sunt. Miracula itaq; stupenda, & magna fecit Iesus Christus, in Confirmationem suæ Divinitatis unius & ejusdem cum Patre, seu ad probandum se esse Filium naturalem Dei, unius naturæ Divinæ cum Patre, Si autem vera miracula fecit in comprobationem quod unum sit cum Patre, sequitur quod omninò, & infallibiter debuit esse unum cum Patre seu unius cum Patre naturæ Divinæ. Nam miracula vera nonnisi virtute Divina fieri possunt, si ergo vera miracula fecisset in confirmationem quod sit Deus, sicut Pater seu unum cum Patre, & ita revera non fuisset, tunc miracula à Deo, seu virtute Divina fuissent facta in testimonium falsitatis, quod*  
*/cum*

cum fieri nequeat, sequitur si *Iesus* vera miracula fecit in Confirmationem quod sit unum cum Patre, seu ejusdem naturæ cum Patre, debuit omnino esse unius Divinæ naturæ cum Patre, & Dei Filius naturalis, sicut de *Messia* promissum, & prædictum esse supra videbimus. Quod autem *Iesus Christus* vera miracula fecerit nunc probandum suscipimus, & quidem peculiari Capite.

## CAPUT OCTAVUM.

In quo ostenditur *Iesum Christum* implevisse *Vaticinium Isaie*, in quo *Messias* dicitur, patraturus magna, & plurima miracula, & quia *Iesus Christus* *Judeis* ait: ut ex operibus, seu miraculis ejus cognoscant eum esse unum, seu unius naturæ cum Deo Patre, sequitur miracula, que fecit in testimonium Divinitatis ejus facta esse.

IN prima parte num: 17. ostendimus de *Messia* dictum esse illud *Isaie* 35. Cap: Deus ipse veniet, & salvabit vos, tunc aperientur oculi cecorum, & aures surdorum patebunt; tunc saliet sicut *Cervus*, *Claudus*: & aperta erit lingua mutorum, quod *Vaticinium* in se impletum fuisse ostendit *Iesus Christus* *Mathai* 11. dicens discipulis *Joannis*. Eunte renunciate *Joanni*, qua audistis, & vidistis;

*distis ; Cæci vident, claudi ambulant, leprosi mundantur, Surdi audiunt, mortui resurgunt, pauperes evangelizantur.* In oculos ipsis dicit: quæ miracula ipsi vidistis à me facta, renunciate Joanni, quomodo tam præfractè dicere poterat, nisi palam omnibus fuisset eum multa, & potentia miracula fecisse. Hinc est quod Evangelistæ refferant quocunq; *Jesus* iter faceret, ægros debiles, & omni morborum genere laborantes uno verbo, unoq; momento reddidisse incolumes, adeo ut illi, qui omnibus membris capti erant, receptis actutum viribus, lectulos suos ipsi asportarent, in quibus fuerant paulò antè delati, claudis verò non modo gradiendi, sed etiam currendi dedisse facultatem, cæcorum à nativitate oculos in pristinum aspectum, mutorum linguas in eloquium solvisse, surdorum patefactis auribus insinuasse auditum, & hæc non clam facta, aut à longe, sed coram tota Jerosolyma, coram tota vicinia ejus nominatis Personis locis, & circumstantiis, ipsis aspectantibus Judæis in oculos obtruserunt Evangelistæ, uti & revocatos esse ad vitam Filium unicum viduæ in Civitate *Naim*, Filium *Fairi* Archisynagogi; *Lazarum*, jam à triduo in sepulchro fætentem, & à *Jesu* in *Bethania* à mortuis suscitatum, à plurimis testibus visum, cum quibus etiam manducavit & miscuit colloquia. Si hæc vera non fuissent, nullo negotio scire statim poterant Judæi Jerosolymis, & in Vicinia existentes, & confestim, ut erant in Christum ejusq; discipulos ira, & odio perciti,

Evan-

**Evangelistas** falsi redarguissent, eosq; tanquam infames, & publicos impostores totius nationis **Judaicæ** testimonio declarassent; quod tamen cum nunquam fecerint Judæi ad fabricandam contra Evangelistas, & Christum calumniam, alioquin promptissimi; eorum hac in re altum silentium argumento est, miracula illa verè à Christo facta fuisse, utpotè de quorum veritate ipfinet sibi conscij erant.

Sed & celeberrimus, ac ingenuus Judæorum historicus Jolephus, & ipse Judæus lib: 18. *Antiq: capit: 4.* fatetur *Jesum Christum* plurima miracula patrasse dicens: *Fuit hoc tempore Jesus vir Sapiens, si tamen virum eum dicere fas est, erat enim mirabilium operum effector*, hanc veritatem confessos esse insensibilimos licet Christiani nominis hostes vidimus capite imo, nempe: *Julianum Apostatam* & alios; igitur undequaq; certum est *Jesum Christum* plurima, & magna miracula patrasse.

Quòcirca cum Judæi ea inficiari non possent, magicis artibus à Christo Domino miracula facta calumniabantur, seu quod idem est: in Belzebub Principe Dæmoniorum patrata effutierunt.

Verum hæc Calumnia multis Argumentis convellitur. *Primo*, quia Christus Dæmones expellere non potuisset, nisi eos virtute Divina viciisset; nam legimus in Evangelistis, quod sæpè Christus Dæmones ex obsessorum corporibus invitos ejecerit; unde Mathæi 8. Dæmones clamaverunt

maverunt quid nobis, & tibi Jēsu Filij Dei? venisti huc ante tempus torquere nos? 2do nulla Christo, & Sathanæ tam in opere quam in effectu fuit convenientia, seu affinitas, sathanas quippè dispergere cupiebat, quos Christus colligiebat, in hoc apparuit Filius Dei ut dissolvat opera Diaboli, inquit Joannes Evang: cap: 3. 310. Christus sæpius coram innumera Judæorum turba mortuos ad vitam revocavit uti Lazarum jam fatentem, & tamen postea cum hominibus conversantem, & etiam Episcopum factum, in cujus resurrectione idcirco sine ullo dubio nullæ præstigiæ esse potuerunt, sed sola Dei virtus Omnipotens in ea reluxit. Deindè Jēsus mare non solum, sed cum discipulis calcavit, procellas sedavit; Aquam in Cana Galilææ præsentibus Convivis inspectantibus famulis in generosum Vinum convertit, & ex quinque panibus, quinque hominum millia in deserto satiavit.

Quæro igitur quid hic potuerit ars magica moliri, quæ nihil veri, ac solidi ostentare potest? potuit ne Christus quinque hominum Millibus, totiq; Judæorū turbæ persuadere, se vidisse quod non viderant, & se manducasse, quod non manducaverant? potuit ne Christus persuadere Architriclino, aliisq; Convivis in nuptiis factis in Cana Galilæa aquam fuisse conversam in vinum, si revera non fuisset conversa?

4to. Si Christus artium Magicarum, aut Dæmonis ope miracula edidit (ut effutiunt Judæi.) quorsum igitur Magiæ non est accusatus in Judicio?

**dicio? Cur** nefandi illius criminis non est **con-**  
**vinctus** à Scribis, & Pharisæis, qui nihil alio-  
**qui** intentatum reliquerunt ut Christum atro  
**Carbone** nocarent, ac **Calumniis** lacerarent.

igitur si hæc stupenda, & quam plurima miracula *Iesus Christus* non potuit facere ope Dæmonis, aut ope Magiæ igitur certum esse debet eum miracula illa fecisse virtute Divina, nam repentina sanatio cæcorum, claudorum, aridorum, ægrotantium, & postea in sanitate permanentium superat omnem virtutem Creatam, sicut & repentina suscitatio mortuorum, & eorum postea durans vita. Quocirca cæcus à nativitate, à *Christo Iesu* illuminatus Joan: cap: 9. exclamavit coram omnibus: à sæculo non est auditum, quia aperuit quis oculos cæci nati, nisi hic-esset à Deo non poterat facere quidquam, quod *Iesus* sola virtute Divina hæc faciebat miracula, patet etiam ex modo faciendi; Si quidem solo nutu, & imperio miracula operabatur præditus utpotè virtute Divina, quo circa *Lucæ* 6. dicitur: quia virtus de illo exibat & sanabat omnes.

Cum igitur *Iesus Christus* virtute Divina tam  
mira, & tam multa fecerit miracula, & dixerit  
*Judæis*, ut ex illis miraculosis operibus collige-  
rent, Eum esse *Filium Dei* ita, ut unum sit cum  
Patre, nempe unius æqualisque naturæ, & vir-  
tutis cum Deo Patre, manifestè patet Eum mira-  
cula virtute Divina, in testimonium suæ Divi-  
nitatis fecisse: ergo omnino debuit esse Deus;  
nempe: *Dei Filius naturalis*, quia alias Divina  
virtus,

**virtus**, & **Deus** concurrisset ad **testimonium** falsitatis, quod dici nequit. Quo circa palam Judæis dixit Joannis 10. Si non facio opera Patris mei, nolite credere mihi, si autem facio, & si mihi non vultis credere, operibus credite, ut cognoscatis, & credatis quia Pater in me est, & ego in Patre, quid clarius?

Igitur **Iesus Christus** implevit vaticinia Isaiaë, & aliorum Prophetarum, in quibus **Messias** prædicitur esse **Deus**, & **Dei Filius**, & patraturus plurima miracula.

Narrat Clarissimum Ordinis Prædicatorum lumen Raymundus Martini in *Pugione Fidei* cap: 8. Judæos commentum excogitasse, quod nempe: extiterit in Templo Hierosolymitano Lapis, cui olim Arca imponebatur, in eo lapide descriptum fuisse nomen Dei, cujus ea vis erat, ut quicumque illud didicisset, & memoriæ mandasset, par esset omnibus eliciendis prodigiis. Cum ergo pertimescerent Sapientes ne quis ea facultate abuteretur, canes æreos portæ apposuisse, qui hac arte erant fabricati, ut si quis memoriæ mandato Dei nomine è Sacrario egredi vellet, magnis eorum territus latratibus, Sacri nominis è vestigio oblivisceretur. Contigit autem (inquiunt,) ut Christus quadam die in templum ingressus Sacrum Dei nomen in Membrana conscripserit, servaverit, & postea perlegerit, ac dein miracula tanta ediderit.

Sed fabula illa præterquam quod ipsa sui narratione refutata maneat, quid enim illi canes latrati-



latratibus memoriae nocere poterant, aut à quo  
 tali modo fabricari? cur hujus nihil meminit  
 Josephus exactissimus rerum Judaicarum Scri-  
 ptor. Cur vestri Principes o fabularum exco-  
 gitatores Judæi! cur inquam Principes vestri, &  
 summi Sacerdotes, dum viderunt sub obsidio-  
 ne Romanorum se omnes in periculo mortis, &  
 ultimæ miseriæ versantes non accesserunt ad  
 eum Lapidem, & simili quo Christus modo, vel  
 etiam destructis canibus nomen Dei memoriae  
 mandarunt, quo miranda opera patrarent abi-  
 gendo hostes, & se ab imminente excidio libe-  
 rarent, atque in vita se, & totam gentem con-  
 servarent. Apage igitur cum fabula obstina-  
 tissimum Judæorum genus. Et quoniam perfidi  
 Judæi tam manifestis miraculis Jesu Christi fi-  
 dem adhibere noluerunt, suæ reprobationis nul-  
 lam omnino excusationem habituri sunt, prout  
 Christus ait: Joannis Cap: 15. *Si opera non fecis-  
 sem in eis, quæ nemo alius fecit, peccatum non ha-  
 berent.* Vel illud Judæis magni instar miraculi  
 esse deberet, quod ad prædicationem Discipu-  
 lorum Jesu, qui piscatores, indocti, viles, omni-  
 bus exosi erant, tot præclaræ gentes tot Doctæ,  
 tot eruditæ nationes, audientes nonnisi de mi-  
 raculis Christi omnes in ejus abierunt fidem, &  
 doctrinam, Judæi verò videntes miracula, eis-  
 quæ credere nolentes, à Deo deserti, variis Ca-  
 lamitatibus oppressi finem miseriæ suarum  
 non conspiciant.

CAPUT



CAPUT NONUM.

*In quo ostenditur : Vaticinia omnia, quæ Messiam declarant Magnum Regem, toti Orbi dominaturum, impleta esse in Jesu Christo.*

Quoniam in præcedenti Capite evidentè demonstravimus Jesum Christum, Deum verum, nempe: Dei Filium ejusdem cum Patre naturæ esse, Dominum Cæli, & terræ; perspicuè statim intelligimus Jesum Christum cum Messiam esse, qui dicitur in Prophetis Magnus Rex futurus toti Orbi dominaturus, hinc ad Jesum Christum, utpotè Filium Dei naturalem Dominum Cæli, & terræ spectant omnes, illæ Prophetiæ. Psal: 2. *Filius meus es tu, dabo tibi gentes hereditatem tuam, & possessionem tuam terminos terræ.* Psal: 71. *Dominabitur à mari usquè ad mare, & à flumine usquè ad terminos Orbis terrarum. Adorabunt eum omnes reges terra, omnes gentes servient ei.* Et his similia: quibus apprimè concordat illud Matthæi 28. *Et accedens Jesus locutus est eis dicens: Data est mihi omnis potestas in Cælo, & in terra. Et illud ad Colloss: 2. & estis in illo repleti, qui est Caput omnis principatus, & potestatis.* Ecce sicut antiquum Testamentum Messiam prædicit summum omnium Regem futurum, ita Evangelium prædicat Jesum Christum omnium potestatum Caput, & Principem esse, utpote in quo illæ antiquæ Prophetiæ completæ sunt, qui proinde  
verus

verus *Messias* est. Vidimus in 1. Parte num: 12. Regnum *Messia* sempiternum fore. *Stabiliam thronum regni ejus in sempiternum.* 2 Regum. *Thronus ejus sicut luna perfecta in æternum.* Plal:88. *Super regnum ejus sedebit, ut confirmet illud in sempiternum.* Isaiaë 9. *Et regnum ejus non corrumpetur.* Danielis 7. Ubi annotavimus nullum terrenum regnum posse durare in æternum, sed corrumpi debere cum intereunte mundo: quocirca regnum *Messia* debere esse ejus Ecclesiam, quæ cum ipso in æternum in Cælis perennatura est. *Christus Jesus Caput Ecclesiæ dicitur, & Rex cum illa regno suo, nempe: Ecclesia sua in æternum regnaturus.* Ad Colloss: 1. *Et ipse est Caput corporis Ecclesiæ, qui est principium, ut sit in omnibus ipse Primatum tenens.* Lucæ 1. capite. *Hic erit magnus, nempe: Jesus & Filius altissimi vocabitur, & dabit illi Dominus Deus Sedem David Patris ejus, & regnabit in domo Jacob in æternum, & regni ejus non erit finis.* Ecclesiæ suæ Christus dicit Lucæ 22. *& ego dispono vobis sicut disposuit mihi Pater meus regnum, ut edatis, & bibatis super mensam meam in regno meo.* Regnum autem hoc, sempiternum in Cælis futurum indicat; dum Joannis 18. ait: *Regnum meum non est de hoc mundo.* Ergo Spirituale, & sempiternum, nempe: *Ecclesia* cum ipso, in cælis perennatura. Ergo *Jesus Christus* Dei Filius tale regnum habet quale appromissum *Messia* vidimus num: 12. in 1. Parte, igitur *Jesus Messias* est.

Quod autem *Jesus Christus* habeat regnum  
per

per totum orbem, nempe: *Ecclesiam* in omnibus gentibus toto terrarum orbe diffusam, consulant Judæi omnium nationum historicos, in quibus reperient Evangelicam *Jesu Christi* legem, & Doctrinam, non tantum totam Europam occupasse in Africam, & Asiam per Apostolos, & Missionarios penetrasse, ibique plurimas Provincias, Diæceses, & Parochias legi *Jesu Christi* subiectas esse, verum etiam Lumen Evangelij per totam jam Americam resplenduisse; & integra Regna ibidem Fide Christiana insignita esse, ut dubium amplius esse non possit illa de *Messia* dicta Vaticinia in *Christo* completa esse. Dedi te in lucem gentium, ut sis salus mea usque ad extremum terræ. *Isaiæ* 49. Dedi Te in sædus populi, in Lucem gentium, legem ejus insula expectabunt. 42. *Isaiæ*. Dedi Te in sædus populi, ut suscitares terram, & possideres hæreditates dissipatas, ecce isti de longe venient, & ecce illi ab Aquilone, & mari, & isti de terra Austriali. Omnes isti congregati sunt venerunt tibi. Omnes in unam *Jesu Christi* veri *Messiae* legem concesserunt. Misit *Jesus Christus* Apostolos suos in Lydiam, Græciam, Africam, & totum terrarum Orbem, ut Legem ejus, & Gloriam Dei annuntiarent. *Mathæi* ultimo. Eunte in mundum universum prædicate Evangelium omni Creatura. Eunte ergo docete omnes gentes baptizantes eos. In Nomine Patris, & Filij, & Spiritus Sancti. Nonne ad amissim cohererent cum iis de *Messia* dictis *Isaiæ* 66: & mittam ex eis qui salvati fuerint ad gentes in mare,

*re, in Affricam, & Lydiam tendentes sagittam in Italiam, & Graciam, ad Insulas longè ad eos, qui non audierunt de me, & annuntiabunt gloriam meam gentibus.*

Hoc est illud prædictum à Prophetis, *Messia* regnū, ad terminos terræ diffusum, nempe: *Jesu Christi Ecclesia* ex omnibus totius mundi gentibus sub una ejus lege collecta. Tale enim regnum, & talis unice Ecclesia poterit æternum durare, nempe: cum ex illis omnibus plurimi legem Christi servantes, & adimplentes salvi fient, illi constituent perpetuum *Christi* in Cælis regnum, & ipse *Christus* ex semine David oriundus *Servus meus David Rex* super eos, & pastor unus erit omnium eorum, & *Servus meus David Princeps eorum in perpetuum* (ut ait Ezechiel Propheta cap: 37.) In novo autem Testamento sic illud perpetuum in electis, & Ecclesia sua *Jesu Christi* regnum describitur Mathæi 25. Cum autem venerit Filius hominis in Majestate sua, & omnes Angeli cum eo; tunc dicet Rex his, qui à dextris ejus erunt: *Venite benedicti Patris mei possidete paratum vobis regnum à Constitutione mundi.* Ecce habetis Regem *Messiam*, & regnum ejus, nempe Ecclesiam electorum ejus in perpetuum cum ipso perennaturam, prout Regnum *Messia* à Prophetis perpetuum fore prædictum fuit, hinc est quod apertissime Ecclesiam Joannes in Apocalypsi Cap: 4. vocat Christi Regnum perpetuum, dicens: *Dignus es, Domine accipere Librum, & aperire signacula ejus, quoniam occisus es, & redemisti*

demisti nos Deo in sanguine tuo ex omni tribu, & lingua, & populo, & natione, & fecisti nos Deo nostro Regnum, ecce quomodo Ecclesia ex omnibus nationibus sub una lege Jesu Christi congregata, Sanguine ejus redempta, ejus Regnum perpetuum sit.

Ex hucusque dictis etiam alius in Christo Jesu adimpletus esse cognoscitur Messia Character, nempe: quod in ipso benedicentur omnes gentes. Gen: 22. Utpotè vocatæ in ejus legem, & regnum, quod sit expectatio gentium. Genes: 29. Et desideratus cunctis gentibus. Micheæ 5. Et Sexcentenis aliis in locis ubi Messias dicitur vocaturus ad se gentes. Apud Isaiam illuminaturus gentes doctrinâ dedit te in lucem gentium sicquæ cas in viam salutis ducens verè earum benedictio, & expectatio fuit Jesus Christus.

Impletur etiam in Christo alia de Messia Prophetia apud Isaiam cap: 2. ubi Messias bellator dicitur ( ut vidimus Num: 14. in ima Parte; ) bellator inquam spiritualibus armis idololatriam, & impios idololatrias auferens. Idola penitus auferentur, cum surrexerit percutere terram, quomodo autem percutiet terram, idem Isaias cap: 11. explicat: percutiet terram virgâ oris sui & spiritu labiorum suorum interficiet impium, & erit justitia cingulum lumborum ejus, & fides cinctorium renum ejus, ex his spiritualibus armis justitia, & fide pronum est colligere Messiam impios Idololatrias, & Idololatriam interfectorum, seu sublaturum esse spiritu oris sui, prædicando justitiam

sticiam veram, & fidem, ac cultum verum unius Dei. Hoc autem ad amissum *Iesus Christus* præstitit, qui perpetuum bellum idololatriæ indixit, atq; per suam Sanctam Legem, & doctrinam totum mundum ad unius veri Dei cultum adducens sustulit omnino omnem de terra idololatriam. Quoniam huius testis est totus mundus, unum testimonium adducam Gentilis Scriptoris Porphyrij in libr: adversus Christ: Rellig: apud Euseb: lib: 5. de præpar: Evang: cap: 1. ubi Porphyrius Gentilis confitetur: ex quo *Iesus* coli captus est, neminem sensisse publicam Deorum opem. Imperator Constantinus Augustus ad Magdalianum Cod: Theod: lib: 16. tit: 10. ait: Cesset superstitio sacrificiorum, sacrificiorum aboleatur insania: nam quicumque contra legem Divi Principis parentis nostri, & hanc nostræ mansuetudinis iussionem ausus fuerit sacrificare, competens in eum vindicta, & præsens sententia exeratur: Ecce quomodo sublata est per Imperatores idololatria prædicato Evangelio Christi.

Cum sermonem habeamus de congregatis per legem Christi, in unam Ecclesiam cunctis gentibus, opportunum videtur statim hic de nova lege *Iesu Christi* agere: quo circa sit.

## CAPUT DECIMUM.

*Pluribus Prophetarum vaticiniis prædictam à Messia instituendam novam*

I

Legem

*Legem abrogatâ Mosaicâ , ostenditur  
Jesus Christus instituisse.*

**S**At peripicuè ostendimus Num: 13. 18. 20. 21. 24. & 35. in una Parte , à *Messia* abrogandam esse veterem Legem Mosaicam , & novam instituendam juxta hæc Prophetarum oracula *Isaïæ 2. de Sion exhibit lex, & Verbum Domini de Jerusalem, & judicabit gentes , & arguet populos multos. Lex quæ exhibit de Sion, non est illa quæ exivit de Sinai , nempe Mosaica , & Lex quâ arguentur & judicabuntur gentes, non est Mosaica, quâ soli Judæi judicabantur ; igitur tempore Messia nova , & alia Lex, quam erat Mosaicâ instituetur: ad eam in Jerusalem ait Isaïas eodem loci fluent omnes gentes. Idem confirmat Jeremias cap: 3. Dabo vobis Pastores juxta cor meum, & pascunt vos scientiâ, & doctrinâ non dicent ultra Arca testamenti Domini , nequè ascendet super cor, nequè recordabuntur illius, nec visitabitur, nec fiet ultra, in tempore illo vocabitur Jerusalem solium Domini; & congregabuntur ad eam omnes gentes. Iterum dicuntur in Jerusalem adducendæ omnes gentes pascendæ, Doctrinâ juxta cor Domini, sed non doctrinâ antiquæ legis, quia non dicent ultra Arca testamenti Domini, nec recordabuntur illius. Si Arca testamenti non memorabitur, ergo nequè Testamentum ipsum, ergo illa doctrina non erit Testamenti antiqui; Quocirca Jeremias clariùs se explicat cap: 31. Sic inducens Deum loquentem. Feriam domui Israël,*

✠

Et domui Jacob fædus novum, non secundum pactum, quod pepigi cum Patribus eorum in die illa, qua apprehendi manum eorum, ut educerem eos de terra Ægypti, sed hoc erit pactum quod feriam cum domo Israël post dies illos dicit Dominus: dabo legem meam in visceribus eorum, Et in corde eorum scribam illam. Ecce tempore Messie novum fædus, novam legem dandam, non illam, quæ data fuit in egressu ex Ægypto, nempe: Moisaica, sed alia omnino Lex gratiæ in cordibus scripta; Pro majori horum notitia remitto Lectorem ad Loca citata, & numeros annotatos in prima Parte, ubi etiam demonstravimus per nomina Israël, Jacob Novum Israël, nempe: fideles Christi denotari, per nomen Jerusalem verò Ecclesiam Christi, nempe dum dicuntur gentes adducendæ esse ad Jerusalem, intelligendum esse gentes adducendas esse ad Legem, quæ exivit tempore Christi de Sion, & de Jerusalem, & ad Ecclesiam Christi, quæ in Jerusalem ortum habuit, & Namine Jerusalem sæpè etiam significatur. Quando verò Israëlitiæ dicuntur in terram Israël reducendi fructibus & frugibus opimis alendi: cum de Israël, & Judæis, per Prophetas Isaiam, Jeremiam, & Amosum, & Oseam Deus constituerit, eos conterere, ut nunquam in perpetuum restaurentur; & de Civitate Hierusalem, ut in sempiternum non ædificetur in prima Parte Num: 21. & 24. hinc est, quod dum dicitur Israël reducendus esse in antiquam terram Israël, vel in Hierusalem, id debeat intelligi de spirituali



terra Israël & spirituali Hierusalem, nempe: de  
*Ecclesia Christi* & de spiritualibus fructibus bonorum operum; maximè cum ipsimet Judæi dicant per *Messiam* se reducendos fore; *Messias* etenim non solum his omnibus momentis in hac secunda parte. invictè ostenditur venisse, & fuisse *Jesus Christus*, sed insuper *Messiam* advenisse stante Templo Zorobabelico evidentissimè Judæis ostendimus in ima Parte num: 33. quomodo igitur possibile est, ut rationabiliter dicant se in Hierusalem, & terram suam reducendos esse à *Messia*: Præterea ostendimus ipsosmet Judæos fateri in Thalmude Tract: Aboda Zara. *Se-ctatores Eliæ tradidisse: mundus subsistit ad sex annorum millia, duobus millibus fuit inanitas, duobus millibus lex, duobus millibus dies Messia, ergo Messias venit, quia duo millia inanitatis, & duo millia annorum Legis nempe 4. millia annorum diu transierunt, imò eo ipso tempore, quo venit Jesus Christus; nam Jesus Christus secundum omnes Chronologos Anno 4113. natus est, ergo ipse fuit verus Messias. Juxta Sectatores Eliæ lex Mosæica duobus millibus tantum durare debuit, post illos Messias statim venire debebat. Igitur novam Legem Messias instituere debebat post abrogatam antiquam. Jesus Christus verus Messias adveniens post duo millia annorum inanitatis, & post duo alia millia annorum Legis Mosæicæ, nempe Anno 4113. natus, implevit officium Messia, & instituit novam Legem, quam Deus per Jeremiam appromisit. Quis enim post illos*

illos bis mille inanitatis, & alios bis mille Annos  
 legis Moïſacæ venit alius? & legē aliquā celebrem  
 ab omnibus acceptatam instituit? niſi Jeſus Chri-  
 ſtus tūc temporis natus? hīc eſt: quod Apo-  
 ſtolus Paulus in Epiſt. ad hebræos Cap: 8. No-  
 vā Legem, ſeu novum Testamentum à Chriſto  
 institutum à Jeremia prædictum eſſerit ipſa Jere-  
 miæ verba referens, nunc autem melius ſortitus eſt  
 miniſterium Chriſtus, quanto & melioris Testa-  
 menti mediator eſt, quod in melioribus repromiſſio-  
 nibus Sancitum eſt. Nam ſi illud prius culpa vacaf-  
 ſet, non utiquē ſecundi Locus inquireretur: vitupe-  
 rans enim eos dicit: Ecce dies veniunt dicit Dominus,  
 & conſumabo ſuper domum Iſrāel, & ſuper domum  
 Juda Testamentum novum, non ſecundum Testamen-  
 tum, quod feci Patribus eorum, ut educerem illos, de  
 terra Ægypti, quoniam ipſi non permanserunt in  
 Testamento meo, quia hoc eſt Testamentum, quod  
 diſponam domui Iſrāel dando leges meas, in mentem  
 eorum, & in corde eorum ſuperſcribam eas, dicen-  
 do autem novum, veteravit prius. Chriſtus ipſe  
 novum testamentum ſe instituere indicavit his  
 verbis Mathæi 26. hic eſt enim ſanguis meus novi  
 Testamenti & Joan: 13. Mandatum novum do vo-  
 bis, quia verò Jeremias novum fædus dixerat  
 ſcribendum in cordibus; Apoſtolus pariter Chri-  
 ſti Testamentum non litera exaratum, ſed ſpi-  
 ritu aſſerit: nunc autem ſoluti ſumus à lege mortis,  
 in qua detinebamur, ita, ut ſerviamus in Novitate  
 Spiritus, & non in vetuſtate litteræ; igitur testa-  
 mentum novum non in tabulis, & litera, ſed  
 in

in spiritu, & cordibus exaratum est, sicut voluit Jeremias. Ad Corinthios 3. idem repetit Paulus: Qui & idoneos nos fecit *Ministros novi Testamenti*, non Littera, sed Spiritu, littera enim occidit, spiritus autem vivificat.

Plane, & clarè legem novam à Deo in cordibus scriptam asserit sicut Deus apud Hieremiam de ipsa nova Lege prædixit: in corde eorum scribam illam, sic enim Paulus ad Cor: 3. Epistola seu Lex estis Christi manifestata à nobis, & scripta non atramento, sed spiritu Dei vivi; & ad Corinth: 2. Qui autem confirmat nos vobiscum in Christo, & qui unxit nos, Deus, qui & signavit nos, & dedit pignus Spiritus in Cordibus nostris.

Hinc differentiam inter legem Mosaicam & legem novam Christi assignat post Paulum Augustinus lib: contra Adimantum cap: 17. Hæc est brevissima, & apertissima differentia duorum Testamentorum timor, & Amor, illud ad hominem veterem, hoc ad novum hominem pertinet. Lex enim vetus, ut docent Theologi cum Sancto Thoma Doctore Angelico, præcipiebat tantum, & transgressores puniebat, ex se autem, & vi sua non dabat gratiam, ut impleretur ex Amore, Lex autem nova Christi ex se confert gratiam, & Spiritum Sanctum, qui est principium Amoris, ut ex Amore tanquam Filij adoptionis legem novam impleamus, non enim accepistis Spiritum servitutis iterum in timore, sicut in Antiqua Lege inquit Apostolus ad Rom: 8. sed in nova Lege, Accepistis Spiritum adoptionis Filiorum.

*in quo clamamus Abba Pater.* Novam itaque Legem gratiæ, & spiritus, quam juxta Hieremiam Deus in Cordibus per inhabitantem Spiritum S. scribere promisit, *Jesus Christus* post bis mille annos inanitatis, & post alios bis mille Legis Mosaicæ veniens instituit, in ea Civitate publicè eam promulgavit, ex qua secundum Isaiam promulgari, & exire debeat, nempe in Jerusalem, quia de Sion exhibit Lex, & Verbum Domini de Jerusalem. Isaiæ 2. Omnibus gentibus & populis hanc novam Legem prædicari jussit: *euntes docete omnes gentes.* Mathæi ultimo: quia Isaias cap: 2. dixit: *& fluent ad eam omnes gentes,* & Jeremias cap: 3. dixit ad doctrinam, seu legem dandam in Jerusalem congregabuntur omnes gentes, quæ ad Legem antiquam nunquam pertinebant nec eam acceptabant. Igitur clarissimè patet *Jesum Christum* eam novam Legem instituisse, quæ per Messiam secundum Prophetas instituenda erat; ergo *Jesus Christus* verus est *Messias.*

## CAPUT IIUM.

*In quo ostenditur Sacerdotium, Sacrificia & Cereemonias Veteris Legis, quæ à novo Sacerdote Messia auferri debebant, sublata esse à Jesu Christo, & novum institutum ab eo Sacerdotium, & Sacrificium.*

In

**I**N 1. Parte num: 35. Sat clarè ostendimus *Mef-*  
*siam* Sacrificia, cæremonias, & Sacerdotium  
 Veteris Legis abrogaturum, novumquè Sacrifi-  
 cium, & Sacerdotium instituturum fore. Ex  
*Malachia cap: 1mo*, ubi Deus Judæis ait: *non est*  
*mibi voluntas in vobis, & munus non suscipiam de*  
*manu vestra, ab ortu enim solis, usquè ad occasum*  
*magnum est nomen meum in gentibus, in omni loco*  
*Sacrificatur, & offertur nomini meo oblatio munda.*  
 Sacrificia Veteris legis de Judæorum manibus  
 recusat Deus amplius acceptare, illa Sacrificia  
 non poterant secundum legem antiquam alibi  
 offerri, nisi in solo Jerosolymitano templo; ut  
 igitur Deus significaret quod antiquæ Legis Sa-  
 crificia abrogare velit, quæ in sola Jerosolymō-  
 rum urbe offerri debebant, dicit aliud se elige-  
 re mundum Sacrificium *mundamquè oblationem*  
 quæ non jam in templo Jerosolymitano, sed  
*in omni Loco* in toto terrarum Orbe offeretur.  
 Hinc & apud Isaïam repudiat Deus non solum  
 Sācrificia Veteris Legis, verum etiam & Cære-  
 monias, & omnes Solemnitates cap: 1. *ne offe-*  
*ratis ultra Sācrificium frustra, incensum abominatio*  
*est mibi, Neōmeniam, & Sabbatum, & festivitates*  
*alias non feram.* Si Deus amplius nec Sacrificia,  
 nec Solemnitates, & Cæremonias Judæorum fe-  
 ret; ergo & Sacerdotium antiquæ Legis cassabit,  
 quia vacuum, & prorsus inutile est Sacerdoti-  
 um sine Sacrificio, Cæremoniis, & Solemnitati-  
 bus: imò ipsa Lex vetus inanis, & vacua est si-  
 ne ipsis, utpote: quæ maxima sui parte in Sa-  
 crificiis,

erificiis, Cæremoniis, & Solemnitatibus constabat. Hinc est quod *Deus Messia* Filio suo dixit *Psalm 109. Tu es Sacerdos in æternum secundum ordinem Melchisedech*. Non jam secundum Ordinem Leviticum, & Aaronicum, sed secundum alium ordinem, nempe: *Melchisedech* qui *Gen. 14.* panem, & vinum offerre solebat; ecce igitur *Messiam* non solum novam Legem instituturum abrogatâ vetere, sed etiam antiquum *Aaronicum* simul cum Lege Sacerdotium cassaturum, & novum secundum ordinem *Melchisedech* Sacerdotium introducturum esse. Id totum complevit *Iesus Christus* ut ait: Apostolus ad *hebr. 5.* Sic *Christus* non semetipsum clarificavit, ut Pontifex fieret; sed qui Locutus est ad eum: *Filius meus es tu, ego hodie genui te, quemadmodum* & in alio Loco dicit: *Tu es Sacerdos in æternum, secundum Ordinem Melchisedech*, appellatus à Deo Pontifex juxta Ordinem *Melchisedech*. Quale autem *Iesus Christus* Sacrificium Deo obtulerit? Explicat Apostolus ad *hebr. 7.* Talis enim decebat, ut esse nobis Pontifex Sanctus, innocens, impollutus, segregatus à peccatoribus, & excelssior Cælis factus, qui non habet necessitatem quotidie, quemadmodum Sacerdotes prius pro suis delictis hostias offerre, deinde pro populi hoc enim fecit semel se ipsum, offerendo. Igitur Sacerdos *Iesus Christus* seipsum Deo Patri obtulit Sacrificium pro toto mundo, dum in Cruce pro nobis omnibus mortuus est. Ante Cruentum autem hoc Corporis, & Sangyinis sui Sacrificium *Christus Iesus* incrementum

entum illud idem instituit in ultima Cæna sub speciebus panis, & vini, ut adimpleret Verba psal-  
mi 109. *Tu es Sacerdos in æternum secundum ordi-  
nem Melchisedech*, qui panem, & vinum Deo  
offerre consueverat. Sub speciebus igitur pa-  
nis, & vini instituit *Christus Jesus* Sacrificium  
Corporis, & Sanguinis sui Mathæi 26. *Canan-  
tibus autem eis accepit Jesus panem, benedixit ac-  
fregit, deditque discipulis suis, & ait: accipite, &  
comedite hoc est corpus meum: & accipiens Cali-  
cem gratias egit, & dedit illis dicens: bibite ex  
hoc omnes: hic est enim Sanguis meus novi Testa-  
menti, qui pro multis effundetur in remissionem pec-  
catorum.* Ecce Sacerdos *Messias* secundum Or-  
dinem Melchisedech offerens sub specie panis, &  
vini Corpus, & Sanguinem suum Sacrificium  
Deo Patri in remissionem peccatorum totius  
mundi. Hoc idem Sacrificium sub speciebus  
panis, & vini iussit Apostolos quotidie, & ubi-  
quæ offerre in sui commemorationem dicens: *hoc  
facite in meam commemorationem.*

Hæc est igitur illa oblatio munda quæ Deus Ma-  
lachia: imo, dixit: sibi offerri *in omni Loco*; Per  
universum enim terrarum orbem quotidie *Jesus  
Christus* sub speciebus panis, & vini in Missæ  
Sacrificio à Sacerdotibus mundissima oblatio Deo  
consecratur. Igitur *Jesus Christus* est verus Sa-  
cerdos *Messias* secundum Ordinem Melchisedech,  
prædictus à Prophetis, antiqua Sacrificia, &  
Sacerdotium abrogaturus, novamquæ mundam  
oblationem introducturus. De novo Sacrificio  
loquen-

loquentes , congruè statim sermonem instituemus *de Messia* occidendo, & offerendo Deo Patri in Sacrificium pro peccatis totius mundi sit itaque.

## CAPUT 12mum.

*In quo ostenditur, omnia Vaticinia de paupertate venditione, despectu, vulneratione, & morte Messie impleta esse in Jesu Christo.*

**I**N I. Parte Num: 19. & 34. clarè, & invictè contra versipelles Judæos ostendimus non duos Messias futuros, unum divitem, & Magnificum, alterum pauperem, & affligendum. Sed unum, & eundem *Messiam* secundum suam Divinitatem, & comparatam sibi per totum terrarum orbem Ecclesiam, Magnificum Regem esse; Secundum quod verò in humana natura apparuit, pauperem, affligendum, despectum, & occidendum fore. Ostendimus etiam Num: 8. 19. & 34. *ad Messiam* pertinere omnia Vaticinia quæ hic refferremus ex antiquo testamento. Quò circa nonnisi ea conferemus cum iis, quæ de *Jesu Christo* in Evangelio narrantur. Undè cognoscemus ad amissim completa esse in *Christo Jesu* quæ de *Messia* passione, & morte per Prophetas prædicta sunt. Adeoque *Jesum Christum* esse verum *Messiam* Oraculis Prophetarum prædictum.

imo. In I. Parte Num: 8. & 34. De *Messia* dicitur



dicitur Psalm: 68. Ego sum pauper & dolens.  
Psalm: 69. Ego autem mendicus sum, & pauper: A-  
pud Zachariam cap: 9. Filia Ierusalem ecce Rex  
tuus veniet tibi iustus, & Saluator ipse pauper.

Idem in Iesu Christo contigisse testatur Apost:  
Paulus in Epist: ad Cor: 8. Scitis enim gratiam  
Domini nostri Iesu Christi quoniam propter vos egen-  
us factus est cum esset dives, ut illius inopia vos  
divites essetis.

2do. In 1. Par: Num: 34. Zachariae eodem 9.  
Capite Messias dicitur: more pauperum in Jeru-  
salem venturus super asinam, seu pullum asinae  
sedens: Filia Ierusalem, ecce Rex tuus veniet tibi  
iustus, & Saluator ipse pauper, & ascendens super  
Asinam, & super pullum filium Asinae.

Id implevit Iesus Christus Math: 21. Euntes  
autem discipuli fecerunt, sicut praecepit illis Iesus, &  
adduxerunt Asinam, & pullum & eum desuper se-  
dere fecerunt & cum intrasset Ierosolymam commo-  
ta est universa Civitas dicens: quis est hic? populi  
autem dicebant: Hic est Iesus Propheta à Nazareth  
Gallileae.

3tio. In 1. Par: Num: 34. Zachariae II. Capite  
de Messia dicitur: & appenderunt mercedem meam  
triginta argenteos, & dixit Dominus ad me: projice  
illud ad statuarium decorum pretium, quo appretia-  
tus sum ab eis, & tuli triginta argenteos, & pro-  
jeci illos in domum Domini.

Nunc videamus si non ad amissum in Iesu  
Christo hoc Vaticinium impletum sit. Math: 22.  
Tunc videns Iudas qui eum tradidit, nempe trigin-

ta argenteis vendidit, quod damnatus esset, pœnitentia ductus retulit triginta argenteos Principibus Sacerdotum, & Senioribus dicens: peccavi tradens Sanguinem iustum. At illi dixerunt, quid ad nos, tu videris, & projectis argenteis in templo, recessit. Ecce Vaticinium de vendito triginta argenteis Messia, & de iis proiectis in Templum, ad amulsum completum in venditione Jesu Christi.

4to In Persona Messiaë dicitur 1. Parte Num: 5. & 8. Psalm 2. Principes convenerunt in unum adversus Dominum, & adversus Christus ejus, & Psalm 21. Circumdederunt me canes multi, Consilium Malignantium obsedit me, ecce in Jesu Christo Completum Math: 26. Principes autem Sacerdotum, & omne Consilium querebant falsum testimonium contra Jesum, ut eum morti traderent.

5to. Ilaïas in Ima Parte Num: 19. Cap: 53. de Messia ait: non est species ei nequè decor, & desideravimus eum despectum, & novissimum virorum. Nonne hæc Christo contigerunt Luc: 23. Sprevit seu despexit illum Herodes cum exercitu suo, & illudit indutum veste alba, & Math: 27. & expuerunt in eum, acceperunt arundinem, & percutiebant caput ejus, & postquam illuserunt eum, exuerunt eum chlamide: nonne sic Jesus despectus, & novissimus virorum factus est? Idem Ilaïas qui Messiam despectum novissimumquè virorum cap: 53. dixit, cap: 50. Sic habet in Persona Messiaë: Corpus meum dedi percutientibus, & genas meas vellentibus faciem meam non averti ab increpantibus, & conspuentibus in me. Unde verò Ilaïas  
ad-

addidit cap: 53. Non est species ei neque decôr hâc omnia in uno Jesu Christo apprime Completa sunt. Math: 26. Tunc expuerunt in faciem ejus, & colâphis eum ceciderunt, alij autem palmas in faciem ejus dederunt. Quomodo poterat in hac facie esse species vel decôr?

6to. Ilaia 1. Parte Num: 19. cap: 53. de Messia ait: Vulneratus est propter iniquitates nostras, attritus est propter scelera nostra: & Psalm 68. Super dolorem vulnerum meorum addiderunt: nonne hâc in Jesu Christo effectum sortita sunt dum Joannis 19. Apprehendit Pilatus Jesum, & flagellavit, & milites plectentes coronam de spinis imposuerunt capiti ejus, quæ major vulneratio, quis major dolor esse poterat?

7mo. Ostendimus in Ima Parte Num: 8. & 34. de Messia dicta esse illa Psalmi 21. Foderunt manus meas, & pedes meos, & illa Zachariæ 12. cap: Et aspicient ad me, quem confixerunt sicut & cap: 3tio, & dicetur ei, quid sunt plaga istæ in medio manuum tuarum? & dicet: his plagatus sum in domo eorum qui diligebant me.

Quæ exactè in Jesu Christo completa esse cognoscimus ex illo Joannis 20. cap: Ille autem nempe Thomas dixit eis nisi videro in manibus ejus, nempe Jesu fixuram clavorum, & mittam maxum meam in Latus ejus, non credam; Venit Jesus & dixit infer digitum tuum huc, & vide manus meas, & asser manum tuam, & mitte in Latus meum. Igitur Jesus Christus perfossus fuit in Latere, & manus, & pedes ejus transfossæ fuerunt.

runt, (sicut de *Messia* prædictum est) ergo *Jesus Messias* prædictus est.

8vo. Ima Par: Num: 8. & 19. de *Messia* dictum vidimus illud *Psalmi* 68. *Et dederunt in escam meam fel, Et in siti mea potaverunt me aceto, complevit, & id Jesus Christus verus Messias Math: 27. Et dederunt ei Vinum bibere cum felle mistum, Et continuo currens unus ex eis acceptam spongiam implevit aceto, Et dabat ei bibere.*

9no. Ima Par: Num: 8. de *Messia* dicitur *Psal: 21 Diviserunt sibi vestimenta mea Et super vestem meam miserunt sortem id contigit Jesu Christo Math: 27. postquam autem Crucifixerunt eum, diviserunt vestimenta ejus, sortem mittentes.*

10mo. Ima Par: 19. apud *Isaiam* cap: 53. de *Messia* prædicitur: *tradidit in mortem animam suam, Et cum sceleratis reputatus est verè in Jesu Christo evenit Marc 15. Et cum eo crucifigunt duos Latrones, unum à dextris, Et alterum à sinistris Et impleta est Scriptura, quæ dicit: Et cum iniquis reputatus est.*

11mo. I. Par: Num: 19. Eodem cap: *Isaiæ* de *Messia* dicitur: *Et ipse peccata multorum tulit, Et pro transgressoribus rogavit. Lucæ 23. de Christo habetur. Jesus autem dicebat: Pater dimitte illis, non enim sciunt quid faciunt.*

12mo. In I. Par: Num: 19. *Messias* *Isaiæ* eodem 53. cap: prædicitur obmutescens, & innocens ad occisionem ducendus. *Oblatus est quia ipse voluit, Et non aperuit os suum, sicut ovis ad occisionem ducetur?* hæc ad amissim implevit *Jesus Christus*

*Christus Math: 27, & cum acufaretur à Principibus Sacerdotum, & Senioribus nihil respondit. Tunc dicit illi Pilatus: non audis quanta aduersum te dicunt testimonioia? & non respondit ei ad ullum verbum: & Petri 2dæ cap: 2do. Qui cum malediceretur non maledicebat cum pateretur, non comminabatur, tradebat autem iudicanti se injustè. Quoniam tam particularia, tamquè diuersarum, & singularium circumstantiarum vaticinia de Messia à Prophetis prædicta, in Jesu Christo omnimodè impleta esse videamus, quæ in nemine alio practicata esse constat, nemo nisi lapide durior non persentiat Jesum Christum verum fore Messiam à Prophetis prædictum, & præsignatum.*

### CAPUT 13tium.

*In quo ostenditur; ea vaticinia in Jesu Christo impleta esse, quæ prædicunt Messiam peccata hominum in se portaturum, pro eis occidendum, sua morte, suoquè sanguine homines Redempturum, & Salvaturum, peccata deleturum, justitiámquè adducturum esse.*

**Q**Uæ ex antiquo Testamento adducemus Testimonia, jam in Parte prima demonstravi de Messia dicta esse. Unde hic cum testimoniis novi testamenti ea non nisi conferemus ( sicut  
&

& in aliis capitibus egimus ) Annotatis tamen ubiq; numeris primæ partis, sub quibus de hujusmodi testimoniis tractavimus; *Messiam* peccata hominum in se suscepturum, ut ab illis homines liberet, & sanct sua morte, & suo sanguine; probavimus in prima parte Num: 19no ex his *Isaïæ* 53. *verè langvores nostros ipse tulit, & dolores nostros ipse portavit, ipse vulneratus est propter Iniquitates nostras, attritus est propter scelera nostra, & livore ejus sanati sumus.*

Eadem de *Christo Jesu* testatur *Petrus* Epistola prima cap: 2do. *Qui peccata nostra ipse pertulit in Corpore suo super lignum. ut peccatis mortui, justitiæ vivamus, cujus livore sanati estis.*

2do. Eodem 53. *Isaïæ* cap: de *Messia* habetur: *propter scelus populi mei percussit eum; Justificabit ipse justus meus multos.* *Christus Jesus* *Matthæ* 27. ait: *hic est Sanguis meus novi Testamenti, qui pro multis effundetur in remissionem peccatorum.*

3tio. In 1. Par: Num: 26. *Daniel* 9. à *Messia* delendam iniquitatem, & adducendam justitiam prædicit: *ut consumetur prævaricatio, & finem accipiat peccatum, & deleatur iniquitas, & adducatur justitia sempiterna, & ungatur Sanctus Sanctorum, & post hebdomades sexaginta duas occidetur Christus*

Apostolus *Paulus* de *Jesu Christo* ait: ad *Rom*: 5. Cap. *Christus pro nobis mortuus est, multo igitur magis nunc justificati in Sanguine ipsius, salvi erimus ab ira per ipsum.*

4to. In 1. Par: num: 32. *Habacuc* in oratione  
K sua

*sua de Messia ait: egressus es in salutem populi tui, in salutem cum Christo tuo. Et Isaïas cap: 51. prope est, justus meus, egressus est Salvator meus: his concordant, quæ de Christo Jesu Lucas ait: cap: 1. ipse enim salvum faciet populum suum à peccatis eorum; Et illa ad Ephesios 1. de Christo Jesu dictis. In quo habemus redemptionem per Sangvinem ejus remissionem peccatorum: & ad Titum 2. Expectantes beatam spem, & adventum gloriæ magni Dei, & Salvatoris nostri Jesu Christi, qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem.*

Ecce igitur quæ Prophetæ *de Messia* prædixerunt nempè: Isaïas *Messiam* portaturum peccata populi, propter ea atterendum, vulnerandum, & occidendum, nosq; ejus livore à peccatis sanandos, per ejus mortem justificandos multos. Daniel verò, à *Messia* delendam iniquitatem, adducendam justitiam, seu remissionem peccatorum. Habacuc verò & alij *Messiam* Salvatorem in salutem populi venturum esse. Hæc omnia vidimus ex adductis novi Testamenti Locis ad amissim in *Jesu Christo* completa, & effectum sortita esse; igitur *Jesus* prædictus à Prophetis *Messias* esse debuit.

## CAPUT 14<sup>um</sup>.

*De cæteris Messia notis in JESU Christo impletis.*

In

**I**N primis Psalmum 21mum probavimus in I. Parte Num: 8. de *Messia* dictum esse. In hoc Psalmo de *Messia* hæc habentur. *Omnes videntes me, deriserunt me, locuti sunt Labiis, & moverunt caput: Speravit in Domino, eripiat eum; saluum faciat eum, quoniam vult eum.* De Verbo ad Verbum illusionem hanc *Christo* in Cruce pendenti Judæi struxerunt improperantes ei. *Alios salvos fecit, seipsum non potest saluum facere; confidit in Deo, liberet nunc, si vult eum.* Math: 27.

Eodem Psal: 21. *Messias* inducitur exclamans: *Deus Deus meus respice in me, quare me dereliquisti?* eadem omnino Verba *Iesus* expirans ingeminavit. Mathæi 27. *Et circa horam nonam clamavit Iesus voce magna, Deus meus, Deus meus, ut quid dereliquisti me?* en ubiquè concordiam summam Vaticiniorum cum gestis *Iesu Christi*.

Post hæc narrat Evangelista Matth: eodem cap: 27. à sexta autem hora tenebræ factæ sunt super universam terram, usque ad horam nonam, & ecce velum templi scissum est in duas partes, à summo usque deorsum, & terra mota est, & petreæ scissæ sunt, & monumenta aperta sunt, & multa Corpora Sanctorum qui dormierant, surrexerunt; Centurio autem, & qui cum eo erant, custodientes *Iesum*, viso terræ motu, & his, quæ fiebant, timerunt valde, dicentes: *Vere Filius Dei erat iste.* Hæc tam patentia, & stupenda miracula narravit, & scripsit Matthæus coram Judæis recenti adhuc memoriâ res illas tenentibus, si fallâ Matthæus narrasset, utiquè statim à Judæis falsitatis, & imposturæ convictus fuisset; quod



tamen nunquam factum est. Hic animum stupor invadit Centurionem, ad hæc miracula cum suis militibus *Jesum* cognovisse *Dei Filium* fore, Judæos autem ipsis saxis duriores, hic manum *Dei* non videre. Decreto Patris æterni satisfacere voluit *Jesus Christus*, & mortem pro peccatis mundi subiit in Ligno Crucis *Jesus Dei Filius* oblatus est in ara Crucis Deo Patri, *ut justificaret ipse Justus multos*. Isaïæ 53. Unde & Deus Pater demonstravit in morte *Jesu* Eum esse Filium suum, sicut cognovit Centurio cum multis aliis. Hinc plurima simul in morte *Jesu* concurrerunt miranda, & stupenda Divinitatem ejus demonstrando. Cur enim in nullius alterius morte terra insolitis motibus conquassata, impracticabilis defectio solis, mortuorum è sepulchris resurrectio, & veli templi nullo manus admovente scissio, petrarum saxorumquè spontanea confractio? cur (inquam) similia in nullius, nisi in morte *Jesu Christi* facta sunt? verè saxis ipsis durior omninò sit, qui ex his non agnoscat *Jesum* esse *Dei Filium*, & promissum à Deo pro peccatis mundi occidendum *Messiam*.

In I. Par: Num: 7. ostendi *Messie* corpus in sepulchro non corruptum iri, ideoquè *Messiam* resurrecturum esse. juxta illa Psalmi 131. *Caro mea requiescet in spe, quoniam non derelinques animam meam in inferno, nec dabis Sanctum tuum videre corruptionem.* *Jesu Christi* corpus non vidit corruptionem, quod requiescebat in spe incorruptionis, & resurrectionis; post tres enim dies.

dies à sua morte resurrexit *Jesus Christus* è sepulchro. Matthæi 28. Respondens autem Angelus dixit mulieribus: nolite timere, Vos; scio enim quod *Jesum*, qui Crucifixus est, queritis, non est hic: Surrexit, sicut dixit, venite, & videte locum, ubi positus erat. Sed & Josephus Judæus id minime negat libr: 18. Antiq: cap: 4. Post triduum enim redi-vivus *Jesus* ipsis apparuit, cum Divini Prophetæ hæc, aliaquæ innumera prodigia de eo nuntiassent. Celeberrimus etiam Judæorum Doctor R. Jehuda Haccadosch in Libr: R. Abrahami qui *ggale ratzi* hoc est revelans arcana inscribitur sic differit: Post triduum verò anima *Messie*, ad Corpus suum revertetur, & exhibit ex illo Lapide, in quo erit sepultus sicut dictum est: Exodi 33. Ecce Locus est apud me stabis super petram, cumquæ transierit gloria mea, ponam te in foramine petrae, Complevit hanc *Messie* resurrectionem *Jesus* post triduum resurgens; igitur ipse *Messias* fuit.

Vidimus etiam in I. Parte Num: 14. de *Messia* dictum esse. Isaïæ II. Cap. In die illa radix *Jesse* qui stat in signum populorum, ipsum gentes deprecabuntur, & erit sepulchrum ejus gloriosum, hæc Prophetia eventum habet in sepulchro *Jesu Christi*. Quàm enim gloriosum sit sepulchrum *Jesu*, imprimis patet ex eo, quod magnificentissimâ Ecclesia decoratum fuerit à Constantino magno Imperatore, ut refert Eusebius in vita Constantini Libr: 3. quam Ecclesiam cum diruerent Saraceni sub Hakemo Ægypti Calipha, scribit

*Ademarus,*

*Ademarus*, statim Deo vindice fame, & gladio perierunt, Ecclesia verò à Christianis restaurata, cujus nunc Custodia Fratribus minoribus concredita est. Penes hoc sepulchrum plurima in dies à Scriptoribus referuntur patrata miracula, quæ non mediocrem ei gloriam addunt. Deindè tot peregrinationis votis ex universâ Christianitate, tot etiam Principum Tutela gloriosissimum est *Jesu Christi sepulchrum*, quod gloriosum fore prædixerat *Isaias*. Nunc tandem accedamus ad examinandas 70. hebdomadas *Danielis*, in quarum ultima *Messias* occidi debuit; Videamusquè si in ultima harum *Jesus Christus* occisus sit, proindequè verus *Messias* à *Daniele* prædictus haberi debeat.

## CAPUT 15tum.

*In quo demonstratur Jesum Christum in ultima septuaginta hebdomadarum Danielis occisum esse, ideoquè prædictum à Daniele, & aliis Prophetis Messiam fore.*

**J**N I. Parte Num: 26. adduximus hoc vaticinium *Danielis*, & probavimus illud de *Messia* dictum esse, sed quia appromissimus id ipsum hoc loci uberius nos examinatueros fore, id circò denuò illud referemus.

Tempore *Darij Medi* prope finem captivitatis

70. Annorum, Daniel ex Jeremia, & Isaia probè cognoscens dictam captivitatem jam jam laxandam esse, non jam de laxanda captivitate, sed de restaurandis Civitate, & templo Deum vehementer rogat ( ut patet ex Capite 9. Danielis ) quo circa Deus Angelum Gabrielem ad consolandum Daniele mifit, qui ei promifit tùm Civitatem, cùm templum restauratum iri; sed alteram Templi, & Civitatis desolationem futuram perpetuam; consolando tamen, tunc desideratum *Messiam* adventurum, peccata deleturum, & justiciam sempiternam adducturum. Quocirca falso ait: Josephus hic Angelum sola prospera Danieli auguratum esse. Sic Angelus Gabriel Danieli loquitur cap: 9. Danielis *septuaginta hebdomades abbreviatæ sunt super populum tuum, & super Urbem Sanctam tuam, ut consummetur prævaricatio, & finem accipiat peccatum. & deleatur iniquitas, & adducatur justitia sempiterna, & impleatur visio, & Prophetia, & ungatur Sanctus Sanctorum; Scito ergo, & animadvertite ab exitu sermonis, ut iterum edificetur Jerusalem, usq; ad Christum Ducem hebdomades septem, & hebdomades sexaginta duæ erunt, & rursus edificabitur platea, & muri in angustia temporum, & post hebdomades sexaginta duas occidetur Christus, & non erit ejus populus, qui eum negaturus est, & Civitatem, & Sanctuarium dissipabit populus cum Duce venturo, & finis ejus vastitas, & post finem belli statuta desolatio. Confirmabit autem pactum hebdomada una, & in dimidio hebdomadis deficiet hostia, & sacrificium, & erit in templo abominatio desolationis*

*lationis. Et usq; ad finem, Et consummationem perseverabit desolatio.*

Hoc Vaticinium de *Messia* dictum esse fatentur Primores Rabbiorum, R. Barachias in Bereſich Rabba. R. Moſes ben Nachman. R. Samuël, & alij: Sed quamvis negare vellent Judæi illud de *Messia* dictum eſſe, iſſis vaticinij verbis convincuntur. Quisnam eſſe poteſt *Sanctus Sanctorum*, id eſt: omnium Sanctiſſimus, niſi ſolus *Messias*? quo Sanctiorem Judæi iſſi neminem agnoſcunt. *Sanctus* autem *Sanctorum* eo modo ſignificat omnium Sanctiſſimum, ſicut Rex Regum ſignificat Regem omnium maximum; igitur hic nomine *Sanctus Sanctorum* indicatur *Messias*, quô nemo Sanctior eſt: quocirca in vaticiniis additur vox *Chriſtus*, quæ Græcè idem ſignificat, quòd hebraicè *Messias*. Deindè prædictus *Chriſtus*, ſcù *Sanctus Sanctorum* dicitur deleturus iniquitatem, & adducturus eſſe juſtitiam ſempiternam. Hoc autem ſoli *Messia* competit, ut potè, de quo Iſaiæ cap: 53. in 1. Parte num: 19. dictum vidimus, *ipſe vulneratus eſt propter iniquitates noſtras, cujus livore ſanati ſumus, juſtificabit ipſe juſtus ſervus meus multos.* Igitur conſtare debet in vaticinio Danielis prædictum eſſe *Messiam*, qui ſolus peccata delere, & juſtitiam ſempiternam afferre poteſt, & qui tot in locis Salvator, & ſalus noſtra, idcirco dictus eſt, 1. parte num: 18. 19. & 32, & in 2. parte Cap: 13.

Nunc ſingula puncta dicti Vaticinij expendamus: *Septuaginta hebdomades abbreviate ſunt ſuper populum*

*populum tuum* (o Daniel) & *super Urbem Sanctam tuam*, nempe decisæ, & definitæ sunt a Deo septuaginta hebdomadæ, in fine quarum eventura sunt: *ut consumetur pravaricatio, & finem accipiat peccatum, & deleatur iniquitas, & adducatur justitia sempiterna.* Nempe: ut morte, & Sanguine *Messie* seu *Christi* deleatur iniquitas, pravaricatio, & peccatum, quod ab Adamo hucusquæ in mundo regnavit, & adducatur status ille, in quo homines à peccati jugo liberati, & Deo morte *Messie* reconciliati, in perpetua rectitudine, & justitia vivere valeant, sicut prædictum pariter vidimus ab Isaia I. Parte Num: 19. & 32.

Hebdomadæ autem illæ, in quarum fine ea eventura sunt, non sunt hebdomadæ mensium, aut Jubilæorum, prout blaterant protervi quidam Judæi, sed sunt hebdomadæ annorum, utpotè quas reperimus in usu fuisse apud antiquos hebræos ex illo Levitici 25. *Numerabis tibi septem hebdomades annorum, id est: septies septem quæ simul faciunt quadraginta novem.* Unde Doctissimi Rabbini Abrabaniel, & Aben Ezra hebdomades Danielis, hebdomades annorū esse censent in expositione capitis 9ni Danielis. Illum etiam morem numerandi hebdomadas annorum antiquis temporibus viguisse testantur Scriptores gentiles Macrobius lib: 1. in somnium Scipionis cap: 6. *post ter septenos annos, quarta annorum hebdomas,* & Varro apud Aulum Gellium lib: 3. noctium Atticarum cap: 10. *se duodecimam annorum hebdomadam ingressum esse* affirmat, id est:

octua-

octuagesimum annum.

In fine harum hebdomadarum futurum esse dicitur, ut non solum deleatur iniquitas, sed & impleatur visio, & Prophetia. In fonte hebræo, & versione Græca habetur: *ad sigillandam visionem, & Prophetiam*, nempe quod sigillabitur, & finietur, seu complebitur in Messia omnis Prophetia. Et ungatur Sanctus Sanctorum, nempe: regnum suum inchoabit Messias sicut Reges regnare incipiunt, dum unguntur.

Scito ergo & animadvertite, nempe: benè attende, ab exitu sermonis, ut iterum ædificetur Jerusalem, quando exhibit sermo, seu edictum, seu facultas ad ædificandam iterum Jerusalem, igitur ab aliquo Rege facultas sermone dabitur, ut iterum ædificetur Jerusalem. Ab exitu illius sermonis, ut iterum ædificetur Jerusalem, usque ad Christum Ducem, (nempe: Messiam) hebdomades septem, & hebdomades sexaginta duæ erunt, & rursum ædificabitur platea, & muri in Angustia temporum, & post hebdomades sexaginta duas occidetur Christus. Non frustrâ separatim ponuntur hebdomadæ septem, & separatim hebdomadæ sexaginta duæ. Nam aliquid particulare post septem hebdomadas fieri debebat, nempe: ut inuitur ædificanda platea, & muri Civitatis; post septem autem illos ædificationis annos numerari debere hebdomadas sexaginta duas, post quas occidetur Christus, septem autem, & sexaginta duæ hebdomadæ faciunt sexaginta novem, ergo Christus occidi debuit post sexaginta novem hebdomadas

domadas Danielis; ergo in dimidio septuagesimæ; quocirca additur in Vaticinio quia *confirmabit pactum hebdomada una, & in dimidio hebdomadis deficiet hostia, & Sacrificium*: tunc enim novum Sacrificium pro peccatis totius mundi *Christus* Deo offeretur, seu occidetur.

Nunc ergo edictum, seu facultatem ædificandæ Jerusalem ab aliquo Rege datam inquiramus, & videamus, an ab illa facultate data interfluxerint sexaginta novem hebdomadæ annorum, ita; ut in dimidio septuagesimæ occisus sit *Jesus Christus*?

Tria inveniuntur Edicta Scripto data in gratiam Judæorum; unum à Cyro Rege Persarum Lib: 1. Esdræ. Cap: 1. Secundum à Dario Histaspæ Lib: 1. Esdræ Cap: 6, sed quia hæc Edicta non fuerunt pro ædificanda urbe, verum pro instaurando duntaxat templo collata; ideo nō possunt dici *exitus sermonis, ut iterum adificetur Jerusalem*. Aliud fuit datum Edictum ad instaurandam urbem Jerusalem à Rege Persarum Artaxerxe Anno ejus Regni vigesimo; sed quia ab eo pauciores Anni interfluxerunt, quam hebdomadæ septuaginta contineant, & etiam quia Scripto fuit datum, non solo sermone; ideo non cohæret cum verbis Vaticinij *ab exitu sermonis*. Ideo invenimus aliam facultatem ædificandæ urbis Jerusalem sermone datam ab eodem Artaxerxe Anno 7mo Regni sui, Lib: 1. Esdræ cap: 7. Ubi Artaxerxes Edictum quidem principaliter Esdræ dedit ad docendum Judæos Legem Dei,  
&



& ad offerenda Sacrificia , sed sat superquē colligitur, etiam tunc Artaxerxem sermone, & in colloquio cum Esdra eidem dedisse facultatem muros, & Civitatem instaurandi ; nam eodem Capite legitur *Et dedit ei Rex omnem petitionem ejus*: Possibile autem non est, quod Esdras Regi familiarissimus, & instaurandæ urbis sitientissimus tunc Regem non petierit de urbe instauranda. Verū etiam 18. Ejusdem Capituli Artaxerxes legitur Esdræ dixisset: *Sed Et si quid tibi, Et Fratribus tuis placuerit de reliquo argento, Et auro, ut faciatis, juxta voluntatem Dei vestri facite*. Igitur signum est; tunc Artaxerxem Esdræ Sermone, & in colloquio concessisse etiam ædificationem urbis, siquidem beneplacito ejus, & Judæorum omnia commisit. Et quia ista facultas ædificandæ urbis non scripto, sed sermone data est, apprimè cohæret cum illis verbis Vaticinij *ab exitu sermonis*: prævidit etenim Deus Artaxerxem Anno 7mo. Regni sui dando omnem petitionem Esdræ, etiam sermone ei concessurum ædificandam urbem ; quo circa per Angelum Danielis Cap: 9. dixit: *ab exitu sermonis*, & indicavit ab illo *exitu sermonis*, ut ædificetur *Jerusalem* numerandas esse prædictas septuaginta hebdomades.

Quod verò post hanc acceptam sermone facultatem reparandæ Urbis Judæi eam non reparaverint, ideo factum est, quia Samaritani, & alij hebræorum inimici armata manu, eos ab opere deterruerunt, atquē idcirco Anno vigesimo

mo Artaxerxis publicum accipere edictum coacti fuerunt, & nihilominus etiam tunc à Sana-ballate, & Tobia Ammanite, & aliis inimicis plurima impedimenta in ædificandis muris passi fuerunt.

Igitur ab exitu sermonis, ut iterum ædificetur *Jerusalem* facti Anno 7mo Regni Artaxerxis numerari debent septuaginta Danielis hebdomadæ. Quælibet hebdomada facit 7. Annos. Septuaginta hebdomadæ faciunt Annos 490.

Sed quia *Messias*, seu *Christus* occidi debet juxta Vaticinium, in dimidio hebdomadis septuagesimæ, ab hebdomada septuagesima detrahi debent tres Anni cum dimidio, & sic ex 490. Annis manebunt 486. Igitur ab anno 7mo Regni Artaxerxis ad occisionem *Messia* seu *Christi* numerandi sunt Anni 486.

Eusebius in Chronico asserit: Artaxerxem Longimanum, de quo loquimur inisse Regnum Anno primo Olympiadis septuagesimæ nonæ, seu Anno periodi Julianæ 4250, ante æram vulgarem Anno 463. Idem testatur Julius Africanus exactissimus temporum explanator, quem Eusebius exscripsit in Chronico. Diodorus Siculus etiam Lib: II. Bibliothecæ refert Xerxem Patrem Artaxerxis occisum fuisse Anno 4to Olympiadis septuagesimæ octavæ, ipsumque Artaxerxem cæpisse regnare Anno sequenti, nempe: Anno primo Olympiadis, septuagesimæ nonæ; qui concurrit cum Anno Periodi Julianæ 4250; Igitur septimus Annus Regni Artaxer-

xis concurrat cum Anno 3tio Olympiadis octuagesimæ, Olympias enim continet 4. Annos. Cum autem Annus septimus Regni Artaxerxis concurrat cum Anno 3tio Olympiadis octuagesimæ, concurrat cum Anno Periodi Julianæ 4256; cum Anno autem ante æram vulgarem 457.

Præterea sciendum est, æram vulgarem esse, quam à Christo Domino nato numeramus. Illius Annus modo numeratur 1757. hujus æræ vulgaris, seu Christianæ, Author est *Dionysius Exiguus* Abbas. Sed juxta omnes Chronologos constat Dionysium errasse in assignando initio æræ vulgaris, nam *Iesus Christus* 4. Annis ante illam æram natus est; quòcirca Crucifixus fuit Anno æræ vulgaris 29, tunc enim attigit annum ætatis suæ 33. quòd autem *Iesus Christus* Crucifixus sit Anno ætatis suæ 33, constat: nam *Lucæ* 3. Cap: dicitur: *cum autem baptizaretur omnis populus, & Jesu Baptizato, & orante apertum est Cælum, & ipse Iesus erat incipiens, quasi Annorum 30.* ergo tempore sui Baptismi, *Iesus* incæpit Annum ætatis Trigesimum: post Baptismum autem *Iesus* tria Palchata trium Annorum peregit, unum Joannis cap: 2do; alterum Joannis Cap: 5to. 3tium verò ante Passionem: ergo *Iesus* Trigesimo tertio Anno ætatis suæ Crucifixus est. His positis, & explicatis, nunc sic probatur, & demonstratur *Iesum Christum* Crucifixum esse in dimidio hebdomadis septuagesimæ Vaticinij Danielis.

Dimidium dictæ hebdomadis septuagesimæ  
(ut

ut ostendimus ) est Annus 486. numeratus ab Anno septimo Regni Artaxerxis, sed *Jesus Christus* Crucifixus est Anno 486. numerato ab Anno 7mo Regni Artaxerxis, ergo *Jesus Christus* Crucifixus est in dimidio hebdomadis septuagesimæ Danielis. *Probatur Propositio minor:* Annus 7mus Regni Artaxerxis, ( ut vidimus, ) est Annus Periodi Julianæ 4256, sed huic Anno Periodi Julianæ 4256, si addas Annos 486, Vaticinij Danielis, habetur Annus periodi Julianæ 4742, quò *Jesus Christus* Crucifixus est, ergo *Jesus Christus* Crucifixus est in dimidio hebdomadæ septuagesimæ Danielis. *Probatur minor Propositio:* Juxta omnes Chronologos Annus imus æræ vulgaris est Annus 4714. Periodi Julianæ, sed si anno huic 4714. Periodi Julianæ addas Annos æræ vulgaris 29, quò *Jesus Christus* Crucifixus est, habes Annos Periodi Julianæ 4742, quò Anno finiuntur 486, Anni Vaticinij Danielis. Ergo *Jesus Christus* morte sua ad amissim adimplevit Vaticinium Danielis in dimidio hebdomadæ septuagesimæ ejus Crucifixus.

Quod idem sic brevius ostenditur: Annus 7mus Regni Artaxerxis ( ut mox diximus: ) est Annus periodi Julianæ 4256, ab hoc igitur Anno, usquè ad Annum imum æræ vulgaris, quem mox diximus juxta omnes Chronologos esse Annum Periodi Julianæ 4714, effluxerunt Anni 457, quibus si addas Annos æræ vulgaris 29, quo Anno *Jesus Christus* Crucifixus est, comperies ab Anno 7mo Artaxerxis ad obitum *Jesu Christi* inter-

interfluxisse Annos 486 Vaticanij ; adeoque  
*Christum Dominum* Crucifixum esse in medio heb-  
 domadis septuagesimæ sicut de *Messia* prædi-  
 ctum est à Daniele Propheta : hinc *Jesus Chri-*  
*stum* verum ab omnibus *Messiam* agnosci debere.

Sed & cætera omnia ejusdem Vaticanij pun-  
 cta in morte *Jesus Christi* completa sunt exactis-  
 simè ; Nam imò in hoc Vaticano is venturus  
 prænuntiatur , in cujus adventu cessabunt visi-  
 ones, & Prophetiæ ; Certum autem est à tem-  
 pore *Jesus Christi* Prophetas in Synagoga cessasse  
 (ut Judæi ipsi vel inviti fatentur) 2do is prædi-  
 citur, quò occisò Civitas Jerusalem, & Sanctu-  
 arium dissipari debebat. At non longo post  
 Christi mortem tempore utrumquè à Tito Ve-  
 spasiano dissipatum est, & hucusquè minimè in-  
 stauratum. 3tio is prænuntiatur venturus, quò  
 moriente deficiet hostia, & Sacrificium : At u-  
 trumquè post mortem *Jesus* defecisse experiuntur  
 Judæi , qui everso templo Jerosolymitano , in  
 quo solo Sacrificia offerre poterant nullo ampli-  
 us gaudent sacrificio. 4to. Is idem prædicitur,  
 quò mortuò futura erat in templo abominatio,  
 desolationis usquè ad finem , & consummationem  
 duratura ; At id Judæi nunc oculis usur-  
 pant, sunt enim omnibus exosi, patrio solo pul-  
 si, dispersi, abjecti, miseri, extorres, sine Patria,  
 sine Principe, sine Sacerdote, sine Sacrificio, sine  
 templo, sine Propheta vagabundi. Refert *Mar-*  
*cellinus* Scriptor Ethniscus Imperatorem Julianum  
 Apostatam voluisse in odium Christianæ religio-  
 nis

nis Judæis Templum instaurare, sed flammâ è  
fundamentis erumpente Judæos ab opere deter-  
ritos omnem recuperandi templi spem abjecisse.

Cum enim Daniel dicto cap: 9. dicat: *erit in  
templo abominatio desolationis usque in finem, &  
consummationem sæculi*, & Isaias 25. Cap: *posuisti  
Civitatem in Cumulum, & urbem fortem in ruinam  
domum alienorum, ut non sit Civitas, & in sempi-  
ternum non adificetur.* Et Jeremiâs cap: 19. *hæc  
dicit Dominus exercituum: Sic conteram populum  
istum, & Civitatem istam, sicut conteritur vas fi-  
guli quod non potest ultra instaurari.* Et cum vi-  
deant Judæi à morte Jesu Christi tot jam sæcu-  
lis Civitatem, & Templum prostrata & irrestitu-  
rata jacere non ne hæc est ruina, & desolatio in  
perpetuum duratura a Prophetis prædicta non a-  
lia de causa, nisi ob verum Messiam Jesum Xstum ab  
ipsis occisum, à cujus morte ea desolatio cæpit.  
Cum perpetua futura sit Jerosolymæ, & status Ju-  
daici desolatio, ut ex Isaia, & Jeremia, & Daniele  
mox citatis constat, cur cæci Judæi contra ex-  
pressa Prophetarum suorum Vaticinia se, & Ci-  
vitatem in pristinum statum adducendos esse pro-  
terve sibi, & falso blandiuntur?

Hinc placet Judæos alloqui verbis S. Joannis  
Chrysostomi oratione 3tia adversus Judæos. „Ete-  
nim si impostor erat Jesus quemadmodum dici-  
tis, Legisque transgressor, par erat, ut hanc  
etiam laudem ferretis, qui talem occideretis.  
Nam si Phinees unico tantum perempto homi-  
ne totam Numinis iram adversus populum exar-  
descen-

„descendentem sedavit, stetit enim inquit Scriptura  
 „Psalm 105. Phinees, & placavit, & cessavit quas-  
 „satio, tamquē multos homines eripuit ab ira  
 „Divina unius hominis cæde, multo magis hæc  
 „vobis oportuit accidere, si Legis transgressor  
 „erat, quem vos Crucifixistis, cur igitur, quæ-  
 „so? Phinees viro Legis transgressore perempto  
 „Justus habitus est, & Sacerdotio honoratus, vos  
 „autem, quum in Crucem egistis Virum impo-  
 „storem ut dicitis Deoque adversantem, quomo-  
 „do fit, ut non solum non feratis Laudem, &  
 „honorem, verum etiam acerbiora passi sitis,  
 „quàm tùm, quum filios vestros mactaretis. An  
 „non istud perspicuum est etiam vehementer  
 „tardis, & hebetibus, quod posteaquam adver-  
 „sus Servatorem, ac Principem Orbis impiè egi-  
 „stis, talis vindicta de vobis sumpta sit.

## BREVIS REFLEXIO.

*Super manifestatione Judeorum coram  
 Officio Illustrissimi, ac Reverendissimi  
 Dñi D. NICOLAI à Debowa Gora  
 DEBOWSKI Episcopi Camenecensis  
 Die 2. Mensis Augusti, Anno 1756.  
 facta.*

**N** Onnulli Judæi variis ex Civitatibus, & locis  
 Regni Nostri Poloniæ congregati Thalmu-  
 distarum cæcitatem, pertinaciam, & commenta  
 ultra ferre non valentes; coram Officio Illustris-  
 simi

fimi Episcopi Camenecensis Viri Zelo Fidei, toto orbe commendati comparuerunt, ubi contra Thalmudistarum falsam doctrinam, ea quæ ex Scriptura Sacra sincere colliguntur novem Puncta publicâ manifestatione agnoverunt.

Brevitati studere volens totam manifestationem opusculo meo non infero: Puncta tamen, quæ Judæi manifestantes contra Thalmudistas publicè agnoscunt, operæ pretium esse duxi hoc loci perpendere; eo vel maxime titulo, quod sicut libellus meus nullum omnino contra Judæicam perfidiam argumentum prætermisit, ita omnia horum sincerius veritatem consentium Judæorum contra versipelles Thalmudistas porrecta in manifestatione puncta in eodem meo libello sat, superq; illustrata maneat. Quod circa loca hic nonnisi adnotabo, quibus quodlibet Punctum fuscè in libello meo pertractatum est; ne si iterato puncta illa hic examinarem, actum agere videar.

In ea Manifestatione Judæi propriissimis DEI Nominibus *Jehova*, *Adonai*, & *Elochim* jurant se novem puncta firmiter tenere, eademq; dispersos alibi Judæos contra Thalmudistas confiteri.

Primum, Secundum, & Quartum Punctum dictæ Manifestationis Judæorum nihil peculiare, & observatione dignum præfere.

Tertio autem Puncto præfacæ Manifestationis habetur hæc Propositio: *Thalmud rejiciendum, ut plenum inauditâ in Deum blasphemiam*; Plurima certe in Thalmudæ absurda reperiuntur. Sed quæ



de venturo *Messia* Rabbinii in Thalmude fatentur; instar argumenti solidi contra ipsos nobis servire debent; Quocirca sic ipsos, ex seipso in pluribus Opusculi nostri locis convincimus.

*Quinto Puncto* hæc habetur propositio: *Idem Deus est Trinus in Personis, quæ Personæ secundum Divinitatem sunt individua.* Catholicus Theologus hanc veritatem melius exprimere non poterat, quam etiam nos evicimus ex antiquo Testamento in 1. Parte Num: 12. & in 2. Parte cap: 7. ubi distinctionem realem Filij à Patre, & nihilominus identitatem in natura ostendimus. Potest etiam hæc veritas probari ex illis: *Isaie locis num: 17.* in 1. Parte adductis; ubi Deus Pater Spiritum suum Sanctum Filio se dare asserit: Hinc Tres Personæ Pater, Filius, & Spiritus Sanctus in una numero Divinitate reperiuntur licet subobscurè in antiquo testamento; luce tamen Evangelij adhibita clarescunt.

*Sexto Puncto* iidem Judæi fatentur: *Possibile est Deum assumere humanam naturam, & passionibus (præter peccatum) subjici.* Hanc demonstravimus de Filio DEI in 1. Parte Num: 23. & Eum Incarnatum esse in 2. Parte cap: 7. nempe: *JESUM Christum.*

*Septimo Puncto* docent: *Jerusalem juxta Prophetas non edificabitur.* Hoc ob oculos Judæis posuimus in 1. parte: Num: 21. pag: 42. aliisq; in locis. Et in 2. Parte Cap: 15. pag: 158.

*Octavo Puncto* dicunt: *Messias in Scripturis promissus jam non veniet.* Nos Eum venisse stante

te adhuc templo à Zorobabele ædificato invictè ostendimus 1. Parte Num: 33. Eumq; esse **JESUM CHRISTUM** totà 2. Parte.

Nono Puncto, Confitentur: Ipse Deus solvet maledictionem latam in Primos Parentes, & genus eorum, & hic est verus Messias incarnatus. Hanc Veritatem ostendimus in 1. Parte num: 23. Et in 2. Parte cap: 13. & 15.

## EPILOGUS.

**Q**Uoniam Judæi in sua manifestatione fatentur *Messiam* amplius non venturum, utiq; ideo, quia cognoscunt Eum jam venisse; alias enim turpiter Divini Prophetæ mentiti fuissent, promittentes *Messiam* desideratissimum venturum, qui tamen nec venerit, nec venturus sit: Quod juxta Judæos ipsos impossibile est. Hinc dum Judæi manifestantes asserunt: *Messiam* in Scripturis promissum, non jam venturum esse; signum est eos dicere velle: *Messiam* promissum jam advenisse: quod etiam nos ita invictè in 1. Parte num: 33. demonstravimus; ut nihil solidi opponere Judæi. valeant. Cum autem *Messias* promissus advenerit stante adhuc Templo à Zorobabele ædificato, (ut loco mox citato ostendimus) velint, nolint, Judæi fateri debent *Messiam* illum promissum fuisse **JESUM CHRISTUM**. Ille quippè est promissus verus *Messias*, in quo uno omnia, & singula veteris Testamenti de *Messia* Vaticinia, ad amussim completa

pleta sunt; Ostendant mihi Judæi aliquem fuisse, præter *JESUM CHRISTUM* tempore, quo stetit Templum à Zorobabele ædificatum usq; ad Ejus ruinam, in quo omnia, & singula Prophetarum *de Messia* Vaticinia impleta sunt; & ego cum ipsis Eundem, ut verum *Messiam* venerabor, & adorabo; Cum verò id ipsi nusquam ostendere possint, ego in hoc Opusculo meo omnia totius veteris Testamenti *de Messia* prolata Vaticinia solidè, & invictè ostendi in uno *JESU CHRISTO* Templum à Zorobabele ædificatum ingresso ad amissim impleta esse: Ergo *JESUS CHRISTUS* promissus à Prophetis *MESSIAS* est, quem jam venisse Judæi ipsi faterentur: ergo rationabiliter Judæismus Convictus esse debet.

F I N I S.

*Ad M. D. Gloriam.*



*Errata*

*sic Corrige.*

*In Prologo*

*Pag: 3. ver: 1.*

17. 22.

de Messiaē - -

Isaiaci - -

quomodo pote-

rat David aut

Abraham dicere

alicui: Tu es:

&c:

de Messia

Isaaci

quomodo pote-

rat Dominus,

seu Deus dice-

re Davidi, aut

Abrahamo: Tu

es &c:

24. 21.

Non - -

Nam.

65. 14.

Memora - -

Memorat.

66. 19.

Messi - -

Messiam

70. 14.

Cap: 13. - -

Cap: 11.

75. 16.

Non abunde

non aliunde

80. 2.

prædictam - -

præditam

89. 7.

Appinionem - -

Appionem

96. 2.

Balaē - -

Balac

97. 25.

Norcus - -

Noricius

109. 23.

parirentur - -

potirentur

114. 6.

videbimus - -

vidimus

118. 1.

convinctus - -

convictus

124. 27.

præditum - -

prædictum

132. 8.

debeat - -

debebat

138. 11.

Christus - -

Christum

151. 26.

post 7. autem il-

los ædificationis,

annos.

post 7. autem il-

las ædificationis

hebdomas.







